

權載之文集

一

權載之文

集

四部叢刊初編集部

序

唐權文公載之詩文全集五十卷前有集賢院大學士楊嗣復序云公昔自纂錄制集五十卷托友人湖南觀察使楊憑爲序公元子中書舍人璩不祿嗣孫憲奉遺集求鄙文以冠首五十卷次第具在集目云按公集流傳不絕如綫今入四庫館別書目者僅二十卷總目稱內府藏本明嘉靖二十年楊慎得之于滇南劉大謨序刻之文苑英華及唐文粹時時散見漁洋王尚書曾見全本五十卷著于居易錄稱無錫顧宸所藏劉體仁之子凡寫贈王者詩賦十卷文集碑銘至祭文共四十卷實五十卷也南昌彭文勤公元瑞寄書于阮中丞元索之知不足齋鮑以文鮑曰無有聞朱竹君先生家有之阮以覆彭彭大驚詢之子珪茫然也問之姪錫庚對曰有之然先人弄貽秘本不敢以假人問其所得之自曰五柳居陶書買告子父曰有不可得之書在某公處公能以未槩名本數種易之可得也子父允之陶果得其書請假鈔一部以原書歸我父然則海內不過二本耳不敢輕以示人子笑曰姑假我一觀可乎庚不得已遲日送至子覽披一過真五十卷不傳之本也亟晝夜命書手鈔成而以原書歸之椒花唼舫以鈔本假彭公彭

大喜照鈔一部手加丹黃校勘塗乙請子序其源委行將梓之已而公病薨于邸子曰權文公集不可得矣囑其門生緩索之子其家彭公之孫邦疇曰信必完璧不日而鈔本復還子覆閱之則彭公病中手跡如新也自癸亥秋至乙丑春珪旣進知足齋詩集荷

御題詩冠于首退而喟然曰權文公忠孝良相其集海內僅有四本不及時受梓可乎同志者聞而踴躍集腋成裘曰善舉無獨爲且彭公遺志也乃俾甘梓人以宋體寫之子陸續校正竣五十卷蓋書之艱晦有時數也按公天水畧陽人貞孝禮公舉之子舊書稱其自貞元迄元和三十年羽儀朝行直諒寬恕言動無飾述作雅正而宏博時人以爲宗匠孝弟力學習亂有聞疏延齡恣行巧佞論學謨不書明刑實舉之餘慶所種也新書稱其雅正贈緡醜藉風流皆紀實也公忠鯁繼宣公之後山斗啟南陽之先斯文不墜蓋有天焉其忠孝之氣耿耿與日月爭光矣刻成鳩工諸君子例序于後嘉慶十一年丙寅二月春分日庚辰 經筵日講起居注官內廷供奉禮仁閣大學士兼理工部翰林院掌院學士事大興朱珪謹序

權載之文集序

銀青光祿大夫充集賢殿大學士楊嗣復撰
 唐有天下二百二十載用文章顯於時代有其人然而
 自成童就傅以及考終命解巾筮仕以及鈞衡師保造
 大必於是視聽必於是文采皆正色而無駁雜調韻皆
 正聲而無奇邪滔滔如江河東注不知其極而又處命
 書翰綽之任專考覈品藻之柄參化成輔翊之勳初中
 終全而有之得之於相國文公矣公諱德輿字載之天
 水人也族望祖宗之遠當官行已之道語在國史銘於
 壙而碑於途此不敢詳今所載者因緣文業而已早歲
 爲淮南江西從事掾管記室之任屬詞詣理奏入而報
 可移文走檄遷事迎解登朝爲起居舍人改駕部員外
 郎換司勳郎中遷中書舍人凡四任九年專掌詔誥大
 則發德音脩典冊酒朝廷之利澤增盛德之形容小則
 褒才能敘官業區分流品申明沮勸無誕詞無巧語誠
 直溫潤真王者之言公昔自纂錄爲制集五十卷託於
 友人湖南觀察使楊公憑爲之序故今不在編次之內
 其他千名萬狀隨意所屬半籠今古窮極微細周流於
 親愛情理之間磅礴於勳賢久大之業不爲利疚不以
 非廢本乎道以行乎文故能獨步當時人人心伏非以

德爵齒挾而致之貞元中奉詔考定賢良草澤之士升
 名者十七人及爲禮部侍郎擢進士第七十有二鸞鳳
 杞梓舉集其門登輔相之位者前後十人其他征鎮岳
 牧文昌掖垣之選不可悉數方且繼居重任者猶森然
 非精識洞鑒鑒其詞而知其人何以臻此耶憲宗皇帝
 紹開中興始初英明申威提法武功既愈文教是圖元
 和五年冬執政暴疾既瘖且痺未旬日而公作相憲章
 儒術潤色王度使和聲順氣發自廊廟而晷淡於幽遐
 我之所長時以推戴玉立冰潔無縞磷遷染之譏以文
 德自終豈徒然哉嗣復不佞發跡門館儀曹台席皆忝
 前躅公之元子中書舍人璩不幸短命其嗣憲孫泣奉
 文集求鄙文以冠篇首雖觀於巨海難挹於波濤而藉
 用白茅所賁誠敬其五十卷次第具在集目謹序

鳩工姓氏

戴衡亨 戶部尚書 江西大庾人

熊枚 工部尚書 江西鉛山人

李鈞簡 吏部侍郎 湖北黃岡人

萬承風 禮部侍郎 江西義寧人

趙秉冲 兵部侍郎 江蘇上海人

吳璫 倉場總督 浙江錢塘人

蔣子蒲 工部侍郎 河南睢州人

陳崇本 太常寺少卿 河南商邱人

王宗誠 少詹事 安徽青陽人

茹菜 翰林院侍讀學士 浙江會稽人

法式善 翰林院侍講學士 蒙古鑲藍旗人

温汝适 祭酒 廣東順德人

吳璫 左庶子 安徽全椒人

吳芳培 右庶子 安徽涇縣人

周系英 翰林院侍讀 湖南湘潭人

鮑桂星 左中允 安徽歙縣人

蔡之定 司業 浙江德清人

姚文田 修撰 浙江歸安人

秦承業 編修 江蘇江寧人

蔣祥墀 編修 湖北天門人

戴殿泗 編修 浙江浦江人

湯金釗 編修 浙江蕭山人

史致儼 編修 江蘇江都人

方振 編修 江西南昌人

涂以翰 御史 浙江新城人

萬雲 吏部員外郎 浙江仁和人

牛坤 戶部主事 直隸天津人

方元鵬 工部主事 浙江金華人

葉繼雯 宗人府主事 湖北漢陽人

陶登瀛 咸安宮教習舉人 江蘇武進人

林天培 廣東惠潮道 順天大興人

言朝標 四川保寧府知府 江蘇人

權載之文集目錄

權 德輿 字載之

第一卷

詩賦

傷駟鳥賦

洞庭春溜滿賦

行舟逗遠樹賦

賜百寮追賞詩

九日言懷

重陽日言志

麟德殿觀新樂

中和節賜宴

重陽日卽事

豐年多慶

迎武舞樂章

讀穀梁傳二首

劉紹相訪

臥病喜人見訪

多病戲書

古興

感遇

跌傷謝勸釀酒

苦熱

覽鏡見白須

晚坐

竹逕偶作

過咸陽墅

南亭卽事

璩授京兆參軍

醉後

書紳

侍從遊後湖讌望

晨坐遇異

郊居歲暮

暮春閑居

月夜詠詩

崔侍御相訪

夏雨率成

夜坐道舊

自告

田家卽事

寓興

浩歌

與道者同守庚申

苦貧戲題

獨酌

知非

誠言

第二卷

詩

和李相公早朝

子司空郊居

和城南郊居

韋曲莊言懷

王侍郎領度支

和李侍郎早朝

和劉侍郎伐叛

和劉大夫麥秋出師

酬鄭尚書新詩

和許闕老見寄

和省中書懷

張監宅對酒

直夜思聞雅琴

和李尚書東亭

和殷員外直夜

酬陸參浙東見寄

酬張監過中書

酬仲員外賀正除

韓韋卿假山

和崔評事見寄

殷郎中至南宮

酬南仲見示

酬崔千牛早秋

酬靈徹上人見寄

酬蔡博士見寄

戲和三韻

贈李韶州

酬崔四郎惠蜀琴

酬馮絳州見寄

酬趙尚書見寄

酬趙尚書看花

第三卷

詩

和喜慶感懷

酬二十二兄見寄

酬陸楚源對月

酬穆侍御感懷

題鄭評事江樓

春遊茅山

和韓侍御白髮

和邵端公醉後

感張曲江

喜戴員外無事

荅韋秀才

寄贈王曹長

貢院對雪

初秋中書宿直

代書荅唐開州

待漏假寐夢舊居

祇命赴京書懷

省中憶江南舊居

寄李衡州

寄崔暉璋

詩問李韶州

贈虛公

郴州換印

泛富春江

寄侍御從舅

湖上晚眺

新秋月夜

丹陽初遂閑居

過靈徹上人房

戲贈張鍊師

戲贈天竺寺主

贈廣通上人

贈老將

戲贈崔表兄

戲贈蘇九

第四卷

詩

送韋起居老舅

送孔十兄賓客

送密秀才歸蜀

送袁中丞持節冊南詔

送房侍御歸越

送張中丞冊弔回鶻

送二十叔赴任

送十四叔赴渝州

送韋丈赴襄城

送薛丈賦得春草

十九兄歸江東

送張詹事致政歸嵩山

送許著作

送少清赴潤州參軍

送濟上人

送張僕射歸鎮

送十兄赴黔中

送韋中丞奉使新羅

韋員外赴河陽

送從弟廣東歸

送從翁赴任

送薛溫州

送王練師

送崔諭德致政東歸

送黔中裴中丞

送裴都護

三十叔赴晉陵

送別浣汎

送張曹長奉使西蕃 餞崔判官

送文暢上人東遊 送范司空

送杜中丞赴任 送殷卿歸淮南

第五卷

詩

送杜尹赴東都 送孔江州

送渾鄆州 陳侍御夜宴敘別

別蔡十二 與丁山人別

送崔錄事 送劉少府

送李城門 送上虞丞

送盧評事省親 送崔端公入京

送張周二秀才 送張將軍歸舊業

送王少府 送從弟歸義興

送梁道士 送鄭秀才

送謝孝廉 送韓孝廉

送陸拾遺 送暎師歸本寺

送宇文少府 送溫錄事

送山人 惠上人房宴別

送裴秀才 送袁太祝

送李侍御 送穆侍御

送崔端公 送陸太祝赴湖南

送李處士 送清汶上人

送別同用澗字 送人使之江陵

別張侍御 送崔秀才歸白田

別張評事觀省 送久別者

第六卷

詩

青龍寺憑眺 朝拜昭陵

酬張秘監清辭 酬馮監遇雨見示

攝職南郊卽事 和張監酒入陵院

和鄭相公扈從 詹事府宿齋絕句

和王祭酒見寄 酬裴端公中秋對月

和崔閣老城外遊 和張秘監過蔣拾遺

酬崔舍人宿直 瑤臺寺對月

夏至日作 社日有懷

元日呈鄭侍御 七夕

九日寄丹陽親 九日北樓宴集

九日龍沙宴會 臘日龍沙會絕句

嚴陵釣臺下作 曉發武陽館

豐城劔池驛感題 奉使遇風雨作

細柳驛

渭水

官人斜絕句

敷水驛

朝元閣

石鏡寺

盤豆驛

渡揚子江寄親故

新安江路

月夜江行

江城夜泊

陪包諫議舉帆

富陽陸路

石塘路有懷

玉山嶺上作

舟行夜泊

曉發桐廬

夜汎臨平湖

次滕老莊

曉

晝

晚

第七卷

詩

和韋諫議送家兄

和張闕老美許陳兄弟

與諸博士宴集

喜太常中書同日遷官

賀國子柳博士

過隱者居

從叔宅薔薇花開

慈恩寺看花

陳闕老看木瓜花

同遊昊天觀

過王尚書林園

與沈拾遺遊棲霞寺

棲霞寺雲居室

天竺寺

題邵端公林亭

題隱者所居

題崔山人草堂

徐孺亭馬上口號

哭劉四尚書

張工部轎車

工部發引傷足

過亡友楊校書廬

哭李晦羣

觀墓者

成南陽臺

周平西墓

蘇小小墓

題柳郎中故居

哭張十八

題亡友舊居

第八卷

歌詞

德宗挽詞三首

順宗挽歌詞三首

昭德皇后挽詞

大行皇太后挽歌詞三首

惠昭皇太子挽詞二首

文敬太子挽詞二首

莊穆公主挽歌二首

憲穆公主挽詞二首

惠康公主挽詞二首

西平王挽詞

北平郡王挽詞

和李尚書竹亭歌

和張僕射朝天行

清上人院牡丹花歌

錫杖歌

馬秀才草書歌

離合詩

酬轉韻離合見贈

同前崔汾和

同前楊於陵和

同前許孟容和

同前馮伉和

同前潘孟陽和

同前武少儀和

春日雪

酬張薦

又酬張薦

五雜俎

數名詩

星名詩

卦名詩

藥名詩

古人名詩

州名詩

八音詩

建除詩

六府詩

三婦詩

安語

危語

大言

小言

第九卷

詩

雜詩五首

廣陵詩

古意

春日戲題十首

相思曲

古樂府

渡秋江怨

秋閨月

薄命篇

放歌行

旅館雪晴新月

玉臺體

贈友人

舟行見月

雜興五首

第十卷

詩

以詩代書寄內

夜泊有懷

蘭溪有寄

相思樹

石楠樹

斗子灘

黃葉館

清明日次弋陽

中書夜直

病中遇直

禮部宿齋有贖

酬九日

和九月遊

上巳日赴祓禊之會二絕

見懷貢院

桃源篇

聽琴舉酒

七夕

同興慶宮卽事

同蒙恩封成紀縣伯

崔尹寫告身

奉使豐陵

南園宴會

題諸孫乞巧文

太常寺宿齋

朝回聞樂

中書宿齋

中書送敕賜齋候

救賜長壽酒

冬至日宿齋郡君朝謁

發峽石路上

西岳廟祝謁

第十一卷

碑銘

岐國公杜公淮南遺愛碑銘

貞武張公遺愛碑銘

第十二卷

碑銘

南川郡王劉公紀功碑銘

李公遺愛碑銘

韋公先廟碑銘

于公先廟碑銘

薛公先廟碑銘

第十三卷

碑銘

渾公神道碑銘

趙公神道碑銘

杜公神道碑銘

盧公神道碑銘

第十四卷

碑銘

齊成公神道碑銘

姚公神道碑銘

王公神道碑銘

第十五卷

碑銘

董公神道碑銘

劉公神道碑銘

嚴公神道碑銘

第十六卷

碑銘

淮陰縣令王府君神道碑銘

伏陸縣令王府君神道碑銘

絳州刺史李公神道碑銘

第十七卷

碑銘

裴公神道碑銘

武公神道碑銘

伊公神道碑銘

崔公神道碑銘

王公神道碑銘

第十八卷

碑銘

裴府君神道碑銘

河間君神道碑銘

孫公神道碑銘

谷氏神道碑銘

百崑禪師碑銘

三洞法師吳先生碑銘

第十九卷

行狀

馬太傅行狀

第二十卷

行狀

盧公行狀

韓公行狀

第二十一卷

墓誌銘

劉公墓誌銘

張公墓誌銘

嚴公墓誌銘

第二十二卷

墓誌銘

賈公墓誌銘

杜公墓誌銘

禮部尚書張公墓誌銘

右僕射李公墓誌銘

第二十三卷

墓誌銘

太常卿韋公墓誌銘

朝議大夫韋君墓誌銘

太中大夫羅公墓誌銘

祕書少監周君墓誌銘

衛尉少卿裴君墓誌銘

太子太保徐公墓誌銘

第二十四卷

墓誌銘

太子少保徐公墓誌銘 并序

禮部尚書王公改葬墓誌銘

容州刺史戴公墓誌銘 并序

饒州刺史崔君墓誌銘 并序

歙州刺史陸君墓誌銘 并序

司門員外郎仲君墓誌銘 并序

第二十五卷

墓誌銘

權府君墓誌銘 并序 李公墓誌銘 并序

司農少卿李公墓誌銘 并序

大理評事唐君墓誌銘 并序

太原府司錄李府君墓誌銘 并序

監察御史張府君墓誌銘 并序

兵曹參軍蕭府君墓誌銘 并序

丹陽縣丞盧君墓誌銘 并序

第二十六卷

墓誌

王妣夫人楊氏附葬墓誌銘 并序

先公先太君靈表

獨孤氏亡女墓誌銘 并序

殤孫進馬墓誌

叔父華州參軍府君墓誌銘 并序

再從叔父斬縣令府君墓誌銘 并序

再從叔父咸陽縣丞府君墓誌銘 并序

登封縣令權君墓誌銘 并序

郴州刺史李君墓誌銘 并序

長安主簿李君墓誌銘 并序

建昌縣丞崔君墓誌銘 并序

房州刺史崔君墓誌銘 并序

第二十七卷

墓誌

崔公夫人柳氏附葬墓誌銘 并序

鄧國夫人谷氏墓誌銘 并序

衛國夫人李氏墓誌銘 并序

權公夫人張氏墓誌銘 并序

王君夫人崔氏附葬墓誌銘 并序

許君夫人韋氏墓誌銘 并序

比丘尼元應墓誌銘 并序

何君夫人盧氏墓誌銘 并序

李公夫人盧氏墓誌銘 并序

柳君夫人權氏墓誌銘 并序

第二十八卷

銘贊

石門道一禪師塔銘 并序

大律師多寶塔銘 并序

三藏和尚影堂碣銘 并序

契微和尚塔銘 并序

興唐觀新鍾銘 并序

世德銘 幾銘

歲星居心贊 并序 二疎

賀監草書贊 無爲先生贊

畫西方變贊 畫釋迦如來贊

繡阿彌陀佛贊 并序

第二十九卷

諡議

德宗皇帝諡冊文 莊憲皇后諡冊文 并序

司空李公諡議 獨孤公諡議

昭陵寢宮奏議 祭岳鎮海瀆等奏議

獻懿二祖遷廟奏議

第三十卷

論議

兩漢辯亡論 苔客問

酷吏傳議 世祖封不義侯議

志過 苔問三章

辭說 釋疑

放言

第三十一卷

記

京兆少尹西屬壁記

祕書郎壁記

司門員外郎壁記

吏部員外郎南曹屬壁記

宏文館大學士壁記

司徒岐公杜城郊居記

太宗飛白書記

第三十二卷

記

宜州響山新亭新營記

黔州觀察使新廳記

開州刺史新宅記

洪州西山風雨池記

虛上人石帆山靈泉北場記

許氏吳興溪亭記 草衣禪師宴坐記

第三十三卷

集序

常山文貞公崔公集序 陸贄翰苑集序

贊皇文獻公李公文集序

博陵崔君文集序 兵部郎中楊君文集序

漳州刺史張君集序

宗元先生吳尊師集序

第三十四卷

集序

梓州刺史權公文集序

司徒張公集序 太子太保姚公集序

左諫議大夫韋君詩集序

左衛自曹許君詩集序

第三十五卷

序

魏國公貞元十道錄序

韋君詩集序 崔侍御詩集序

熊氏清風亭詩序

蕭侍御喜陸太祝移居詩序

第三十六卷

序

送張僕射歸徐州序

送袁中丞持節冊回鶻序

送張中丞持節冊弔新羅序

送韋中丞使新羅序

送裴中丞赴黔中序

送安南裴中丞序

送仲員外充選補使序

送般員外出守均州序

送陸使君赴任序

送許員外出守郢州序

送建州趙使君序

送杜少尹赴東都序

送袁尚書赴襄陽序

第三十七卷

序

送韋起居歸嵩陽舊居序

送崔陸事赴官序

送崔諭德致仕東歸序

送薛將作分司東都序

送韋十二丈任王屋序

送李判官赴黔中序

送李侍御赴成都序

送崔判官赴義武軍序

送李司功赴任序

送從叔赴任鄱陽序

送從兄南仲登科後歸序

送從兄立赴崑山主簿序

送再從弟少清赴潤州參軍序

送三從弟長孺擢第後歸序

送三從弟况赴義興尉序

第三十八卷

序

送袁少府赴官序

送劉秀才登科後觀省序

送前深陽路丞序 送許協律赴西川序

送商州崔判官序 送鄭錄東遊序

送賈使君赴任序 送馬少府赴官序

送徐諮議東歸序 送李侍御赴嶺南序

送靈徹上人歸沃州序

送渾淪先生遊南岳序

送崔端公赴江陵序

送張校書歸湖南序

送從兄穎遊江西序

送從舅詠入京序

第三十九卷

序

送許校書赴江西使府序

重送許校書聯句 送王仲舒序

送丘穎序 送韋評事序

送馬正字序 送陸校書序

送立上人序 送道依聞黎序

送鄭秀才序 送元中丞序

送王侍御序 秋夜謠會序

臆日譙集序 送張評事序

送盧判官序 送馬典設序

送丁少府序 送陳秀才序

送鈕秀才序 送獨孤孝廉序

第四十卷

策問

進士策問五篇 明經春秋第一問

明經禮記第一問 明經周易第二問

明經尚書第二問 明經毛詩第二問

明經穀梁第二問 明經論語第三問

道舉第一問 道舉第二問

宏文生第三問 禮部策問十篇

左氏傳問二篇 禮記問二篇

周禮問二篇 周易問六篇

尚書問二篇 毛詩問二篇

穀梁傳問二篇 論語問二篇

道舉問三篇 宏崇生問二篇

中書試進士策問兩道

吏部試上書人策問三道

第四十一卷

書

柳福州書

荅柳福州書

與張祕監書

荅書

字發

第四十二卷

書

與柳諫議書

與杜給事書

崔左司書

荅崔左司書

賀崔相國書

與獨孤秀才書

荅獨孤秀才書

荅楊湖南書

第四十三卷

表

趙相公謝賜金石凌表

盧相公謝中書侍郎表

賈相公陳乞表

盧相公謝賜方案三表

趙相公謝平章事表

盧相公陳乞兩表

盧相公謝授賓客表

賈相公陳乞表

鄭相公讓中書侍郎表

崔相公謝門下侍郎表

賈相公謝賜馬等表

齊相公讓脩國史表

齊相公進所賜馬表

賈相公陳乞六表

第四十四卷

表

賀破吐蕃表

賀元誼出洛州城表

賀擒送李迺表

賀靈武大破吐蕃表

賀破賊三表

賀雪三表

賀雨三表

謝放朝參表

賀滅膳降兩表

賀德音賑給表

賀八陵修畢表

賀白鷓鴣表

賀黃河清表

賀獲白兕表

賀獲白鹿表

賀獲白山鶴等表

賀嘉禾合穗表

賀連理棠樹表

賀甘露表

賀瑞蓮花表

第四十五卷

表狀

謝御製賜百官追賞詩狀

和御製賜百官追賞詩狀

謝御製九日言懷詩狀

和聖製九日言懷詩狀

謝聖製重陽日中外同歡賜詩狀

和聖製重陽日中外同歡詩狀

賀新製中和樂狀

和聖製觀新樂詩狀

勅批

謝御製賜百官宴集示詩狀

和聖製賜百官宴集詩狀

謝御製重陽日即事詩狀

和聖製重陽日即事詩狀

賀建康郡王誕皇曾孫狀

賀南詔授冊禮畢表

賀幽州大破奚虜狀

賀三教論議狀

奉章阜秦南詔奉聖樂章表

賀雅州大破蕃寇狀

第四十六卷

表狀

謝恩賜馬等狀

謝批荅表

謝知門下事狀

請耐廟狀

謝追贈表

進詩表

謝借飛龍馬狀

留守謝上表

太常博士舉人自代狀

右補闕舉人自代狀

起居舍人舉人自代狀

平章事舉人自代狀

賀除于頔太子賓客表

謝停賜口臘表

謝端午賜衣表

請置防禦軍表

謝吳少陽起復表

謝賜錢狀

秦孝子劉敦儒狀

謝賜冬衣表

請加置留鎮兵狀

將士賀置狀

請加置兵衣糧狀

裴次元充東都副留守狀

謹移義成軍人領陽翟狀

謝除太常卿表

應緣遷奉狀

第四十七卷

疏

論水災上疏

論度支上疏

請置兩省官表

淮西招討事宜

徐州事宜表

許孟容論齊總授官事

論旱災表

昭義軍事宜

恒州招討事宜

山東行營條件

第四十八卷

祭文

祭包監文

祭韓祭酒文

祭盧華州文

祭崔侍御文

祭梁補闕文

祭唐舍人文

祭李祭酒文

祭華殿中文

祭柳郎中

祭李元易文

祭李處士文

第四十九卷

祭文

祭獨孤常州文

祭獨孤台州文

祭賈魏公文

祭張工部文

祭杜岐公文

祭徐給事文

祭奚吏部文

祭呂給事文

第五十卷

祭文

祭員外叔父文

祭相國安平公文

祭河東縣君文

祭崔丞文

祭崔使君文

祭勸校書文

祭崔士曹文

祭楊校書夫人文

祭唐評事文

告王考禮部文

祭王妣楊氏文

告先公員孝文

祭獨孤少監文

祭孫男法延師文

祭外孫女文

權載之文集目錄終

新刊權載之文集卷一

唐權

德興 字載之

賦詩

傷馴鳥賦

紛羽族之多端兮同翻飛而類殊有鸚鵡之微禽亦播質於洪爐因稚子之嬉遊得中園之墜籬恣飲啄以馴擾來目前與座隅爾乃棲以籠檻斂其羽翼留軒所以爲娛俾遐翥之無力乍踉蹌而將舉顧離襪而復息雖主人之見容終使喪天和於自得或親賓至止徽軫徐觸每聞絃而鼓翼亦逗節而翹足吮宛轉以成態聲聞關而助曲乍寂寞以閑暇若凝情於相矚理輕義以自潔類山元之佩玉每翔集以安卑同君子之自牧思謝尙之起舞邁風流之逸躡苟魯昭之不君固乾侯之出辱方渡濟以申傲伊涼德之自覆徵故老之相傳驗曩記之或存存端午之司辰剪其舌而能言巧喉轉以達情順人心而不謗方渴日以呈材願朱明之駿奔忽愀愴以顛頽響哀音於簾箔竟啁啾而不去若伺翔之有託悅心訝而未辯欵狸狴之攫搏俄斃蹈而不勝紛血灑以毛落彼葛盧與冶長通鳥獸之音聲闕君子之周防無古人之至精既不能縱爾於遠廓又不能遂爾之

生成使異類之得志曾未極其飛鳴則本夫養之之惠適所以害其生生又憶夫清江之使者東海之波神苟其時之不來則剝腸而涸鱗鴈鐘鼓而反悲馬皂棧而多死雖爲遇之已甚固又天其天理嘗聞乎聖賢之理物也愚智殊方薰蕕異藏善用無棄兮互見其長各有攸處兮兩不相傷官天地而府萬物絲此道而爲常吾既悟斯理之不早因失之而後防收視聽以真觀兮遂群性之茫茫

洞庭春溜滿賦 送陸灝赴荊州

湖渺渺兮蕩東風以發春春溜滿兮連淨綠以無垠接遠色於青草散晴輝於白蘋及夫反照安流烟花明麗霞生水底身沒空際聽權謳之四起見片帆之遠逝香空曠以澄鮮窮千里於一睇若乃路轉浮陽波連沅湘杜蘅秀兮蕙若芳寫雲翠兮沉夕陽月明露下霽蒼蒼結遐想於騷人兮怕目極以心傷婉婉長離翩翩綵鷁遠泛桃花之浪去從蓮府之辟雲兮水兮指前程於空碧

行舟逗遠樹賦 送嚴署赴東陽

有美一人兮桂爲楫蘭爲舟逗遠樹之晴影泛春江之碧流乍迷雲葉稍映蘋洲凝暮色於愁睇空藹藹以悠

悠的的輕舟亭亭遠質喜揚舫之漸近墜轉岸而還失
映微波以蒼蒨貯嵐翠之蒙密愴南浦之別離占橫塘
之風日柳怨別兮楓傷春望不辯兮愁殺人空江邊兮
遠郊外紛離緒兮相對顰蹙落照以微明暮夕烟而又
晦波茫茫兮景沉沉思結纜於清陰惜歸舟之不駐傷
遠日以軫離心

奉和聖製九月十八日賜百寮追賞因書所懷
錫宴朝野洽追歡堯舜情秋堂絲管動水榭烟霞生黃
花媚新霽碧樹含餘清同和六律應交泰萬寓平春藻
下中天湛恩闡文明小臣諒何幸亦此影華纓

奉和聖製九日言懷賜中書門下及百寮
令節在豐歲皇情恇人安絲竹調六律簪裾列千官烟
霜暮景清水木秋光寒筵開曲池上望盡終南端天麗
慶霄漢墨妙驚飛鸞願言黃花酒永奉今日歡

奉和聖製重陽日中外同歡以詩言志因示百
寮
玉醴宴嘉節拜恩歡有餘煌煌菊花秀馥馥萸房舒白
露秋稼熟清風天籟虛和聲度簫韶瑞氣深儲胥百辟
皆醉止萬方今晏如宸衷在化成藻思煥瓊瑤微臣徒
竊抃豈足歌唐虞

奉和聖製仲春麟德殿會百寮觀新樂

仲月藹芳景內廷宴群臣森森列千戚濟趨鈞陳大
樂本天地中和序人倫正聲邁咸濩易象含義文玉俎
映朝服金鈿明舞相韶光雪初霽聖藻風自薰時泰恩
澤溥功成行綴新廣歌仰昭回竊比華封人

奉和聖製中和節賜百官宴集因示所懷

萬方慶嘉節宴喜皇澤均曉開萸萸初景麗星鳥春藻
思員百度著明並三辰物情舒在陽時令引至仁衢酒
和樂被薰絃聲曲新廣歌武弁側承荷元化醇

奉和聖製重陽日卽事六韻

嘉節在陽數至歡朝野同恩隨千鍾洽慶屬五稼豐時
菊洗露華秋池涵霽空金絲響仙樂劔鳥羅宗公天道
光下濟睿詞敷大中多慙擊壤曲何以荅堯聰

奉和聖製豐年多慶九日示懷

寒露應秋節清光澄曙空澤均行葦厚年慶華黍豐聲
明暢八表宴喜陶九功文麗日月合樂和天地同聖言
在推誠臣職事匪躬瑣細何以報燕飛淳化中

贈文敬太子廟時享退文舞迎武舞樂章

千旄羽籥相虧蔽一進一退殊行綴昔獻三雍盛禮容
今陳六佾崇儀制

讀穀梁傳二首

荀寅士吉射誠乃蔽聰明奈何趙志父專舉晉陽兵下
今漢七國借此以為名吾嘉徒薪知禍亂何由生

憶昔漢梁會豈伊無諸侯群臣自盟敵君政如贅旒有
力則宗楚何人復尊周空文徒爾貶見此背血流

劉紹相訪夜話因書卽事

故人愴久別茲夕欸郊扉山僮漉野醞穉子秦書唯清
露泣珠瑩金波流玉漱忘言我造適瞪視君無違但令
靜勝躁自使癯者肥不待遽生年從此知音非

卧病喜惠上人李鍊師茅處士見訪因以贈

沉痾結繁慮卧見書窗曙方外三賢人惠然來相親整
巾起曳策喜非車馬客支郎有佳文新句凌碧雲霓裳
何飄飄浩志凌紫氛復有沉冥士遠係三茅君各言麋
鹿性不與簪組羣清言出象繫曠跡逃元纈心源暫澄
寂世故方糺紛終當逐師輩巖桂香氤芬

多病戲書因示長孺

行年未四十已覺百病生眼眩飛蠅影耳厭遠蟬聲甘
辛敗六藏冰炭交七情唯思曲肱枕搔首擲華纓

古興

月中有桂樹無翼難上天海底有龍珠下隔萬丈淵人

生大限雖百歲就中三十稱一世晦明烏兔相推遷雪
霜漸到雙鬢邊沉憂戚戚多浩歎不得如意居太半一
氣暫聚常恐散黃河清兮白石爛

感寓

殘雨倦欹枕病中時序分寒蟲與秋葉一夜隔窗聞虛
空對搖落晤言無與羣冥心試觀化世故如絲棼但看
冀戾天豈見山出雲下里徒擊節朱絃秘南薰梧桐秀
朝陽上有威鳳文終待九成奏來儀瑞吾君

跌傷伏枕有勸釀酒者慙忘所苦因有一絕

一盃宜病士四體委匡床暫得遺形處陶然在醉鄉

病中苦熱

三伏鼓洪爐支離一病夫倦眼身似火渴歎汗如珠悻
乏心難定沉煩氣欲無何時灑微雨因與好風俱

覽鏡見白鬚數莖光鮮特異

秋來皎潔白鬚光試脫朝簪學酒狂一曲酣歌還自樂
兒孫嬉笑挽衣裳

南亭晚坐因以示瓌

隱几日無事風交松桂枝團廬含曉霧草木發華姿跡
似南山隱官從小宰移萬殊同野馬方寸即靈龜弱質
常多病流年近始衰圖書傳授處家有一男兒

竹逕偶然作

退朝此休沐閉居無塵氛支策入幽逕清風隨此君琴
觴恣偃傲蘭蕙相氤氳幽賞方自適林西烟景曛

拜昭陵過咸陽墅

季子乏二頃揚雄才一屨伊予此南畝數已踰前賢頃
歲辱明命銘勳鏤貞堅遂茲操書致內顧增缺然乃葺
場圃事追今三四年適因昭陵拜得抵咸陽田田夫競
致辭鄉壘爭來前林盤既羅列雞黍皆珍鮮古稱祿代
耕人以食爲天自慙廩給厚諒使并稅先塗塗溝塍霧
漠漠桑柘烟荒蹊没古木精舍臨秋泉池籠豈所安樵
牧乃所便終當解纓絡田里諧因緣

早春南亭卽事

虛齋坐清晝梅坼柳條鮮節候開新歷筋骸減故年振
衣慙艾綬闕鏡嘆華顛獨有閑懷處孫孩戲目前

璩授京兆府叅軍戲書以示兼呈獨孤郎

見爾府中趨初官足慰吾老牛還厭憤凡鳥亦將雜喜
至醜成感癡來或欲殊因慙玉潤客應笑此非夫

醉後

美祿與賢人相逢自可親願將花柳月盡賞醉鄉春

書紳詩

和靜有真質斯人稱最靈感物惑天性觸理紛多名禍

機生隱微智者鑒未形敗禮因近習詰人自居貞當令
念慮端鄙嫚不能萌苟非不踰矩焉得遂性情謹之在
事初動用各有程千里起步武慧雲自織莖心源一流
放駭浪奔長鯨淵木苟端深枝流則貞清和理通性術
悠久方昭明先師留中庸可以導此生

侍從遊後湖讌望

絕境殊不遠湖塘直吾廬烟霞旦夕生泛覽誠可娛茲
顏俯見輪轍爾詩與書清旭理輕舟嬉遊散煩劬宿雨
蕩殘煥惠風與之俱心靈一開曠機巧眇已踈中流有
荷花花實相芬敷田田綠葉映艷艷紅姿舒繁香好風
結淨質清露濡丹霞無容輝嫋色亦脚躡穠芳射水木
欹葉游龜魚化工若有情生植皆不如輕舟任沿泝畢
景仍躊躇家人亦恬曠稚齒皆忻愉素絃激淒清旨酒
盈樽壺壽觴旣頻獻樂極隨歌呼圓月初出海澄輝來
滿湖清光照酒酣頰傾百慮無以茲心目暢敵彼名利
途輕肥何爲者漿蘆自有餘願銷館中累保此湖上居
無用誠自適年年翫芙蓉

晨坐寓興

清晨坐虛齋羣動寂未諠泊然一室內因見萬化源得

喪心既齊清淨教益敦境來每自愜理勝或不言亭柯
見榮枯止水知清渾悠悠世上人此理法難論

郊居歲暮因書所懷

養拙方去諠深居絕人事返耕忘帝力樂道疎代累
然衡茅下便有江海意寧知肉食尊自學儒衣貴烟霜
當暮節水石多幽致三徑日閑安千峯對深邃策藜出
村渡岸幘尋古寺月魄清夜琴猿聲警朝寐地偏芝桂
長境勝烟霞異獨鳥帶晴光踈篁淨寒翠窗前風葉下
枕上溪雲至散髮對農書齋心看道記清言數名理開
卷窮精義求譽觀朶頤危身陷芳餌紛吾守孤直世業
常恐墜就學緝韋編銘心對欬器元和暢萬物動植咸
使遂素履期不渝永懷邱中志

暮春閑居示同志

避諠非傲世幽興樂郊園好古每開卷居貧常閉門
曙鐘來古寺旭日上西軒稍與清境會暫無塵事煩
靜看雲起滅閑望鳥飛隲乍問山僧偈時聽漁父言
體羸諳藥性事簡見心源冠帶驚年長詩書喜道存
小池泉脉湊危棟鶩雛喧風入松陰淨花添竹影繁
灌園輸井稅學稼奉晨昏此外知何有怡然向一樽

秋疾初愈月夜詠左思招隱詩因而成詠

閑吟理輕步不厭涼夜詠斷續風際聲清羸月中影
螢光拂花露泉脉連桐井心暢百慮銷境閑萬籟靜
前賢有遺韻顧我三日省朗懷方自怡星河漸耿耿

臥病初愈崔侍御相訪

移疾門常掩今朝枉繡衣笑言心乍愜拜伏力猶微
晚歲貞筠少貧家上客稀如何忽見訪里巷有清輝

夏雨率成呈邑中諸公

片雲飛暮雨瀟灑小亭閑細響疎蕪裏微涼坐臥間
已深池際水更綠枕前山未敢勞車馬柴扉且閉關

與故人夜坐道舊

笑語歡今夕烟霞愴昔遊清羸還對月遲寐更逢秋
勝理方自得浮名不在求終當製初服相與臥林邱

自答

自答咎何窮飄然輩戶中清時名未立稔歲室猶空
幽獨慙芳桂飛鳴羨早鴻出門何所見觀息向秋風

田家即事

閑臥藜床對落暉翛然便覺世情非漠漠稻花資旅食
青青荷葉製儒衣山僧相訪期中休漁父同遊或夜歸
待學尚平婚嫁畢渚烟溪月共忘機

寓興

弱冠無所就百憂鍾一身世德既顛墜素懷亦堙淪風
烟隔嵩邱羸疾滯漳濱昭代未通籍豐年猶食貧敢求
庖有魚但慮甑生塵俛首媿僮僕蹇步羞親賓豈伊當
途者一一由中人已矣勿復言吾將問秋旻

浩歌

杖策出蓬華浩歌秋興長北風吹荷衣蕭颯景氣涼通
遶抵山郭里巷連湖光孤雲淨遠峯淥水溢方塘魚鳥
樂天性雜英互芬芳我心獨何爲萬慮縈中腸履道身
未泰主家謀不臧心爲世教牽跡寄翰墨場出處兩未
定羈羸空自傷心憂不可裁佇立河之梁晚歸茅簷下
左右陳壺觴獨酌復長謠放心遊八荒得喪同一域是
非亦何常胡爲苦此生矻矻徒自強乃知盃中物可使
憂患忘因茲謝時輩栖息無何鄉

與道者同守庚申

洞真善救世守夜看仙經俾我外持內當茲申配庚齋
心已恬愉澡身自激明沉沉簾幃下靄靄燈燭清四支
動用息一室虛白生收視志趣捨叩齒集神靈伊予嗜
欲寡居常病恙輕三尸既伏竄九藏乃和平無令耳目
勝則使性命傾竄然深夜中若與元氣并釋宗稱定慧
儒師著誠明派分示三教理詣無二名吉祥能止正委

順則生生視履苟無咎天祐期永貞應物智不勞虛中
理則冥豈資金丹術卽此駐頽齡

丙寅歲苦貧戲題

清朝起藜床雪霜封枯籬家人來告予今日無錢炊醃
醢一已罄薪炭固難期厚生彼何人工拙各異宜問歲
從使檄親賓苦川馳雖非恃而人與出常相隨吳門與
南政頗亦持鉞基有時遇豐年歲計猶不支顏原諒賢
人陋巷能自怡中憶妻子野黍然傾薄藥愧非古人心
戚戚愁朝飢近古猶不及太上那可希奈何時風扇使
我正性衰巧智競憂勞展轉生澆濁吾觀黃金印未勝
青松枝粗令有魚菽豈復求輕肥願懸主家拙甘使羣
下噉如何致一盃醉後無所知

獨酌

獨酌復獨酌滿盞流霞色身外皆虛名酒中有全德風
清與月朗對此情可極

知非

名教自可樂縉紳貴行道何必學狂歌深山對豐草

誠言

言之或未行前哲所不取方寸雖浩然因之三緘口
權載之文集卷一

權載之文集卷二

唐權 德輿 字載之

律詩

奉和李相公早朝於中書候傳點偶書所懷奉

呈門下相公中書相公

五更鍾漏歇千門扇鑰開紫微殘月下黃道曉光來辨
色越中禁分班列上台祥烟初繚繞威鳳正徘徊斧藻
歸全德輪轅適衆材化成風偃草道合鼎調梅渥命隨
三接皇恩暢九垓嘉言造膝去喜氣沃心迴東閣延多
士南山賦有臺陽春那敢和空此詠康哉

奉和于司空二十五丈新卜城南郊居東接司

徒公別墅卽事書情奉獻兼呈李裴相公

一德承昌運三公翊至尊雲龍諧理代魚水見深恩別
墅池塘曉晴郊草木蕃溝塍連杜曲茅土盛于門卜築
因登覽經邦每討論退朝鳴玉會入室斷金言林援依
東閣壺觴接後園巡深雲自起風靜葉初翻宰物歸心
匠虛中卽化源巴人寧敢和空此媿遊藩

奉和新卜城南郊居得與衛右丞隣舍因賦詩

寄贈

上宰坐論道郊居仍里仁六符旣昭晰萬象隨陶鈞旭

旦下玉墀鳴鶴拂車茵軒窗退殘暑風物迎蕭辰山澤
蜃雨出林塘魚鳥馴豈同求羊邇共是義皇人石君五
曹重左戶三壤均居止烟火接逢迎雞黍頻大方本無
隅盛德必有隣千年郢曲後復此開陽春

奉和韋曲莊言懷貽東曲外族諸弟

韋曲冠蓋里鮮原鬱青菴公台陸中外墅舍隣西東
駟出國門晨曦正矐矐燕居平外土野服叅華蟲疆
分古渠烟霞連灌漑長幼序以齒歡言無不同憶昔全
盛時郎郇播休功代業橫宇內光塵藹墟中慨息多承
歎歌詩厚時風小生忝瓜葛慕義斯無窮

和王侍郎病中領度支煩迫之餘過西園書堂

閑望

憑檻輟繁務晴光烟樹分中邦均禹貢上藥驗桐君滿
逕風轉蕙卷簾山出雲鏘然玉音發餘興在斯文

奉和度支李侍郎早朝

夙駕趨北闕曉星啟東方鳴騶分騎吏列燭散康莊照
灼華簪並委迤綺陌長腰金初辨色噴玉自生光獻替
均三壤貞明集百祥下才叨接武空此媿文昌

奉和劉侍郎司徒奉詔伐叛書情呈宰相

玉帳元侯重黃樞上宰雄緣情詞律外宣力廟謀中震

耀恭天討殿凝助歲功行看畫麟閣凜凜有英風

奉和鄜州劉大夫麥秋出師遮虜有懷中朝親故

天子愛全才故人雄外臺綠油登上將青綬亞中台亭障鳴笳入風雲轉旆來蘭坊分香麥壠望莓莓月向瑀弓滿蓮依寶劔開行師齊鶴列錫馬盡龍媒壯志徵梁甫嘉招萃楚材千尋推直幹百鍊去纖埃間澗勞相望歡言幸早陪每聯花下騎幾泛竹間杯芳訊雙魚遠流年兩鬢催何時介圭覲攜手詠康哉

太原鄭尚書遠寄新詩走筆酬贈因代書賀

曉開閩闔出絳言共喜全才鎮北門職重油幢推上略榮兼草履見深恩昔歲經過同二仲登朝竝命慙無用曲臺分季奉齋祠直筆繫年陪侍從芬芳雜舌向南宮伏奏丹墀跡又同公望數承黃紙詔虛懷自號白雲翁戎裝蹀躞紛出祖金印煌煌寵司武時看介士閱犀渠每狎儒生冠章甫晉祠汾水古并州千騎雙旌居上頭新握兵符應感激遠緘詩句更風流緇衣諸侯諒稱美白衣尙書何可比只今麟閣待丹青努力加餐報天子奉和許閣老酬淮南崔七十端公見寄

文行蘊良圖聲華挹大巫榆材起粉署駁議枉黃樞自

得環中辯偏推席上儒八音諧雅樂六轡騁康衢密侍今鏘珮雄才本弃繻鑪烟霏瓊閣宮漏滴銅壺舊友雙魚至新文六義敷斷金揮麗藻比玉詠生芻交辟嘗推

重單辭忽受誣風波疲賈誼歧路泣楊朱溟漲前程險炎荒旅夢孤空悲萬跼水繡美雁銜蘆故國方迢遞羈愁自鬱紆遠猷來象魏需澤過番馬盡室扁舟客還家萬里途索居因仕宦著論擬潛夫帆席來應駛郊園半已蕪夕陽尋古逕涼吹動纖枯憶昔同駟傳忘懷或據梧幕庭依古剎緝稅給中都瓜步經過慣龍沙眺曉殊

春山嵐漠漠秋渚露塗塗德輿建中興元之間與崔同濟寺貞元初德輿受禪於江西廉推崔又知度支院在焉孰謂原思病非關竇武恩方看矍獍豸俄歎繫駒駘芳訊風情在佳期歲序徂二賢歡最久三益義非無柏悅心應爾松寒志不渝子將陪禁掖亭伯限江湖交分終推轂離憂莫向隅分曹日相見延首憶田蘇

奉和李給事省中書情寄劉苗崔三曹長因呈

許陳二閣老

常察幾處伏明光新詔聯翩夕拜耶五夜漏清天欲曙萬年枝暖日初長分曹列侍登文石促膝閑語接羽觴共說漢朝榮上賞豈令三友滯滯唐

過張監閣老宅對酒奉酬見贈其年停頁畢

里仁無外事徐步一開顏荆玉收難盡齊竿喜暫開秋風傾菊酒霽景下蓬山不用投車轄甘從倒載還

奉和張舍人閣老閣中直夜思聞雅琴因以書

事通簡僚友

紫垣宿清夜藹藹復沉圓月衝漢淨好風松篠深軒窗韻虛籟蘭雪懷幽音珠露銷暑氣玉徽結遐心盛才本殊倫雅誥方在今佇見舒綵翻飛歸鳳林

和兵部李尚書東亭詩

三接履聲退東亭斯曠然風流披鶴氅操割佩龍泉雲卷巖嶺疊雨餘松桂鮮豈煩禽尚遊所貴天理全

和司門殿員外早秋省中書直夜寄荆南衛象

端公

共嗟王粲滯荆州才子為郎憶舊遊涼夜偏宜粉署直清言遠待玉人酬風生北渚烟波澗露下南宮星漢秋早晚得為同舍侶知君兩地結離憂

酬陸三十二參浙東見寄

驂馬別已久鯉魚來自烹慙慙故人意惻悵中林情恣甚重江外杳杳一枝瓊搔首望良覲為君華髮生

奉酬張監閣老雪後過中書見贈加兩韻簡南

省僚舊

寓直久叨榮新恩倍若驚風清五夜永節換一陽生潘鬢年空長齊竿藝本輕常時望連茹今日劇懸旌在步歎方接含毫思又紫煩君白雪句歲晏若為情

酬主客仲員外見賀正除

五年承乏奉如綸才薄那堪侍從臣禁曙獨聞清漏曉命書慙對紫泥新周班每喜簪裾接郢曲偏宜諷詠頻憶昔曲臺嘗議禮見君論著最相親

奉和太府韋卿閣老左藏庫中假山之作

春山仙掌百花開九棘署金有上才忽向庭中摹峻極如從洞裏見昭回小松已負干霄狀片石皆疑結地來都內今朝似方外仍傳麗曲寄雲臺

奉和崔評事寄外甥劉同州并呈杜賓客許給

事王侍郎昆弟楊少尹李侍衛并見寄之作芳訊來江湖開緘築瑤碧詩因乘黃贈才擅雕龍格深陳名教本諒以仁義積藻思成采章雅音聞繳絳清時左馮翊貴仕二千石前日應星文今茲啟華戟謝公嘗乞墅乞音甯氏終相宅往歲疲草元忘年齊舉白酒酣吟更苦夜艾談方劇東巷風雨秋石頭烟水夕多逢長者轍不屑諸公辟酷似仰牢之雄詞挹亭伯老驥念千

者轍不屑諸公辟酷似仰牢之雄詞挹亭伯老驥念千

里飢雁舒六翮，匪能捨郊扉。來偶朝中客。

和職方殷郎中留滯江漢初至南宮呈諸公并見寄

見寄

十歲別文昌，藩符寄武當。師員上介，辟恩擢正員郎。藻

思烟霞麗，歸軒印綬光。項佐山南榮加章服還希駐華罔，莫自歎

馮唐

奉酬從兄南仲見示十九韻

晉季天下亂，安邱佐關中。德輝竊家謀，侯籍推時功。管

纓盛西州清，白傅素風逢。時有舒卷繕，性無窮通吾。兄

挺奇姿，向晦道自充。耕鑿汝山下，退然安困蒙。詩成三

百篇，儒有一畝宮。琴書滿座右，芝木生牆東。麗藻榮相

鮮，晨輝艷芳蕪。清光杳無際，皓魄流霜空。邦有賢諸侯，

主盟詞律雄。薦賢比文學，理郡邁文翁。樓中賞不獨，池

畔醉每同。聖朝關四門，發跡貴名公。小生何爲者，往歲

學靡蟲。華簪映武弁，一年被微躬。開緘捧新詩，瓊玉寒

青葱。謬進空內訟，結懷遠忡忡。時來無自疑，刷翮摩蒼

穹

酬崔千牛四郎早秋見寄

浩歌坐虛室，庭樹生涼風。碧雲滅奇彩，白露萎芳蕪。感

此時物變，悠然遐想通。偶來被簪組，自覺如池籠。少年

才藻新金鼎，世業崇鳳文。已彪炳瓊樹，何青葱聯鑣。長

安道接武承，明宮君登玉墀。上我侍彤庭，中疲病多內

愧。切磋商常見，同起予。覽新詩逸韻，凌秋空相愛。每不足

因茲寓深衷

酬靈徹上人以詩代書見寄時在薦福寺生夏

蓮花出水地，無塵中有南宗了。義人已取貝多翻，半字

還將陽燄論。三身碧雲飛，處詩偏麗白。月圓時信本真

更喜開絨銷熱惱，西方社裏舊相親

酬蔡十二博士見寄四韻

蕪城十年別，蓬轉居不定。終歲白屋貧，獨諳清酒聖。風

塵韋帶減，霜雪松心勁。何以浣相思，啟元能盡性。君著周易

啟元十卷

戲和三韻

墨翟突不黔，范丹甌生塵。君今復勞歌，鶴髮吹濕薪。前

詔許真秩，何如巾軟輪。君貞元十一年以隱君拜命詔書令州府給傳乘詣關到日

授正官

李十韶州寄途中絕句使者取報修書之際口

號酬贈

詔下忽臨山水郡，不妨從事恣攀登。莫言向北千行雁

別有圖南六月鵬

崔四郎協律以詩見寄兼惠蜀琴因以酬贈

靡風結煩想客至傳好音白雲緘郢曲朱絃巨蜀琴冷
冷響幽韻欸欸寄遐心晚歲何以報與君期斷金

酬馮絳州早秋絳臺感懷見寄

良牧閑無事層臺思渺然六條榮印綬三晉辯山川洗
續謳謠合開襟眺聽偏秋光連大鹵霽景下新田葉落
徑庭樹人歸曲沃烟武符頌美化元字訪疑年經術推
多識卿曹亦累遷齋祠常並冕官品每差肩按部青絲
騎裁詩白露天知音愧相訪商洛正閑眠

酬趙尚書杏園花下醉後見寄時為太常卿

春光深處曲江西八座風流信馬蹄鶴髮杏花相映好
羨君終日醉如泥

酬趙尚書城南看花日晚先歸見寄

杜城韋曲遍尋春處處繁花滿目新日暮歸鞍不相待
與君同是醉鄉人

權載之文集卷第三

唐權德輿字載之

雜詩

伏蒙十六叔寄示喜慶感懷三十韻因獻之

受氏自有殷樹功緬前秦圭田接土宇侯籍相紛綸二代祖周宜昌公七代祖隋郟城公六代祖皇朝封平涼公首以勳庸也道義集天爵菁華極人文握關中臺並折桂東堂春五代伯祖屯田郎中府君叔祖水部員外郎府君曾祖叔梓州府君長安府君同祖德蹈前哲家風以進士居甲科載在登科記之內也祖德蹈前哲家風播清芬與蘇可業源明包著作融為文章之友唱酬在復各有先公秉明義大節逢艱屯獨立挺忠孝至誠感神人命書備追錫跡遠道不伸小生諒無似積慶遺昌辰九年西掖忝五轉南宮頻司理因曠職曲臺仍禮神愧非夔龍姿忽佐堯舜君內惟負且乘徒以弱似仁豈足議大政所憂玷葵倫叔父貞素履舍章窮典墳百氏若殊貫九流皆翬分黃鍾蘊聲調白玉那繡穉清論坐虛室長譚宜幅巾開關接仁祠支榮無俗賓種杏當暑熱烹茶含露新井徑交碧薛軒窻樓白雲飛沉禽魚樂芬馥蘭桂薰經術宏義訓息男茂嘉聞筮仕就色養宴居忘食貧四方有翹車上國有蒲輪行當反招隱豈得

常退身素吳路杳杳朔海望云云侍坐馳夢寐結破積
昏昕發函捧新詩慈誨情殷勤省躬日三復拜首書諸
紳

酬李二十二兄主簿馬跡山見寄 並序

族內兄暢純靜而深直方而文與予同寓居丹陽丹陽
郭北四十里所有馬跡山山有奇峯怪石且多昔賢真
仙之所游踐方外士般渙然通易經老嚴之旨居於山
下從舅原均探異好古亦往來棲息其間貞元元年兄
以典校秘書調補江陵松滋主簿以地遠不就職予以
環衛冗秩罷漕輓從事且久家居食貧里巷相接其明
年兄命駕遊此山予以疾故不克偕往既而猥辱鍾陵
檄召兄自山中以詩一首見貽理精詞達清滌心府三
復其文如至山下終篇則戲以出處之跡見討故予復
之於此章仍加六十字以就全數

杳杳塵外想悠悠區中緣如何戰未勝曾是教所牽遠
知有靈峯夙昔栖真仙鸞聲去已久馬跡空依然丹岸
轉初旭碧落凝秋煙松風共蕭颯蘿月想嬋娟內兄艱
遁心嘉遜性所便不能棲枳棘且復探雲泉中有冥寂
人閑請逍遙篇聯袂共支策握衣嘗絕編徐行石上苔
靜韻風中絃烟霞濕儒服日月生寥天新詩來起予雅

臻六義全能盡含寫意轉令山水鮮若聞笙鶴聲宛在
耳目前登攀阻心賞愁疾空懷賢出處豈異途心冥即
真筌暫從西府檄終卧東菑田不嫌予步蹇但恐君行
邁如能固曠懷谷口期窮年

酬陸四十楚源春夜宿虎邱山對月寄梁四敬

之兼見貽之作

東風變蘅薄時景日妍和更想千峯夜浩然幽意多
香襲閑趾松露泣喬柯潭影漾霞月石床封薛蘿犬君
非歲時已負青冥姿龍虎一門盛淵雲四海推駿駉步
驟曼婉婉翥長離元圃盡瓊樹家林輕桂枝聲榮徒外
獎恬淡方自適逸氣凌顛清仁祠訪金碧芋眠瑤草秀
斷續雲竇滴芳訊發幽緘新詩比良覲故人石渠署美
價滿中朝落落杉松直芬芬蘭杜飄雄詞鼓溟海曠度
豁烟霄營道幸同術論心皆後凋循環伐木詠緬邈招
隱情慙茲擁腫才愛彼潺湲清拘牽尚多故夢想何由
并終結方外期不待華髮生

酬穆七侍郎早登使院西樓感懷

耿耿宵欲半振衣庭戶前浩歌撫長劍臨風泛清絃晴
霜灑寒蕪微月露碧鮮杉栢韻幽籟河漢明秋天良夜
難可翫沉憂逾浩然樓中遲啟明林際揮宿烟晨風響

鐘鼓曙色分山川滔滔大江駛杲杲朝日懸因窮西南
承得見天地全動植相糺紛車徒競喧闐鱧鮪躍洪流
腐廢倚荒阡嚙嚙白雲厲嘒嘒清露蟬一氣鼓萬殊晦
明相推遷義和無停鞅不得常少年當令志氣神及此
鬢髮元豈唯十六族今古稱其賢夫君才氣雄振藻何
翩翩詩輕沈隱侯賦擬王仲宣小鳥搶榆枋大鵬激三
千與君期晚歲方結林棲緣

奉和李大夫題鄭評事江樓

達士無外累隱机依南郭茅棟上江開布帆當砌落支
頤散華髮欹枕曝靈藥入鳥不亂行觀魚還自樂何時
金馬詔早歲建安作往事盡筌蹄虛懷寄杯杓邦君駐
千騎清論時酌憑檻出煙埃振衣向寥廓心源齊彼
是人境勝巖壑何必栖冥冥然後避婚繳

春遊茅山酬杜評事見寄

喜得賞心處春山豈計程連溪芳草合半嶺白雲晴絕
調漱沐碧仙壇挹顛清僕君在人境不共此時情

和韓侍御白髮

白髮今朝見虛齋曉鏡清乍分霜簡色微映鐵冠生暮
下多能事周行挹令名流年未可歎正遇泰階平

和邵端公醉後寄子諫議之作

莫羨簷前柳春風獨早歸陽和次第發桃李更芳菲

和李大夫西山祈雨因感張曲江故事十韻

亞相冠貂蟬分憂統十聯火星當承日雲漢倬炎天齋
禱期靈貺精誠契昔賢中宵出騶馭清旭放牲餼觸石
看初起隨車應物先雷音生絕巘雨足晦平阡蕭灑四
溟合空濛萬頃連歌話道淨國稼穡遍原田故事三台
盛新文六義全作霖應自此天下待豐年

同陸太祝鴻漸崔法曹載華見蕭侍御留後說

得衛撫州報推事使張侍御却週前刺史載

員外無事喜而有作三首

專城書素至留臺忽報張網攬轡迴共看昨日蠅飛處
併是今朝鶴喜來

鶴髮州民擁使車人人自說受恩初如今天下無冤氣

乞為邦君雪謗書

眾人哺啜喜君醒渭水由來不雜涇遮莫雪霜撩亂下

松枝竹葉自青青

荅韋秀才寄一首

中峯雲暗雨霏霏水漲花塘未得歸心憶瓊枝望不見
幾迴虛濕薜蘿衣

戶部王曹長楊考功崔刑部二院長並同鍾陵

使府之舊因以奇贈又陪郎署喜甚常寮因

書所懷且敘所知一作前好

忽驚西江侶共作南宮郎宿昔芝蘭室今茲鸞鷺行子
猷美風味左戶推公器含毫白雪飛出匣青萍利子雲
嘗燕居作賦似相如閑成考課奏別貢賢良書子玉諒
貞實持刑慎丹筆秋天鴻鵠姿晚歲松筠質伊予誠薄
才何幸復趨陪偶來座右掖空此憶中臺時節東流駛
悲歡追往事待月登庾樓排雲上蕭寺盍簪連府謠落
帽龍沙醉極浦送風帆靈山眺烟翠解頤通善謔喻指
窮精義擗管或飛章分曹時案吏雨散與蓬飄秦吳兩
寂寥方期全臙臙豈望躡扶搖夜直分三署晨趨共九
霄外廷時接武廣陌更連鑣北極星辰拱南薰氣序調
欣隨衆君子並立聖明朝

貢院對雪以絕句代八行奉寄崔閣老

高宿春闈歲欲除嚴風密雪絕雙魚思君獨步西垣裏

日日含香草詔書

初移月夜中書宿直因呈楊閣老

欽枕直廬暇風蟬迎早秋沉沉玉堂夕皎皎金波流對

掌喜新命分曹諧舊遊相思翫華彩因感庾公樓

唐開州文編遠寄新賦畧惠良藥咏嘆仰

佩不覺斐然走筆代書聊申還答

風雨竦庭柯端憂坐空堂多病時節換所思道里長故
人朱雨轉出自尚書郎下車今幾時理行遠芳瓊瑤
覽良訊茱萸滿素囊結根在貴州蠲疾傳古方探擷嘗
五月慙慙逾八行深情婉如此善祝何可忘復有金玉
音煥如龍鳳章一聞靈洞說若觀羣仙翔三清飛慶霄
百次成雄銜體物信無對洒心願相將昔年同旅食終
日窺文房春風眺蕪城秋水渡柳楊君爲太史氏弱質
羈楚鄕今來忝司諫千騎遙相望歸雲夕鱗鱗圓魄夜
蒼蒼遠思結鈴閣何人交羽觴行見徵潁川無爲薄淮
陽政成看再人列侍爐烟傍

待漏假寐夢歸江東舊居

一下有因寄惠閣老
茅處士時德與秉政

未果
會也

十年江浦卧郊園閑夜分明結夢魂舍下烟蘿通古寺
湖中雲雨到前軒南宗長老知心法東郭先生識化源
覺後忽聞清漏曉又隨簪佩入君門

祇命赴京途次淮口因書所懷

弱植素寡偶趨時非所任感恩再登龍求友皆斷金彪
炳親奇采淒淒爾雅音適欣佳期接遠歎離恩侵屢靡
邁遠道忡忡勞寸心難成獨酌謠空奏伐木吟次寥清

冬時蕭索白晝陰交歡諒如昨滯念紛在今因風試矯
翼倦飛會歸林向晚清淮駛迴首楚雲深

省中春晚忽憶江南舊居戲書所懷因寄兩浙

親故雜言

前年冠獬豸戎府隨賓介去年簪進賢導法官前今
茲戴武弁諺列金門彥問我何所能頭冠忽三變野性
慣疎閑晨趨與暮還花時限清禁暮後愛南山晚景支
頤對樽酒舊遊憶在江湖久東樓柳寺共開襟楓岸烟
塢幾攜手結廬嘗占練湖春猶寄黎床與幅巾疲羸只
欲思三徑慙直那堪備七人更想東南多竹箭元圃瓊
玕共恣構或書且附雙鯉魚偏恨相思未相見

寄李衡州

時所居衡州宅

片石叢花畫不如庇身三迳豈吾廬主人千騎東方遠
唯望衡陽鴈足書

寄臨海郡崔璋

美酒步兵厨古人嘗宦遊赤城臨海嶠君子今督郵吏
隱豐暇日琴壺共冥搜新詩寒玉韻曠思孤雲秋志士
誠勇退鄙夫自包羞終當就知己莫戀滄溟流

李韶州著書常論釋氏之理貴州有能公遺跡

詩以問之

常日區中暇時聞象外言曹溪有宗旨一為勸心源

馬上贈盧公

馬足早塵深影纓又滿襟吾師有甘露為洗此時心

郴州換印緘遺之際率成三韻因寄李二兄員

外使君

緘題桂陽印持寄朗陵兄刺舉官猶屈風謠政已成行
看換龜紐奏最謁承明

早發杭州泛富春江寄陸三十一公佐

候曉起徒馭春江多好風白波連青雲蕩漾晨光中四
望浩無際沉憂將此同未離奔走途但恐成悲翁俯見
觸餌鱗仰目凌霄鴻纓塵日已厚心累何時空區區此
人世所向皆樊籠唯應杯中物醒醉為窮通故人元圃
委瓊樹紛青蕊終當此山去共結蘭桂藂

寄侍御從舅

初免職歸山東一作侍御從舅初免職歸東山書以詩

靡靡南軒蕙迎風轉芳滋落落幽澗松百尺無附枝世
物自多故達人心不羈偶陳幕中畫永負林間期感恩
從慰薦循性難繁雜野鶴無俗質孤雲多異姿清冷松
露沾照灼巖花遲終當稅塵駕來就東山嬉

湖上晚眺呈惠上人

湖上煙景好鳥飛雲自還幸因居止近日覺性情閑獨

酌乍臨水清機常見山此時何所憶淨侶話元關

新秋月夜寄故人

客心宜靜夜月色澹新秋影落三湘水詩傳八詠樓何窮對酒望幾處捲簾愁若問相思意隨君萬里遊

白楊子歸丹陽初遂閑居聊呈惠公

移疾喜無事卷簾松竹寒稍知名是累日與靜相歡蹇茂逢機少迂疎應物難只思閑夜月共向沃州看

月夜過靈徹上人房因贈

此身會逐白雲去未洗塵纒還自傷今夜幸逢清淨境滿庭秋月對支郎

戲贈張鍊師

月帔飄飄摘杏花相邀洞口勸流霞半酣乍奏雲和曲疑是龜山阿母家

戲贈天竺靈隱二寺寺主

石路泉流兩寺分尋常鍾磬隔山聞山僧半在中峯住共占青巒與白雲

贈廣通上人

身隨猿鳥在深山早有詩名到世間客至上方留盃漱龍泓洞水畫潺湲

贈老將

白草黃雲塞上秋曾隨驃騎出并州轆轤折虬鬚白轉戰功多獨不侯

戲贈表兄崔秀才

何事年年戀隱淪成名須遣及青春明時早獻甘泉去若待公車却悞人

醉後獻贈蘇九僧

蘇常好讀元魯山文比或勸入關者故戲及之白首書窻成鉅儒不知簪組遍屠沽勸君莫問長安路且讀魯山千為子子為子德秀所為歌也

權載之文集卷第三

權載之文集卷第四

唐權德輿字載之

詩

奉送章起居老舅百日假滿歸嵩陽舊居

威鳳翔紫氛孤雲出寥天奇采與幽委縹緲皆自然
聞陶唐氏亦有巢由全以茲聳風俗豈必効羈牽
大君遂羣方左史蹈前賢振衣去朝市賜告歸林泉
滑和固難久循性得所便有名皆畏途無事乃真筌
舊整窮吝窅新潭漾淪漣崑花落又開山月缺復圓
輕策逗蘿逕幅巾凌翠烟機閑魚鳥狎體和芝朮鮮
四皓本避難二疎猶待年况今寰海清復此鬢髮元
顛懸纒上塵未絕區中緣齊竿終自退心寄嵩峯巖

奉送孔十兄賓客承恩致政歸東都舊居

達人曠迹通出處每憶安居舊山去乞身已見抗疏頻
優禮新聞詔書許家法遙傳闕里訓心源早逐嵩邱侶
南史編年著盛名東朝侍講常虛竹角巾華髮忽自蓬
命服金龜君更與白雲出岫暫逐逐鴻鶴入宮無處所
歸路依依童稚樂都門藹藹壺觴舉能將此道助皇風
自可殊途並伊呂

送密秀才吏部駁放後歸蜀應崔大理序

蜀國本多士雄文似相如之子西南秀名在賢能書薄
祿且未及故山念歸歟迢迢三千里返駕一羸車玉壘
長路盡錦江春物餘此行無慍色知爾戀林廬

送袁中丞持節冊南詔五韻

淨字

西南使星去遠徹通朝聘烟雨熒燧深塵幢漢儀盛
途輕五尺嶮水愛雙流淨上國洽恩波外臣遵禮命離堂
駐駒馭且盡樽中聖

人日送房二十六侍御歸越

驛騎歸時驄馬蹄蓮花府映若耶溪帝城人日風光早
不惜離堂醉似泥

送張閣老中丞持節冊弔迴鶻

旌旆翩翩擁漢官君行常得遠人歡分職南臺知禮重
輟書東觀見才難金章玉節鳴騶遠白草黃雲出塞寒
欲散別愁唯有醉暫煩賓從駐征鞍

送二十叔赴任餘杭尉

琴字

拜首直城陰罇開意不任梅仙歸劇縣阮巷奏離琴春
草吳門綠秋濤浙水深十年曾旅寓應愜宦遊心

奉送十四叔赴任渝州錄事絕句

中字

隨牒忽離南北巷解巾都吏有清風巴城鏤印六聯靜
盡日閑誦解署中

送韋十二丈赴襄城令三韻 柳字

留連出關騎斟酌臨歧酒舊業傳一經新官裁五柳去
去望行塵青門重迴首

送薛十九丈授將作主簿分司東都賦得春草

芊芊遠郊外杳杳春崑曲愁處映微波望中連淨綠日
暮藉離樽折芳心斷續

送正字十九兄歸江東醉後絕句

命駕相思不為名春風歸騎出關程離堂莫起臨歧歎
文舉終當薦爾衡

送張詹事致政歸嵩山舊隱 青字

解龜辭漢庭却憶少微星直指常持憲平反更恤刑開
思紫芝侶歸卧白雲局明詔憂筋力安車適性靈羣公
來藹藹獨鶴去冥冥想到揮金處嵩吟枕上青

送許著作分司東都

月旦繼平輿風流仕石渠分曹向瀝洛守職在圖書棧
芻榮相映瓊枝色不如賓朋爭漉酒徒御待巾車異日
始離抱維思烹鯉魚

送少清赴潤州參軍因思練湖舊居 得湖字

二紀樂簾瓢烟霞暮與朝因君宦遊去記得春江潮遠
別更搔首初官方折腰青門望離袂魂為阿連銷

送濟上人歸揚州禪智寺

露露宗通法已傳麻衣筇杖去悠然揚州後學應相待
遙想幡花古寺前

戲歲送李十兄赴黔中酒後絕句

一罇歲酒且留歡三峽黔江去路難志士感恩無遠近
異時應戴惠文冠

送張僕射朝見畢歸鎮

青光照目青門曙玉勒凋戈擁騶馭東方連帥南陽公
文武吉甫如古風獨奉新恩來謁帝感深更見歌詩麗
共看三接欲為霖却念百城同望歲雙旌去去戀儲胥

送韋行軍員外赴河陽

五年武弁侍明光輟佐中權拜外郎紀事還同楚倚相
傳經遠自漢扶陽離堂處處羅簪組東望河橋壯鼙鼓
三城曉角啟軒門一縣繁花照蓮府上畧儒風並耆稀
翩翩騶騎有光輝只今右職多虛位應待他時仗節歸

送韋中丞奉使新羅 在字

淳化洽聲明殊方均惠養計書重譯至錫命雙旌住星
辭北極遠水泛東溟廣斗柄辯宵程天琛宜畫賞孤光
洲島迥淨綠烟霞敞展禮盛賓徒交歡觀君長經途勞

視聽愴別榮夢想延頸旬歲期新恩在歸軼

送從翁赴任長子縣令

家風本鉅儒吏職化雙鳧啟事才方愜臨人政自殊地
雄韓上黨秩比魯中都拜首眷郊夕離盃莫向隅

送從弟廣東歸絕句

夏雲如火鏢晨輝歛段羸車整素衣知爾業成還出谷
今朝莫愴斷行飛

送王練師赴王屋洞

稔歲在芝田歸程入洞天白雲辭上國青鳥會羣仙自
以棊銷日寧資藥駐年相看話離別風馭忽泠然

送薛溫州鸞字

昨日饋連營今來刺列城方期建禮直忽訪永嘉程郡
內裁詩暇樓中遲客情憑君減千騎莫遣海鷗驚

送黔中裴中丞閣老赴任通字

五諫留中禁雙旌輟上才內臣持鳳詔天廡錫龍媒宴
語睽蘭室輝榮亞柏臺懷寅宜命服舉白歎離杯景齊
山川迴風清霧露開辰溪分浩淼焚道接紫迴勝理環
中得殊琛徼外來行看旬歲詔傳慶在公台

送崔諭德致政東歸

天子坐法官詔書下江東懿此嘉遜士蒲車起邱中褐

衣入承明朴畧多古風直道侍太子昌言沃宸聰崑居
四十年心與鷗鳥同一朝受恩澤自說如池籠乞骸歸
故山累疏明深衷大君不奪志命錫忽以崇旭旦出國
門輕裝若秋蓬家依白雲嶠手植丹桂藜竹齋引寒泉
霞月相玲瓏曠然解赤紱去逐冥冥鴻

送三十叔赴任晉陵心字德輿舊居在丹陽去晉陵百里

春雲結暮陰侍坐捧離襟黃綬輕裝去青門芳草深十
年塵右職三逕寄遐心便道停棹處應過舊竹林

送安南裴都護

忽佩交州印初辭列宿文莫言方任遠且貴主憂分迥
轉朱鳶路連飛翠羽羣戈航航漲海旆旆卷炎雲絕微
褰帷識名香夾轂焚懷倬通北戶長養洽南薰暫歎同
心阻行看異績聞歸時無所欲意改或煩君

送別阮汎

念爾強學殖卅貫早從師溫溫稟義方慥慥習書詩計
借來上國宴喜方怡怡經術既脩明藝文亦蔚蕤伊予
諒無取瑣質荷鴻慈偶來貳儀曹量力何可支廢業固
相受避嫌誠自私徇吾刺促心踴爾康莊姿古人貴直
道內訟乖坦夷用茲處大官無乃玷清時羸車出門去
悵望交涕洟琢磨費分陰歲月若鷹馳千里起足下豐

年繫鐵錐苟令志氣堅佇見纓珮隨斑爛五綵服前路
春物熙舊遊憶江南環堵留蓬茨湖水白於練尊羹細
若絲別來十三年夢寐時見之寵榮忽踰量往再不自
知展興愧華簪止足爲靈龜遐路各自愛大來行可期
青冥在目前努力調羽儀

送工部張曹長大夫奉使西蕃

殊隣覆露同奉使小司空西候車徒出南臺節印雄弔
祠將渥命導驛暢皇風故地山河在新恩玉帛通塞雲
凝廢壘關月照驚蓬青史書歸日翻輕五利功

九華觀宴餞崔十七叔判官赴義武幕兼呈書

記蕭校書

炎光三伏晝洞府宜幽步宿雨潤芝田鮮風搖桂樹陰
陰臺殿敞靡靡軒車駐晚酌臨水情晨裝出關路偏榮
本郡辟倍感元臣遇記室有門人因君逢書素

送文暢上人東遊

桑門許辯才外學接宗雷護法麻衣淨翻經貝葉開宗
通知不染妄想自堪哀載結西方社師遊早晚迴

送靈武范司空

上畧在安邊吳鈞結束鮮三公臨右地七萃擁中堅舊
壘銷烽火新營辯井泉伐謀師以律賈勇士爭先塞迥

晴看月沙平遠際天策勳知屈指應在盛秋前

送商州杜中丞赴任

安康地里接商於帝命專城總賦輿夕拜忽辭青瑣闥
晨裝獨捧紫泥書深山古驛分騶騎芳草閑雲逐隼旗
綺皓清風千古在因君一爲謝巖居

送殷卿罷舉歸淮南舊居

計偕十上竟無成忽憶崑居便獨行志業嘗探絕編義
風塵虛作弄縵生歲儲應歎山田薄里社時逢野醜清
惆悵中年羣從少相看欲別倍關情

權載之文集卷第四

權載之文集卷第五

唐權德輿字載之

雜詩

送杜尹起東都

商於留異積河洛賀新遷朝選吳公守時推杜尹賢如
綸披鳳詔出匣浮龍泉風雨交中土符裾敝別筵清明
人比玉照灼府知蓮佇報司州政徵黃似潁川

送孔江州一作送九江

九派尋陽郡分明似畫圖秋光連瀑布晴翠辯香鑪才
子厭蘭省邦君榮竹符江城多暇日能寄八行無

送渾鄧州

年少守南陽新恩印綬光輕軒出繞甯利乃發干將風
勁初下葉雲寒方護霜想君行縣處露見菊潭香

二韻

瑠璃橋達奚四子十九陳大三侍御夜宴教各賦
滿樹鐵冠瓊樹枝樽前燭下心相知明朝又與白雲遠
自古河梁多別離

酬別蔡十二見贈

伊人茂天爵恬澹卧郊園傲世方隱几說經久瀨門浩
歌曳柴車誦美丹轂尊嚴霜被鶉衣不知孤白溫游心

義支際愛我相討論漢汀忽朝宗傳騎令載奔崢嶸歲
陰晚揪槍離念繁別館絲桐清寒郊煙雨昏中飲見逸
氣縱談窮化元佇見公車起聖代待乞言

揚州與丁山人別

將軍易道令威仙華髮清談得此賢惆悵今朝廣陵別
遼東後會復何年

送台州崔錄事

不嫌臨海遠微祿代躬耕古郡紀綱職扁舟山水程詩
因琪樹麗心與瀑泉清盛府知音在何時薦政成

送信安劉少府

自常州來
還運接

相看結離念盡此林中滌夷代輕遠遊上才隨薄祿
參卿帶孫楚隱市同梅福吏散時泛絃寶來開覆局襟情
無俗慮談笑成逸躅此路足灘聲羨君多水宿

送李城門罷官歸嵩陽

城門院在
嵩陽院東

與君相識處吏隱在精東收閉千門靜逢迎兩掖通罷
官多暇日肄業有儒風歸去塵寰外春山蘭桂叢

送上虞丞

越郡佳山水菁江接上虞計程航一葦試吏佐雙鳧雲
窺窺仙籍風謠驗地圖因尋黃菊字爲我弔曹貯

送盧評事婺州省觀

知向東陽去晨裝見綵衣客愁青眼別家喜玉人歸漢
漠水烟晚蕭蕭楓葉飛雙雙泊舡處候吏拜胡威

送崔端公

已見風姿美仍聞藝業勤清秋上國路白晷少年人帶
月輕帆疾迎霜綵服新過庭若有問一爲說漳濱

送張周二秀才謁宣州薛侍郎

儒衣兩少年春掉穀溪舡湖月供詩興風嵐費酒錢上
帆涵極浦欹枕傲晴天不用愁羈旅宣城太守賢

送張將軍歸東都舊業

功名不復求舊業向東周白草辭邊騎青門別故侯摧
殘寶劍折羸病綠珠愁日暮寒風起猶疑大漠秋

送句容玉少府簿領赴上都

上國路縣縣行人候曉天離亭綠綺奏鄉樹白雲連江
露濕征袂山鷺宜泊舡春風若爲別相顧起樽前

送從弟謁員外叔父迴歸義興

異鄉兄弟少見爾自依然來酌林中酒去耕湖上田何
朝逢暑雨幾夜泊漁煙餘力當勤學成名貴少年

送梁道士謁壽州崔大夫

年少一仙官清羸駕綵鸞洞宮雲渺渺花路水漫漫虛
計芝田熟晨裝月帔寒遙知小山桂五馬待邀歡

送鄭秀才貢舉

西笑意如何知隨貢舉科吟詩向月露驅馬出烟蘿晚
色平蕪遠秋聲候鴈多自怜歸未得相送一勞歌

送謝孝廉移家越州

家承晉太傅身慕魯諸生又見一帆去共愁千里程沙
平古樹迴潮滿曉江晴從此幽深去無妨隱姓名

送韓孝廉侍從赴舉

貢士去翩翩如君最少年綵衣行不廢儒服代相傳曉
月經淮路繁陰過楚天清談遇知己應訪孝廉舡

送陸拾遺祇召赴行在

鷓鴣承新命翻飛入漢庭歌詩能合雅獻納每論經月
曉蜀江迴猿啼楚樹青幸因焚草暇書札訪沈冥

送映師歸本寺

還歸柳寺去遠遠出人羣昔聽桐華落山窓桂樹薰引
泉通絕澗放鶴入孤雲幸許宗雷到清談不易聞

送宇文少府赴官

送君當歲暮許酒破離顏車騎擁寒水雪雲凝遠山且
安黃綬屈莫羨白鷗閑從此圖南路青雲少武間

送岳州溫錄事赴任

解巾州主簿捧檄不辭還獨鶴九背翼寒松百尺條晨

裝沾雨雪旅宿候風潮為政閑無事清談肅郡僚

送山人歸舊隱

工為楚辭賦更著管衣冠歲儉山田薄秋深晨服寒代人榮驚領志士戀漁竿會被公車薦知君久晦難

惠上人房宴別

方袍相引到龍華支策開襟路不賒法味已同香積會禮容疑在少施家逸民羽客期皆至疎竹青苔景半斜究竟相依何處好匡山古社足烟霞

送裴秀才貢舉

僑衣風自清去抵漢公卿寶貢年猶少篇章藝已成臨流惜暮景話別起鄉情離酌不辭醉西江春草生

送袁太祝衛發巡覆同用山字

杖婚稅畝不妨閑清興自隨魚鳥閒知君此去足佳句路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江收暮蕩楚女發清歌曲岸繁細葉荒堦上白波蘭橈向蓮府一為枉帆過

送穆侍御東都

知君儒服貴綵繡兩相輝婉婉成名後翩翩擁傳歸江深烟嶼没山暗雨雲飛共待酬恩罷相將去息機

送崔端公赴度支江陵院三韻照字

津亭風雪霽斟酒留征棹星傳指湘江瑤琴多楚調偏愁欲別處難離頽陽照

送陸太祝赴湖南幕同用送字三韻

不憚征路遙定緣賓禮重新知折柳贈舊侶乘籃送此去嘉句多楓江接雲夢

送李處士歸弋陽山居吳姓名中用韻

暫來城市意何如却憶葛陽溪上居不憚薄田輸井稅自將嘉句著州闈波瀾極浦檣竿出霜落秋郊樹影疎想到家山無俗侶逢迎只是坐籃輿

送清汶上人謁信州陸員外

暫辭長老去隨緣候曉輕裝寄客舡佳句已齊康寶月清談遠指謝臨川灘經水湖邊新雪路過漁潭宿暝煙暇日若隨千騎出南巖只在郡樓前

送別同用潤字三韻

耿耿離念繁蕭蕭涼葉脫縑塵素衣敝風露秋江瀾想得讀書窓巖花對巾褐

送人使之江陵實字

嘉招不辭遠捧檄利攸住行役念前程譙游睥舊貫征軺星乍動江信潮應上煙水飛一帆霜風搖五兩紛紛

別袂舉切切離鴻響後會杳何時悠然勞夢想

餘干贈別張二十二侍御

蕪城陌上春風別千越亭邊歲暮逢驅車又憺南北路
返照寒江千萬峯

雜言賦得風送崔秀才歸白田限三五六七言
喧字

響深瀟思啼猿聞入荊洲暖輕隨柳陌暄澹蕩乍飄雲
影芳菲遍發花源寂寞春江別君處和煙帶雨送征軒
雜言同用離騷體送張評事襄陽覲省

黯離堂兮日晚傲壺觴以送遠遠水霽兮微明杜蘅秀
兮白芷生波法兮烟羅霧凝暮色於空碧紛離念兮
隨君泝九江兮經七澤君之去兮不可留五采裝兮木
蘭舟

嶺上逢久別者又別

十年曾一別征路此相逢馬首向何處夕陽千萬峯

贈別表兄章卿

新讀兵書事護羌腰間寶劍映金章少年百戰應輕別
莫笑儒生淚數行

古離別

人生天地間管若六轡馳天壽既常數奈何生別離跡

當中人域正性日已衰是非千萬境杳靄情塵滋出門
事何常暫別亦難期冉冉歎流景悠悠限山岐盡此一
夕歡華樽會前埤鷄鳴東方曙夙駕臨通達欲出彊移
步欲留難致辭兩情不得已念此留何為天明去已遠
寂然居人歸入門復上堂恍恍生驚疑經履同遊處猶
言常相隨覽物或臨鏡詭怪來何遲乃知前日歡本為
今日悲翻思別後心寧及未見時則知交疎分久久離
易持報君未別後別後當自知

權載之文集卷第五

權載之文集卷第六

唐權德輿載之

雜詩

早夏青龍寺致齋憑眺感物因書十四韻

寺壁有刻
氏庶子詩

曉出文昌宮憇茲青蓮宇潔齋奉明祀憑覽傷夙古秦
爲三月火漢乃一坏土詐力自溷淪霸儀終莽鹵中南
橫峻極積翠洩雲雨首夏諒清和芳陰接場圃仁祠闕
嚴淨稽首洗靈府虛室僧正禪危架鸞初乳通莊走聲
利結駟乃旁午觀化復何如剗心信爲愈盛時忽過量
弱質本無取靜承環中樞益愧腰下組塵勞期抖擻陟
降仰俯僕遺韻留壁間淒然感東武

仲秋朝拜昭陵

清秋壽原上詔拜承吉卜嘗讀貞觀書及茲幸齋沐文
皇昔潛躍隋季自顛覆撫運斯順人救焚非逐鹿神祇
戴元聖君父納大麓良將授兵符直臣調鼎餗無疆傳
慶祚有截荷亭育仙馭凌紫氛神遊弃黃屋方祇護山
跡先正陪巖腹杳杳九嶷深沉沉萬靈肅鳥飛田已闕
龍去雲猶簇金氣爽林巒乾岡走崖谷吾皇宏孝理率
土蒙景福擁佑乃清夷威靈諒回復禮承三公重心愧

二卿祿展敬何所伸曾以斧山木

拜昭陵出城與張秘監閣老同里臨行別承在

史館未歸尋辱清辭輒酬之

仲月當南呂晨裝拜毅林蓬君在東觀不得話離襟策
馬緣雲路開緘扣玉音還期纔浹日里社酒同斟

酬馮監拜昭陵迴途中遇雨見示

之子共乘軺清秋拜上霄襄官有曙霞迎風駕零雨濕
上青門迴鑿甘谷行初盡軒臺去漸遙望中猶可辨松島下山
椒

朔旦冬至攝職南郊因書卽事

大明南至慶天正朔旦圓丘樂六成文軌盡同堯歷象
齋祠忝備漢公卿星辰列位祥光滿金石交音曠奏清
更有觀臺稱賀處黃雲捧日瑞昇平

奉和張監閣老過八陵院題贈杜卿崔員外

崇飾山園孝理深萬方同感聖人心已開東閣招從事
每向西垣奉德音公府從容談婉婉賓階清切景沉沉
與君跬步如同舍終日相期此盍簪

奉和鄭賓客相公攝官豐陵扈從之作時充園
簿使

五輅導靈輶千夫象緯垣行宮移曉漏絲仗下秋原莫
究希夷理空懷滄汗恩頤神方蹈道傳聖乃遵尊共祝

如山壽俄驚憑几言遐荒七月會彤璽百靈奔豹尾從
風直鸞旗映日翻塗芻聯法從營騎肅旌門杳靄虞泉
夕淒清楚挽啗不堪程盡處鳴咽望文園

啓事府宿齋絕句

清齋四體泰白晝一室空摧頹有古樹驂屑多悲風

和王祭酒太社宿齋不得赴李尚書宅會戲書

見寄

元禮門前勞引望勾龍壇下阻歡娛此時對局空相憶
博進何人更樂輸

酬裴端公八月十五日夜對月見懷

涼夜清秋半空庭皓月圓動搖隨積水皎潔滿晴天多
病嘉期阻深情麗曲傳偏懷賞心處同望庾樓前

奉和崔閣老清明日候許閣老交直之際辱裴

閣老書招云與考功苗曹長先城南遊覽獨

行口號因以簡贈時德處以疾故有阻遊

紫禁宿初迴清明花亂開相招直城外遠遠上春臺諫
曹將列宿幾處期子玉深竹與清泉家家桃李鮮折芳
行載酒勝賞隨君有愁疾自無悰臨風一搔首

和張秘監閣老獻歲過蔣大拾遺因呈兩省諸

公並見示

二賢同載筆久次入新年
荻草淹輕秩藏書厭舊編
竹風晴翠動松雪瑞光鮮
慶陽行春令從茲佇九遷

酬崔舍人閣老冬至日宿直省中奉簡兩掖閣

老並見示

令節一陽新西垣宿近臣
曉光連鳳沼殘漏近鷄人
白雪飛成曲黃鍾律應均
霄翺迅羽廣陌駐歸輪
清切晨趨貴恩華夜直頻
輟才時所重九月中揚閣老秩皆真除禮部受命前一日分草詔詞左掖期連拜
南宮愧積薪九年叨此地迴首倍相親

八月十五日夜瑤臺寺對月絕句

羸女乘鸞已上天
仁祠空在鼎湖邊
涼風遙夜清秋半
一望金波照粉田仁祠寺也見後漢書楚王英傳

夏至日作

晷樞無停運四序相錯行
寄言赫義景今日一陰生

二月二十七日社兼春分端居有懷簡所思者
清晝開簾坐風光處處生
看花詩思發對酒客愁輕
社日雙飛鸞春分百囀罵
所思終不見還是一含情

甲子歲元日呈鄭侍御明府

萬里煙塵合秦吳
遂邈然無人來
上國灑源向新年
世故看風葉生涯寄海田
層蘿聊一醉猶賴主人賢

七夕

佳期人不見天上喜新秋玉佩露清露香車渡淺流東
西一水隔迢遞兩年愁別有穿針處微明月映樓

嘉興九日寄丹陽親故

窮年路歧客西望思茫茫積水曾南渡浮雲失舊鄉海
邊尋別墅愁裏見重陽草露荷衣冷山風菊酒香獨語
看墜葉遠目遍秋光更羨登攀處煙花滿練塘

九日北樓宴集

蕭颯秋聲樓上聞霜風漠漠起陰雲不見攜觴王太守
空思落帽孟參軍風吟蟋蟀寒偏急酒泛茱萸晚易醺
心憶舊山何日見併將愁淚共紛紛

奉陪李大夫九日龍沙宴會

蓮字

龍沙重九會千騎駐旌旗水木秋光淨絲桐雅奏遲煙
蕪斂噴色霜菊發寒姿今日從公醉全勝落帽時

臘日龍沙會絕句

簾外寒江千里色林中樽酒七人期寧知臘日龍沙會

却勝重陽落帽時

嚴陵釣臺下作

絕頂聳蒼翠清湍石磷磷先生晦其中天子不得臣心
靈棲顯氣纓冕猶縹縹不樂禁中卧却歸江上春潛驅

東漢風日使薄者醇焉用佐天子持此報故人則知大
賢心不獨私其身弛張有深致耕釣陶天真奈何清風
後擾擾論屈伸交情同市道利欲相紛紛我行訪遺臺
仰古懷逸民贈繳鴻鵠遠雪霜松桂新江流去不窮山
色凌秋晏人世自今古情輝照無垠

曉發武陽館卽事書情

清晨策羸車朝嘶聞村鷄行將騎吏親日與情愛賸東
風變林樾南畝事耕犁青菰冒白水方塘接廣畦雜英
被長坂野草蔓幽蹊局而成埃壤枯株發柔莠芳樹囂
命鷓深林磨引麕杳杳途未極團團日已西哲士務纓
弁鄙夫戀蓬紱終當稅塵駕盪濯依春溪

豐城劔池驛感題

龍劔昔未發泥沙相晦藏向非張茂先孰辨斗牛光神
物不自達聖賢亦彷徨我行豐城野慷慨心內傷

奉使宜春夜渡新淦江陸路至黃蘗館路上遇

風雨作

草草理夜裝涉江又登陸望路殊未窮指期今已促傳
呼戒徒御振轡轉林麓陰雲擁昂端淫雨當山腹震雷
如在耳飛電來照目獸迹不敢窺馬蹄唯務速處心若
齋禮濡體如沐浴萬竅相怒號百泉暗奔瀑危梁慮足

跌峻坂憂車覆問我何以然前日受徵祿轉知人代事
纓組乃撤束向若家居時安枕春夢熟遵途稍已近候
吏來相續曉齋心始安林端見初旭

細柳驛

細柳肅軍令條侯信殊倫棘門乃兒戲從古多其人神
武今不殺介夫如縉紳息駕幸茲地懷哉疎精神

渭水

呂叟年八十幡然持釣意在靜天下豈唯食營邱師
臣有家法小白猶尊周日暮駐征策愛茲清渭流

宮人斜絕句

一路斜分古驛前陰風切切晦秋煙鉛華新舊共冥冥
日暮愁鳴飛野田

敷水驛

空見水名敷秦樓昔事無臨風駐征騎聊復捋髭鬚

朝元閣

線垣複道上曾香十月離宮萬國朝胡馬忽來清蹕去
空餘臺殿照山椒

石甕寺

石甕寒泉勝寶井汲人迴挂青絲縷厨煙半逐白雲飛
當晝老僧來灌頂

盤豆驛

盤豆緣雲上古郵望思臺下使人愁江充得計太子死
日暮屏園風雨秋

晚渡楊子江却寄江南親故

反照滿寒流輕舟任搖漾支頤見千里煙景非一狀遠
岫有無中片帆風水上天清去鳥滅浦迥寒沙漲樹脫
登秋風江空翻宿浪宵中千萬慮對此一清曠迴首碧
雲深佳人不可望

新安江路

深潭與淺灘萬轉出新安人遠禽魚淨山深水木寒嘯
起青蘋末吟颺白雲端卽事遂幽賞何必挂儒冠

月夜江行

扣舷不得寐浩露清衣襟彌傷孤舟夜遠結萬里心幽
興惜瑤草素懷寄鳴琴三奏月初上寂寞寒江深

江城夜泊寄所思

客程殊未極艤棹泊迴塘水宿知寒早愁眠覺夜長遠
鍾和暗杵曙月照晴霜此夕相思意播播不暫忘

陪包諫議湖墅路中舉帆

同用山字

蕭蕭涼雨歇境物望中閑風際片帆去煙中獨鳥還斷
橋通遠浦野墅接秋山更喜陪清興樽前一解顏

富陽陸路

又入亂峯去遠程殊未歸煙蘿迷客路山果落征衣
石臨清淺晴雲出翠嶽漁潭明夜泊心憶謝元暉

石塘路有懷院中諸公

迴合千峯裏晴光似畫圖征車隨反照候吏喚寒蕪
石瀨侵行逕溪雲拂路隅未酬知己分寧敢學潛夫

玉山嶺上作

悠悠驅疋馬征路上連崗晚翠深雲竇寒苔淨石梁
花偏似雪楓葉不禁霜愁見前程遠空郊下夕陽

舟行夜泊

蕭蕭落葉送殘秋寂寞寒波急噴流今夜不知何處泊
斷猿晴月引孤舟

曉發桐廬

客路去漫漫桐溪上水灘扣船乘曉月欹枕聽迴灘
煙重江楓濕沙平宿鷺寒閑吟試一望疑在畫屏看

夜汎臨平湖有寄

素彩皓通津孤舟入清曠已愛隔簾看還宜卷簾望
隔簾卷簾當此時惆悵思君君不知

次滕老莊

征途無旅館當晝喜逢君羸病仍留客朝朝掃白雲

曉

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨綠天無風

晚

古樹夕陽盡空江暮靄收寂寞扣船坐獨生千里愁

夜

猿聲到枕上愁夢紛難理寂寂深夜寒清霜落秋水

宿嚴陵

身羈從事驅征傳江入新安泛暮濤今夜子陵灘下泊

自慙相去九牛毛

權載之文集卷第七

唐權德輿字載之

雜詩

奉和韋諫議奉送水部家兄上後書情寄諸兄

弟仍通簡南宮親舊並呈兩省閣老院長

駟牡龍旂慶至今一門儒服耀華簪人望皆同照乘寶

家風不重滿籬金護衣直夜南宮靜焚草清時左掖深

何幸末班陪兩地陽春欲和意難任

奉和史館張閣老以許陳二閣長愛弟俱為尚

書郎伯仲同時列在南北省會於左掖因而

有詠

伯仲盡時賢平輿與潁川桂枝嘗偏折棣萼更相鮮丹

地晨趨並黃扉夕拜聯豈如分侍從來就鳳池邊主客

二員東西對行二閣老併在左掖也將議以為分就西垣則具美相類故戲書未韻

韋賓客宅與諸博士宴集

累抗乞身章滋恩比上庠賓筵徵稷嗣家法自扶陽簪

組歡言久琴壺雅興長陰嵐冒苔石輕籟韻風篁佩玉

三朝寶揮金百慮忘因知卧商雅豈勝白雲鄉

酬張秘監閣老喜太常中書二閣老與德輿同

日遷官相代之作時秘書監亦同日拜命

珠樹共飛棲分封受紫泥正名推五字貴仕仰三珪繼
組心知忝德輿代太常為禮部腰章事頗齊蓬山有佳句喜氣在
新題

國子柳博士兼領太常博士輒申賀贈

博士本秦官求才帖職難臨風曲臺淨對月璧池寒講

學分陰重齋祠曉漏殘朝衣辨色處雙綬更宜看

過隱者湖上所居

蝸舍映平湖幡然一魯儒唯將酒作聖不厭谷名愚兵

法窺黃石天官辨白榆行看軟輪起未可號潛夫

從叔將軍宅薔薇花開太府韋卿有題壁長句

因以和作

環列從容蹠蹠歸光風駘蕩發紅薇巖藏密葉宜新霽

蝶遶低枝愛晚暉艷色當軒迷舞袖繁香滿逕拂朝衣

名卿洞壑仍相近佳句新成和者稀

奉和許閣老霽後慈恩寺杏園看花同用花字

口號時德輿當直

杏林微雨霽灼灼滿瑤華左掖期先至中園景未斜含

毫歌白雪藉草醉流霞獨限金閨籍支頤啜茗花

奉和陳閣老寒食初假當直從東省往集賢因

過史館看木瓜花寄張將二閣老

書漏沉沉倦瓊闌西垣東觀闕芳菲繁花滿樹似留客
應爲主人休澣歸

晚秋陪崔閣老張秘監閣老苗考功同遊昊天

觀時楊閣老新直未滿以詩見寄斐然酬和

有媿蕪音

方駕遊何許仙源去似歸紫迴留勝賞蕭灑出塵機泛
菊賢人至燒丹姮女飛步虛清曉籟隱机吸晨暉竹逕
琅玕合芝田沆瀣晞銀鈎三洞字瑤笥六銖衣麗句翻
紅葉佳期限紫微徒然一相望郢曲和應稀

春日同諸公過兵部王尚書林園

休沐君相近時容曳履過花間留客久臺上見春多松

色明金艾鷲聲雜玉珂更逢新酒熟相與藉庭莎

與沈十九拾遺同遊棲霞寺上方夜於亮上人

院會宿二首

攝山標勝絕暇日諸想曷繁紆松路深繚繞雲巖曲重
樓迴樹杪古像鑿山腹人遠水清地深蘭桂馥層臺
聳金碧絕頂摩淨綠下界誠可悲南朝紛在日焚香入
古殿待月出深竹稍覺天籟清自傷人世促宗雷此相
遇偃傲從所欲清論松枝低閑吟茗花熟一生如土梗
萬應相桎梏永願事潛師窮年此樓宿

偶來人境外心賞幸隨君古殿煙霞夕深山松桂蕭巖
花點寒溜石磴掃春雲清淨諸天近誼塵下界分名僧
康寶月上客沈休文共宿車林夜清猿徹曙聞

棲霞寺雲居室

一逕繁紆至此窮山僧盥漱白雲中閑吟定後更何事

石上松枝常有風

天竺寺

香刹西天寺昔遊如夢中煙蘿迷俗駕猿狄應山童蕭
颯松陰靜欹危石棧通雲霞棲半壁丹紺照晴空世界
悲何已心期惜未同相看整歸騎花雨夕濛濛

題邵端公林亭

春光何處足柱史有林堂鸚鵡風初暖花開日欲長
啖池通舊水掃逕閱新芳更置盈樽酒時時醉楚狂

題隱者所居

一逕茅茨下千峯麋鹿羣鴻妻同懶逸漁父每知聞日
暮鳥擇木天陰山出雲此心終不動鼓腹向堯君

題崔山人草堂

竹逕茆堂接洞天閑持麈尾漱春泉世人車馬不知處
時有歸雲到枕前

徐孺亭馬上口號并序

鍾陵東湖之南有亭亭中有二碑一則故曲江張公所製徐徵君碣一則北海李公所製放生池碑噫夫二君子久隨化往而二文之盛傳於天下貞元初余爲是邦從事每將迎郊勞多經是間且以其尙賢好生皆醇仁之旨也因歎不得與二賢同時論文變損益亭址圯壞苔篆磷缺古風如在感舊依然而通楮在側平湖在下波流敲擊日月無窮因於馬上口號絕句詩一首以寄愴悵

湖上荒亭臨水開龜文篆字積莓苔曲江北海今何處盡逐東流去不迴

哭劉四尙書 勒於碑陰

士友惜賢人天朝喪守臣才華推獨步聲氣幸相親
析環中妙儒爲席上珍笑言成月且風韻挹天真丹地
膺推擇青油寄撫循豈言朝象魏翻是卧漳濱命賜龍
泉重追榮密印陳撤絃驚物故庀具見家貧牢落風悲
笛汎瀾涕泣巾只嗟蒿里月非復柳營春黃絹碑文在
青松隧路新音容無處所歸作北邙塵

張工部至薄寒山下有書無由馳報轉車之至
倍切悲懷

書來遠自薄寒山綠繞洮河出古關今日難裁秣陵報

薤歌寥落柳車還

工部發引日屬傷足臥疾不遂執紼
子春傷足日况有寢門哀元伯歸全去無由白馬來笳
簫里巷咽龜筮墓田開片石澀淚淚含悲叙史才

從事淮南府過亡友楊校書舊廳感念愴然下

有送書
十韻

故人隨化往倏忽今六霜及我就拘限清風留此堂松
竹逾映蔚芝蘭自銷亡絕絃罷流水聞笛同山陽頰如
冰玉姿粲若鸞鳳章欲翥摧勁翻先秋落貞芳正平賦
鸚鵡文考頌靈光二子古不弔夫君今可傷黃墟旣杳
杳元化亦茫茫豈必限宿草含悽灑衣裳

哭李晦羣崔季文二處士

華封昔祝堯貴壽多男子二賢無主後貧賤大壯齒未
成鴻鶴姿遽頓驪駒壯子淵將叔度自古不得已

觀葬者

塗芻隨晝哭數里至松門貴盡人間禮寧知逝者魂笳
簫出古陌煙雨閉寒原萬古皆如此傷心反不言

成南陽墓

枯麥沒古基駮薜薇豐碑向晚微風起如聞坐嘯時

周平西墓

英威今寂寞陳跡對崇邱壯志清風在荒墳白日愁窮
泉那復曉喬木不知秋歲歲寒塘側無人水自流

蕪小小墓

萬古荒墳在悠然我獨尋寂寞紅粉盡真真黃泉深蔓
草映寒水空郊暖夕陰風流有佳句吟眺一傷心

題柳即中茅山故居

一作柳谷
沂故居

下馬荒塔日欲曛潺潺石溜靜中聞鳥啼花落人聲絕
寂寞山窻掩白雲

哭張十八校書

歎日前學書未及
還答俄承凶訃

芸閣為郎一命初桐州寄傲十年餘魂隨逝水歸何處
名在新詩衆不如蹉跎江浦生華髮半落寒原會素車
更憶八行前日到含悽為報秣陵書

題亡友江畔舊居

寥落留三徑柴扉對楚江蠨蛸集暗壁蜥蜴走寒窓松
蓋歎書幌苔衣上酒缸平生斷金契到此淚成雙

權載之文集卷第八

唐權德輿字載之

挽詞歌詩

德宗神武孝文皇帝挽詞歌

覆露雍熙運澄清教化源廣歌疑庶績羽舞被深恩纂
業光文祖貽謀屬孝孫恭聞留末命猶是愛元元
梯航來萬國玉帛慶三朝湛露恩方泮薰風曲正調晏
車悲鹵簿廣樂過簫韶最愴號弓處龍輿上紫霄
常時柏梁宴玉笋恩波遍今日穀林歸靈輶煙羽乖喬
山森羽衛渭水擁旌旂仙馭何由見耘田鳥自飛

順宗至德大安孝皇帝挽歌

三首時充
尚簿使

十葉開昌運三辰麗德音薦功期瘞玉昭儉每捐金解
澤皇風遍虞泉白日沉仍聞起居注焚奏感人心
孝理本憂勤立功在齋神眷圖傳上嗣壽酒比家人仙
馭三清遠行宮萬象新小臣司吉從還扈屬車塵
候曉傳清蹕共瞻官輅出迎風引綵旒遙想望陵愁弓
劍隨雲氣衣冠奉月游空餘駕龍處搖落鼎湖秋

昭德皇后挽詞

淮水源流遠塗山禮命升往年求故劍今夕初陵鸞
鏡金波溢聲衣玉彩凝千年子孫慶孝理在蒸蒸

大行皇太后挽歌詞 三首 王氏

筮水靈源濬因山祔禮崇從龍開燧路合璧向方中帳
殿金根出厥衣玉座空唯餘文母化陰德滿公宮

配禮歸清廟靈儀出直城九虞寧厚載壹惠易尊名曉
漏銅壺溢秋風羽翬輕容車攀望處孺慕切皇情

哀笳出長信嗚咽宮車進寶劍入延津淒涼祠殿新青
烏靈兆久白鸞瑞書頻從此山園夕金波照玉塵

惠昭皇太子挽歌詞 二首

前星落慶霄薤露逐晨飈官仗黃塵出仙遊紫府遙空
嗟鳳吹去無復鷄鳴朝今夜西園月重輪更寂寥

東朝聞楚挽羽翬依帟轉天歸京兆新日與長安遠蘭
芳落故殿桂影銷空苑騎吹咽不前風悲九旗卷

贈文敬太子挽歌詞 二首

盤石公封重瑤山贈禮尊歸全榮備物樂善積深恩鴈
沼寒波咽鸞旌夕吹翻唯餘西廡樹千古灞陵原

銅壺曉漏初羽翬擁塗車方外留鴻寶人間得善書清
笳悲畫綬朱邸散長裾還似緱山駕飄飄向碧虛

贈鄭國莊穆公主挽歌 二首

追飾崇湯沐遺芳藹禁闈秋原森羽衛夜壑掩容輝睿
藻悲難盡公宮望不歸笳簫向煙霧疑是綵鸞飛

舊館閉平陽容車啟壽堂霜凝疑薜英落風度薤歌長淑
德圖書在皇慈禮命彰悽涼霸川曲壟樹已成行

贈魏國憲穆公主挽歌詞 二首

漢制榮車服周詩美肅雍禮尊同姓主恩錫大名封外
館留圖史陰堂閉德容睿詞悲薤露千古仰芳蹤

秦樓曉月殘鹵簿列材官紅綬蘭桂欷粉田風露寒凝
笳悲駟馬清鏡掩孤鸞慙冊徽音在都人雪涕看

贈梁國惠康公主挽歌詞 二首

外館頰儀貴中叅睿渥深初笄橫白玉盛服鏤黃金風
度簫聲遠河低婺彩沉夜臺留冊謚悽愴卽徽音

杳靄異湘川飄飄駕紫煙鳳棲人已去鸞鏡月空懸霧
濕湯沐地霜凝脂粉田音容無處所應在玉皇前

故太尉兼中書令贈太師西平王挽歌詞

翊戴推元老謀猷合大君河山封故地金石表新墳劔
履悲長夜笳簫咽暮雲還經誓師處薤露不堪聞

故司徒兼侍中贈太傅北平郡王挽歌詞

授律敷庸盛居中鼎鼐和佐時調四氣宣力靜三河忽
訪天京兆空傳漢伏波今朝麟閣上偏軫聖情多

奉和禮部李尚書酬楊著作竹亭歌

直城朱戶相遞連九達舟鼓聲闐闐春官自有花源賞

終日南山當目前晨搖玉珮趨溫室暮入竹溪疑洞天
 煙消雨過看不足晴翠鮮麗逗深谷獨誦一曲泛流霞
 閑對千竿連淨綠繁迴疏鑿隨勝地石磴巖扉光景異
 虛齋寂寂清籟吟幽澗紛紛雜英墜家承麟趾貴劍有
 龍泉賜上奉明時事無事人間方外興偏多能以簪纓
 狎薜蘿管通內學青蓮偈更奏新聲白雪歌風入松雲
 歸棟鴻飛滅處猶目送蝶舞閑時忽成夢蘭臺有客叙
 交情返照中林曳履聲直為君恩催造膝東方辨色謁
 承明

奉和張僕射朝天行

元侯重寄貞師律三郡四封今靜謐丹轂常恩闕下來
 紫泥忽自天中出軍裝喜氣倍趨程千騎鳴珂入鳳城
 周王致理稱申甫今日賢臣見明主拜恩稽首紛無已
 疑旒前席皇情喜達時自是山出雲獻可還同石投水
 昔歲褒衣梁甫吟當時已有致君心專城一鼓妖氛靜
 擁旆十年天澤深日日披誠奉昌運王人織路傳清問
 仙醞嘗分玉竿濃御閑更輟金羈駿元正前殿朝君臣
 一人負辰百福新宮懸綵仗儼然合瑞氣爐煙相與春
 萬年枝上東風早瓊玉晨趨光景好塗山已見首諸侯
 麟閣終當畫元老溫室沉沉漏刻移退朝賓侶每相隨

雄詞樂職波濤濶度交歡雲霧披自古全才貴文武
 儒夫只解冠章甫見公抽匣百鍊光試欲磨鉛諒無取
 和李中丞慈恩寺清上人院牡丹花歌

澹蕩韶光三月中牡丹偏自占春風時過寶地尋香徑
 已見新花出故藜曲水亭西杏園北濃芳深院紅霞色
 擢秀全勝珠樹林結根幸在青蓮域艷紫鮮房次第開
 含煙洗露照蒼苔龍眉倚杖禪僧起輕翅繁枝舞蝶來
 獨坐南臺時共美閑行古剎情何已花間一曲奏陽春
 應為芬芳比君子

錫杖歌送明楚上人歸佛川

上人遠自西天至頭陀行遍南朝寺口翻貝葉古字經
 手持金策聲冷冷護法護身唯振錫石潮雲溪深寂寂
 乍來松徑風更寒遙映霜天月成魄後夜空山禪誦時
 寥寥挂在枯樹枝真法當傳心不住東西南北隨緣路
 佛川此去何時迴應真莫便遊天台

馬秀才草書歌

大垣馬正之子

伯英草聖稱絕倫後來學者無其人白眉年少未弱冠
 落紙紛紛運纖腕初聞之子十歲餘當時時輩皆不如
 猶輕昔日墨池學未許前賢團扇書艷彩芳姿相點綴
 水映荷花風轉蕙三春併向指下生萬象爭分筆端勢

有時當暑如清秋蒲堂風雨寒颼颼乍疑崩崖瀑水落
又見古木飢鹿愁變化縱橫出新意眼看一字千金貴

憶昔謝安問獻之時人雖見那得知

離合詩贈張監閣老一作以離合詩贈張監閣老

黃葉從風散共嗟時節換忽見鬢邊霜勿辭林下鷓鴣
行君子道身負芳名早帳殿漢官儀巾車塞垣草文情
劃斷金文律每招尋始知蓬山下如見古人心思張公

奉酬禮部閣老轉韻離合見贈秘書監張薦

移居既同里多幸陪君子宏雅重當朝弓旌早見招植
根瓊林圃直夜金闈步勸深子玉銘力競相如賦間瀟
向春闈日復想光儀格言信難繼木石強為詞私權閣

禮部權侍郎閣老史館張秘監閣老有離合酬

贈之什宿直吟詠聊繼此章中書舍人崔

汾

豚豚美佳期月夜吟麗詞諫垣則隨步東觀方承顧雪
林消艷陽簡冊漏華光坐更芝蘭室千載各芬芳節苦
文俱盛即時仍並命翩翩紫宵中羽翮相輝映詩

同前 中書舍人楊於陵

校德盡珪璋才臣時所揚放情寄文律方茂經邦術玉
猷倍發揮十載契心期晝遊有嘉話書法無隱辭信茲

酬和美言與芝蘭比昨來念吟釋日覺社蒙鄰效三作

同前 給事中許孟容

史才司秘府文哲今超古亦有擅風騷六聯文學曹左
賢三代意工藝千金字花識從臣謠人推仙閣吏如登
崑崙時口誦靈真詞孫簡下威鳳系霜瓊王枝好

同前 給事中馮伉

車馬退朝後申懷在文友動詞宗伯雄重美良史功亦
曾吟鮑謝二妙尤增價雨反子付霜鴻戾天市樹烏啼夜
單思各縱橫早擅希代名息心欲焚視自視陪羣英事

同前 戶部侍郎潘孟陽

詠歌有離合永夜觀酬答箇中操綵箋竹簡何足編意
深俱妙絕心契交情結計彼官接聯言初並清切翔集
本相隨羽儀良在斯烟雲競文藻因喜翫新詩詞章美

同前 國子司業武少儀

少年幕時彥小悟文多變木鐸比羣英八方流德聲雷
陳美交契雨雪音陳繼恩顧各飛翔因詩觀魏麗傳野
絕遺賢人希有盛遷早欽風與雅日詠贈酬篇才思博

春日雪寄上張二十九丈大監請招禮部權曹

長迴文絕句 戶部侍郎潘孟陽

春梅雜落雪發樹幾花開真須盡興飲仁里願同來

奉酬 秘書監張薦

遲遲日氣暖漫漫雪天春知君欲醉飲思見此交親

酬前

酒杯春醉好飛雪晚庭閑久意同前賞中林對遠山

五雜組

五雜組 旗亭客往復還城南陌不得已天涯論

數名詩

一區揚雄宅恬然無所欲二頃季子田歲晏常自足三
端固為累事物反微束四體苟不勤安得豐菽粟五侯
誠曄曄榮甚或為辱六翮未奮翔虞羅乃相觸七人稱
作者杳杳有遐躅八桂挺奇姿森森照初旭九歌傷澤
畔怨思徒刺促十翼有格言幽貞謝浮俗

星名詩

虛懷何所欲歲晏聊懶逸雲翼謝翩翩松心保貞實風
秋景氣爽葉落井逕出陶然美酒酣所謂幽人吉自當
輕尺璧豈復掃一室安用簪進賢少微斯可必

卦名詩

節變忽驚春臨風騁望頻支頤倦書幌步履整正巾時
鳥漸成曲雜芳隨意新曙霞連觀闌綺陌麗咸泰天地
今交泰雲雷昔邁屯中字諒可樂書此示家人

藥名詩

七澤蘭芳千里春瀟湘花落石磷磷有時浪白微風起
坐釣藤陰不見人

古人名詩

藩宣秉戎寄衡石崇勢位年紀信不留弛張良自媿樵
蘇則為樞瓜李世可畏不顧榮官尊每陳豐私利家林
類巖嶽負郭躬斂積忌滿寵生嫌養蒙恬勝智疎鍾皓
月曉晚景丹霞異澗谷永不諉山梁冀無累頗符生璧
學得展禽尚志從此直不疑支離疎世事

州名詩寄道士

金蘭同道義瓊簡復芝田平楚白雲合幽崖丹桂連松
峯明愛景石竇納新泉冀永南山壽歡隨萬福延

八音詩

金谷盛繁華涼臺列簪組石崇留客醉綠珠當座舞絲
淚可銷骨台容竟何補竹林諒賢人滿酌無所苦匏居
容宴豆儒室貴環堵土鼓與汙尊願神則為愈革道當
在早謙光斯可取木鴈才不才吾知養生主

建除詩

建節出王都雄雄大丈夫除書加右職騎吏擁前驅滿
月張繁弱含霜耀鹿盧平明躍騾裏清夜擊珊瑚定遠

功那比平津業乃迂執心思報國効節在忘經破膽銷
丹浦頓蛾舞綠珠危冠徒自愛長較事應殊成績封千
室曠勞使五符收功輕驛衛致理邁黃虞開濟今如此
英威古不伴閉關草玄者無乃誤爲儒

六府詩

金罍映玉俎賓友紛宴喜木蘭泛方塘桂酒啟皓齒水
榭臨空迥酣歌當座起火雲散奇峯瑤瑟韻清徵土梗
乃虛論康莊有逸軌穀城一編書談笑佐天子

三婦詩

大婦刺繡文中婦縫羅裙小婦無所作嬌歌過行雲丈
人且安座金爐香正薰

安語

巖巖五岳鎮方輿八極廓清氛禳除揮金得謝歸里閭
象床角枕支體舒

危語

被病獨行逢乳虎狂風駭淚失棹檣舉人看榜閭曉鼓
孱夫孽子遇妬母

大言

華嵩爲珮河爲帶南交北朔跬步內搏鵬作腊巨簷鎗
伸舒軼出元氣外

小言

醯雞伺晨駕蚊翼毫端棘刺分吟域蛛絲結構聊麈息
蟻垤崖鬼不可陟

權載之文集卷第八

權載之文集卷第九

唐權德輿字載之

雜詩歌曲

雜詩五首

婉彼羸氏女吹簫偶簫史綵鸞駕非烟綽約兩僊子神期諒交感相顧乃如此豈比成都人琴心中夜起

陽臺巫山上風雨忽清曠朝雲與遊龍變化千萬狀魂交復目斷縹緲難比況蘭澤不可親疑情坐惆悵

淇水春正綠上官蘭葉齊光風雨搖蕩鳴珮出中闈一顧授橫波千金呈瓠犀徒然路傍子怳怳復妻妻

碧樹泛鮮鸞玉琴含妙曲佳人掩鸞鏡婉婉疑相矚文珪映束素香黛且暖睽寂寞遠懷春何時來比目

含顰倚瑤瑟丹慊結繁慮失身不自還萬恨隨玉筍靡蕪下山路團扇秋風去君看心斷時猶在目成處

廣陵詩

廣陵實佳麗隨季此為京八方稱輻奏五達如砥平大旆映空色笳簫發連營層臺出重霄金碧摩顛清文馳流水鞍迎接浮雲薨青樓旭日暎綠野春風晴噴玉光照地顰蛾價傾城燈前互巧笑陌上相逢迎飄飄翠羽薄掩蹠紅襦明蘭麝遠不散管絃閑自清曲士守文墨

達人隨性情茫茫竟同盡冉冉將何營且申今日歎莫務身後名肯學諸儒輩書窻誤一生

古意

家人強進酒酒後能忘情持杯未飲時衆感紛已盈明月照我房庭柯振秋聲空庭白露下枕席涼風生所思萬里餘水澗山縱橫佳期憑夢想未曉愁雞鳴願得一心人當年歡樂平長筵映玉狙素手彈秦箏踉蹌呈巧笑惠音激淒清此願良未果永懷空如醒

序闕

雜言和常州李員外副使春日戲題十首并序

隨風柳絮輕映日杏花明無奈花深處流鶯三數聲蘭橈畫舸轉花塘水映風搖路漸香任與不知行近遠更憐微月照鳴根

簷前曉月驚雙鷺戶外春風無百花粉暑可憐閑對此唯令碧玉泛流霞

枕上覺窗外曉怯朝光驚曙鳥花墜露滿芳沼柳如絲風裏裏佳期遠相見少試一望魂香杪

閑庭無事獨步春輝韶光滿日落蕊盈衣芳樹交柯文禽並飛婉彼君子悵然有違對酒不飲橫琴不揮不揮者何知音誠稀

江春好遊衍處處芳菲積綠舫入花津香車依柳陌綠
楊烟裏裏紅蕊鶯寂寂如何愁思人獨與風光隔矚月
漸到窻前移榻更就芳筵輕吹乍搖蘭燭春光暗入花
細絲竹偏宜靜夜綺羅共占韶年不遣通宵盡醉定知
辜負風烟

露洗百花新簾開月照人綠窻銷暗燭蘭逕掃清塵雙
鶯頻驚夢三桃競報春相思寂不語珠淚灑紅巾
雨歇風輕一院香紅芳綠翠接東塘春衣試出當軒立
定被隣家暗斷腸

春風半春光遍柳如絲花似霏歸心勞夢寐遠日傷悲
賜可惜長安無限春年年空向江南見

相思曲一作長相思

少小別潘郎嬌羞倚畫室有時裁尺素無事約殘黃鶴
語臨粧鏡花飛落繡床相思不解說明月照空房

古樂府

光風潑蕩百花吐樓上朝朝學歌舞身年二八婿侍中
幼妹承恩兄尚主綠窻珠箔繡鴛鴦侍婢先焚百和香
鴛啼日出不知曙寂寂羅幃春夢長

渡秋江怨二首

秋江半秋月明孤舟獨夜萬里情萬里情相思遠人不

見今淚滿眼

渡秋江兮渺然望秋月兮嬋娟色如練萬里遍我有所
思今不得見不得見兮露寒水深耿耿夜今傷心

秋閨月

三五二八光如練海上天涯應共見不知何處玉樓前
乍入深閨玳瑁筵露濃香透和愁坐風動羅帷照獨眠
初卷珠簾看不足斜抱箜篌未成曲稍映粧臺臨綺窻
遙知不語淚雙雙此時愁望知何極萬里秋天同一色
霧靄遙分陌上光迢迢對此閨中憶早晚歸來歡讌同
可憐歌吹月明中此夜不堪腸斷絕願隨流影到遼東

薄命篇一作妾命篇

昔住邯鄲年尙少只是嬌羞弄花鳥青樓碧紗大道邊
綠楊日暮風裊裊嬋娟玉兒二八餘自憐顏色花不如
麗質全勝秦氏女棄砧享用專城居歲去年來年漸長
青蛾紅粉全堪賞玉樓珠箔但閉居南陌東城詎來往
韶光日日看漸遲探梅旣落行有時寧知燕趙娉婷子
醜嫁幽并游俠兒年年結束青絲騎出門一去何時至
秋月空懸翡翠簾春暉嬾卧鴛鴦被沙塞經時不寄書
深閨愁獨意何如花前拭淚情無限月下調琴恨有餘
離別苦多相見少洞房愁夢何由曉閑看雙燕淚霏霏

靜對空床魂悄悄鏡裏紅顏不自禁陌頭香騎動春心
為問佳期早晚是人人物解有黃金

放歌行

夕陽不駐東流急榮名貴在當年立青春虛度無所成
白首銜悲亦何及拂衣西笑出東山君臣道合俄頃間
一言一笑玉墀上變化生涯如等閑朱門杳杳列華戟
塵中皆是王侯客鳴環動珮珊珊駿馬花驄白玉鞍
十千斗酒不知貴半醉留賓邀盡歡銀燭煌煌夜將久
侍婢金鼎瀉春酒春酒盛來琥珀光暗聞蘭麝幾般香
乍看皓腕映羅袖微聽清歌發杏梁雙鬟美人君不見
一一皆勝趙飛燕迎杯乍舉石榴裙勻粉時交合歡扇
未央鍾漏醉中聞聯騎朝天驪色分雙鬢烟雲遙靄靄
五衢車馬亂紛紛罷朝鳴珮驟歸鞍今日還同昨日歡
歲歲年年恣遊讌出門滿路光輝遍一身自樂何足言
九族為榮真可羨男兒稱意須及時閉門下帷人不知
年光看逐轉蓬盡徒詠東山招隱詩

雜言○旅館雪晴又觀新月聚典所感因成雜

言

寥寥深夜雪初晴樓上雲開月漸明池中片影依希見
簾外清光遠近生皎皎晴空疑破鏡廣庭積素偏相映

珠簾卷却光更深玉指持來色逾淨夢覺青樓最可憐
嬋娟素魄滿寒天天地寥寥同一色秦淮楚江無限極
歸鴻斷猿何處聲深閨旅館遙相憶長安五侯華閣開
嘉賓列座傾金鑿賞明月翫流雪纖手蛾眉座中設清
歌一聲無斷絕夜已久樂未闌狐裘獸炭不知寒珠環
翠珮聲珊珊履烏紛紜桂袖攢朱顏倚醉盡君歡人生
少年全不久相看且勸杯中酒丈夫富貴自有期曠雪
讀書徒白首

玉臺體十二首

鶯啼蘭已紅見出鳳城東粉汗宜斜日衣香逐上風情
來自不覺暗駐五花驄

嬋娟二八正嬌羞日暮相逢南陌頭試問佳期不肯道
落花深處指青樓

隱映羅衫薄輕盈玉腕圓相逢不肯語微笑畫屏前
知向遼東去由來幾許愁破顏君莫怪嬌小不禁羞

樓上吹簫罷閨中刺繡闌佳期不可見盡日淚潸潸
淚盡珊瑚枕魂銷玳瑁床羅衣不忍著羞見繡鴛鴦

君去期花時花時君不至簷前雙鸞飛落妾相思淚
空閨滅燭後羅幌獨眠時淚盡腸欲斷心知人不知

秋風一夜至吹盡後庭花莫作經時別西隣是宋家

獨自披衣坐更深 月露寒隔簾腸欲斷爭敢下堵看

昨夜裙帶解今朝 蟻子飛鈿華不可棄莫是燕粘牀

萬里行人至深閨 夜未眠雙眉燈下掃不待鏡臺前

贈友人 時友人新有別恨者

知向巫山逢日暮 輕鞋玉佩墮淹留曉隨雲雨歸何處

還是襄王夢覺愁

舟行見月

月入孤舟夜半晴 寥寥霜鴈兩三聲洞房燭影在何處

欲寄相思夢不成

雜興五首

兼鬢愁眉時勢新 初笄絕代北方人一顰一笑千金重

肯似成都夜失身

乍聽絲聲似竹聲 又疑丹穴九雛驚金波露洗淨於書

寂寞不堪深夜情

琥珀樽開月映簾 調絃理曲指纖纖含羞斂態勸君住

更奏新聲商骨鹽

乳鷺雙飛鶯亂啼 百花如繡照深閨新妝對鏡知無比

微笑時時出瓠犀

巫山雲雨洛川神 珠璣香靨稱身惆悵粧成君不見

含情起立問傍人

卷第九

權載之文集卷第十

唐權德輿字載之

雜詩

祇役江西路上以詩代書寄內

辛苦事行役風波倦晨暮搖搖結遐心靡靡卽長路別
來如昨日每見缺蟾兔潮信催客帆春光變江樹宦遊
豈云愜歸夢無復數愧非超曠姿循此踟促步笑言思
暇日規勸多遠度鴉服我久安荆釵君所慕伊子多昧
理初不涉世務適因臃腫材成此懶慢趣一身常抱病
不復理章句胸中無町畦與物且多忤旣非大川楫則
守南山霧胡爲出處間徒使名利污羈孤望子祿孩穉
待我舖未能卽忘懷恨恨以此故終當稅織鞅豈待畢
婚娶如何久人寰俛仰學舉指衙茅去迢遞水陸兩馳
驚嘶晰窺曉星塗塗踐朝露靜聞田鶴起遠見沙鴉聚
怪石不易躋急湍那可泝漁商間遠岸烟火明古渡下
碇夜已深上碇波不駐畏途信非一離念紛難具枕席
有餘清壺觴無與晤南方出蘭桂歸日自分付北窻留
琴書無乃委童孺春江足魚鴈彼此勤尺素早晚到中
閨怡然兩相顧

夜泊有懷

樓鳥向前林暝色生寒蕪孤舟去不息泉感非一途川
程方浩淼離思粉鬱紆轉枕睡未熟擁衾淚已濡窘然
風水上寢食疲朝嘯心想洞房夜知君還向隅

自桐廬如蘭溪有寄

東南江路舊知名惆悵春深又獨行新婦山頭雲半斂
女兒灘上月初明風前蕩颺雙飛蝶花裏周關百轉驚
滿目歸心何處說軟眠搔首不勝情

相思樹

家遠江東道身對江西春空見相思樹不見相思人

石楠樹

石楠紅葉透簾春憶得粧成下錦茵試折一枝含萬恨

分明說向夢中人

斗子灘

斗子灘頭夜已深月華偏照此時心春江風水連天瀾
歸夢悠揚何處尋

黃蘗館

駝車振楫越山川候曉通宵冒烟雨青楓浦上魂已銷
黃蘗館前心自苦

清明日次弋陽

自歎清明在遠鄉桐花覆水葛溪長家人定是持新火

點作孤燈照洞房

中書夜直寄贈

通籍在金閨懷君百慮迷迢迢五夜永脉脉兩心齊步
屐疲青瑣開絨倦紫泥不堪風雨夜轉枕憶鴻妻

病中寓直代書題寄

愚夫何所任多病感君深自謂青春壯寧知白髮侵
與勞善祝踈懶愧良箴寂寞聞官漏那堪直夜心

端午日禮部宿齋有衣服綵結之貺以詩還答

長辰當五日偕老祝千年綵纒同心麗輕裙映體鮮
寂寥齋省欵曲擘香牋更想傳觴處孫孩遍目前

酬九日

重九共遊娛秋光景氣殊他時頭似雪還對插茱萸

和九日從楊氏姊遊

秋光風露天令節慶初筵易象家人吉闔門女士賢招
邀菊酒會屬和柳花篇今日同心賞全勝落帽年

上巳日貢院考雜文不遂赴九華觀袂襪之會

以二絕句申贈

三日韶光處處新九華仙洞七香輪老夫留滯何由往
珉玉相和正遠身時以沽美玉為詩題

襪飲尋春與有餘深情婉婉見雙魚同心齊體如身到

臨水煩君便袂除

和九華觀見懷貞院八韻

上已好風景仙家足芳菲地殊蘭亭會人似山陰歸丹
竈珠綴掩白雲巖逕微真官集女士虛室舍春輝拘限
心杳杳歡言望依依滯茲文墨職坐與琴觴違麗曲滌
煩慮幽絨發清機支頤一吟想恨不雙鸞飛

桃源篇

小年嘗讀桃源記忽覩良工施繪事巖逕初欣綠繞通
溪風轉覺芬芳異一路鮮雲雜彩霞漁舟遠遠逐桃花
漸入空濛迷鳥道寧知掩映有人家脰眉秀骨爭迎客
鑿井耕田人世隔不知漢代有衣冠猶說秦家雙阡陌
石髓雲英甘且香仙翁留餘出青囊相逢自是松喬侶
良會應殊劉阮郎內子閑吟倚瑤瑟翫此沉沉銷永日
忽聞麗曲金玉聲便使老夫思閣筆

新月與兒女夜坐聽琴舉酒

泥泥露凝葉騷騷風入林以茲皓月圓不厭良夜深列
坐屏輕篔放懷絃素琴兒女各冠笄孫孩逸衣襟乃知
大隱趣定若滄洲心方結偕老期豈憚華髮侵笑語向
蘭室風流傳玉音愧君袖中字價重雙南金

七夕

今夕雲耕渡鵲橋應非脉脉與迢迢家人競喜開粧鏡
月下穿鍼拜九霄

縣君赴興慶官朝賀載之奉行冊禮因書卽事
合番交歡二十年今朝比翼共朝天風傳漏刻香車度
日照旌旗綵仗鮮願我華簪鳴玉珮看君盛服耀金鈿
相期偕老宜家處鶴髮魚軒更可憐

元和元年蒙恩封成紀縣伯時室中封安喜縣

君感慶兼懷聊申賀贈

啟土封成紀宜家縣安喜同欣并賦開共受闔門社珩
璜聯采組琴瑟諧官徵更待懸車時與君歡喜齒

河南崔尹即安喜從兄宜于室家四十餘歲一

昨寓書病傳永寫告身既枉善祝因成絕句
五色金光鸞鳳飛三川墨妙巧相輝尊崇善祝今如此
共待曾元捧翟衣

奉使豐陵職司鹵簿通宵涉路因寄內

綵仗列森森行宮夜漏深爰鋌方啟路鉦鼓正交音聒
月思蘭室前山辨穀林家人念行役應見此時心

酬南園新亭宴會瓌新第慰慶之作時任賓客

南亭烟景濃平視中南峯官閣似休沐盡室來相從日
抱漢陰甕或成胡蝶夢樹老欲連雲竹深疑入洞歡言

交羽觴列坐儼成行歌吟不能去待此明月光好迷
明識內顧多慚色不厭梁鴻貧常譏伯宗直子婿信時
英諫垣金玉聲男兒纓弱冠射策幸成名假放斯自足
翛然去營欲散木固無堪虛舟常任觸大隱本吾心喜
君流好音相期懸車處此地卽中林

七夕見與諸孫題乞巧文

外孫爭乞巧內子共題文隱暎花匱對參差綺席分鶴
橋臨片月河鼓掩輕雲羨此嬰兒輩歡呼徹曙聞

太常寺宿齋有寄

轉枕排燈候曉雞想君應嘆太常妻長年多病偏相憶
不遣歸時醉似泥

朝迴閱樂寄絕句

子城風暖百花初樓上龜茲引導車曲罷卿卿理騶馭
細君相望意何如

中書宿齋有寄

銅壺漏滴斗闌干泛灑金波照露盤遙想洞房眠正熟
不堪深夜鳳池寒

中書送勅賜齋饌戲酬

常日每齊眉今朝共解頤遙知太官膳應與衆難嬉

勅賜長壽酒因口號以贈

思霑長壽酒歸遺同心人滿酌共君醉一杯千萬春

冬至日宿齋時郡君南內朝謁因寄

清齋獨向圓丘拜盛服想君與慶朝明日一陽生百福
不辭相望阻寒宵

發峽石路上却寄內

莎柵東行五谷深千峯萬壑雨沉沉細君幾日路經此
應見悲翁想望心

貞元七年蒙恩除太常博士自江東來朝時與

郡君同行西岳廟停車祝謁元和八年拜東
都留守途次祠下追計前事已二十三年于
茲矣時郡君以疾恙續發因代書却寄

憶昔辛未歲詔書下江壩盡室赴禮官脂車雜輻輳行

役過梁苑淹留經圃田郡君表姊婿元府爲宣武從事
權理宋州郡君從甥李融時爲
鄭州各淹留累日秦關信百二征駕逾三千仙掌眺蓮峯靈祠

謁金天驕馭儼已駐女巫爭來前動容旣紛若展敬方

肅然時爲女竺所導過
於恭敬不能具舉蹇步入國門華簪拱祥烟諫曹

迨居守倏已十六遷及茲東乘轅二十餘三年盛明受

恩澤清近皆聯翩忽當禮寺重俄忝相印懸陳力才不

任乞骸詞頗堅解龜罷金鼎賜劍猶龍泉鄙夫何所能

實賴中饋賢談笑皆體遠箴規諒才全拜恩理晨裝詔

使來駢闐風生鞍馬疾日出旌旗鮮信宿歷道途曩遊
記周旋甄別亦不易沉痾今未痊醫方驗桐君道術依
空乾庶憑神明佑得使疾恙蠲醫工輔氏深於藥術診
精至並約同永懷心如快引望脰已瘡離披夏雲盡皎
鏡秋月圓開緘諷色絲撰日馳平肩延企勞夢寐涕洟
暗潏漫想君路經茲還復申祝延攝拜莫清酌相期保
華顛遠慙周君較聊擬顧彥先慙勲俟來報淚墨書此
篇

權載之文集卷第十

權載之文集卷第十一

唐權德輿字載之

碑

大唐銀青光祿大夫檢校司徒同中書門下平
章事太清宮及度支諸道鹽鐵轉運等使崇
文館大學士上柱國岐國公杜公淮南遺愛
碑銘并序

邇天下之志者在大君元臣之感會而已成天下之務
者在知人安人之教化而已孝文御寓貞元十九年統
燭羣生德伴往初建用皇極澤流方國淮南節度觀察
使左僕射相國杜公政成入覲迺三月王子朔登拜司
空秉鈞居中間一歲上皇承末命越八月皇帝受命神
器弼亮三聖謨明九功當冢宰摠己之任護崇陵因山
之制盡董經費以頌地貢乃作司徒式和人則進封岐
土命賜備厚均齊天下之政茂遂萬物之宜尊道宏化
匪躬宣方中外之重必歸於公初公之入輔也制詔副
節度使兵部尚書王公爲左僕射代居師帥州壤鄉部
鰥孤幼艾蒙公之化也久感公之惠也深鬱陶詠嘆願
刻金石王公累章上請公輒半讓中止至是復以邦人
不可奪之誠達於聰明且用季孫行父請史克故事故

德輿得類其話言而鋪其馨香云公字君卿京兆杜陵人不書名尊大臣也清明廉直温毅宏重易簡之道本於健順忠智之謀發爲事業慮善以動得時大行其初筮仕州府交辟韋尚書元甫實爲已知始自掾吏累爲命介盈庭鬪辨積歲疑留者片言以聽斷舍寃白誣具獄訟殺者覆視而全活江介吏師以爲神明由殿中侍御史轉主客員外郎工部郎中再爲撫州刺史以御史中丞領容州刺史經畧使入爲金部度支二郎中復兼中丞超拜戶部侍郎出爲蘇州刺史屬受代者以憂闕換饒州刺史明年以御史大夫領廣州刺史嶺南節度觀察使徵爲尚書左丞復以御史大夫領陝州長史陝虢都防禦觀察使歲在庚午以禮部尚書至於是邢禹貢淮海之域職方東南之輿產金三品射利萬室控制衝以公泛通夷越之貨賄四會五達此爲咽喉初公之至也歲丁驕陽人有菜色於是息浮費以悅之蠲雜征以利之夫家之稅有冒役者免其罪以購之廢居之豪有委積者盈其直以出之瀕海弃地芟芻填游一夫之勤百畝可獲終古遺利沛然嘉生成於指顧得以蕃殖先是營部未葺囷倉未完介夫半寓於仁祠公聚或委於支郡公乃慮材用量事期輯中權規大壯百堵皆作

三軍寧宇轅門言言夏屋耽耽可以張射侯可以容宴豆爰居爰處而武備脩矣巨廩崇構筆飛雲蘊縮以板幹積如京坻得蓋藏之宜協出人之制多黍多稌而禮節行矣連營三十二積穀五十萬工以悅使人以樂成又瀦雷陂以溉穡地釀引新渠匯於河流皆省工費而宏利澤俄授左揆竟叅大政加徐泗豪等州節度使先皇帝在宥天下推恩彭城顧懷舊勞復命其嗣使得以州師建節而公以二郡進律惟公鎮定一方心平德和言仁必及人言智必及事生聚教訓勤身急病視閭境如根闕之內撫編人有父母之愛因其習俗而均安之誠其慘舒而導利之仕六朝而推元老踰二紀而再掌邦賦揚美化於方志流淑聲於命書其牧臨川也地叅閩蠻人本輕惰化被游手敏於農功堅舊防而時其蓄泄當大旱而我有雲雨每歲徵令歸諸有司克變輸將之勤不虧公上之入因獲贏利悉闕困窮其愆司計也權重輕以平物力受比要以均財征厚生而不既量入而有節當一人注意之重盡三接沃心之言宰司沮傷不得久處其鎮南海也服嶺阻深族類猜害塗巷陘陘爨埃接連忿懷相因鬱攸斯作公乃脩伍列闔康莊禮俗以阜火災自息南金象齒航海貿遷悍將反覆遠夷

愁撥吏困沓貪商久阻絕公乃導其善利推以信誠萬
船糴至百貨錯出邑部絕徼商人自擅誘掖招徠以威
以懷朱涯黎氏保險三代種落繁互數犯吏禁公麾偏
師一舉而平獷俗率化原人得職其登左轄也犯律倚
明清萬事之本其理分陝也惠綏浹洽宏二南之化必
宿其業而脩其方崇庸大績其昭昭如是而又博極書
術詳觀古今謀王體斷國論其言有章聽者皆竦作爲
通典以究理道上下數千百年間損益討論而折中之
佐王之業盡在是矣公之先在漢則建平敬侯有立宣
之功在晉則當陽成侯夾平吳之策忠力雋賢凌明而
昌以至曾祖諱行敏皇銀青光祿大夫荆益二大都督
府長史南陽郡公王父諱愨尚書右司員外郎麗正殿
學士烈考諱希望歷鴻臚卿御史中丞再爲恒州刺史
代郡二州都督西河郡太守襄陽縣男贈尚書左僕射
惟南陽德化茂于列藩惟右司文雅重於中臺惟僕射
有文武器任克揚風績其督鄆州忽節制留府數與虜
碯奮其威謀奪鹽泉吞河曲城便地置新軍剖符惠人
理行第一以先大夫代德丕烈之若是公能事脩而宏
大之憑厚貽慶爲不誣矣居鎮十三年願修親謁拜章
十上西向涕淚上難其繼慰勉而已公以述職在於庶

人納忠在於薦賢密疏請以王公爲代詔爲之貳暨公
之至也由大司寇爲大司馬以副車戎裝伏謁和門禮
君旣命冠耀藩服介圭得請丹轂載馳勳籍禔枝留
遮道初論以溫顏終肅以軍法旣告令尹之政卒獲子
牟之心詩曰布政優優百祿是道又曰神之聽之式穀
以汝則岐公永亨貽董如崗如陵不待替史而前知矣
惟王公師長論道如公之位阜俗撫封如公之心且以
斯人嚮慕三歲愈甚大懼公之功德竊而不章初撫人
廣人皆鑲堅石以摠盛烈及茲而追琢者三矣古所謂
信讓以泣百姓則人之報禮重其在是乎銘曰

惟天惠人惟辟奉天利建元侯于藩于宣文武杜公端
誠絜矩化治陝服聿來茲土聞我烏鹵長我禾黍乃建
營部乃新廩庾成師足食比屋安堵里閭熙熙衍沃靡
靡十有三年慰安斯人雪泣抗章血誠上陳結懋明庭
不私其身樹善交代如公之仁考祥視履宜錫蕃祉寅
亮三朝是毗是倚密勿中樞矢其謀眷乃升司空亦作
司徒九賦旣平五教式敷中外之重惟公是圖彼都人
士飲公之德彼土樂康繁公之力禾言介福祝我岐國
稽合聲詩于胥繁刻彼泉而實彼石而泐公之德輝永
承無極

唐故義武軍節度使營田易定等州觀察處置使開府儀同三司檢校司空中書門下平章事符陽郡王贈太師貞武張公遺愛碑銘

并序

維唐十一葉皇帝纂大統建大中始初清明敷佑下土稽四征六服之理闕先正宗臣之籍流慶斯復遺風可懷繇是博陵上谷列侯二千石元僚司武從事亞旅上其故府太師貞武公功德請銘於碑以示厥後乃詔小司徒臣德輿因地域之人物酌軍師之憲令舉而敘之公諱孝忠字孝忠其先燕人八代祖奇北齊右北平太守封右北平王齊季喪亂實開邊隙代有長技軼於外區曾王父靖乙失活部落節度使王父遜部落刺史父諡早習先職來朝上京星環北極輪君長之贊幣鸞變南溟發邊關之導譯拜開府儀同三司他日以公之勳累贈至戶部尚書公雄姿正志沉毅英達傳兵符於百勝襲王爵於九代年未弱冠入侍明庭才爲異倫射必命中以日磳之信愛受秦仲之車服自他有耀至是來歸時立宗御天下四十餘載習文事而去武備人不知戰恬於已然幽陵首禍殺洛怪駭公跡染汗俗心堅本朝豈求生以害仁將蹈難以明義史鳩繼亂猶居劫中

質其所恃無路自奮間道旁午密陳嘉猷俄而成德軍節度李實臣錫姓撫封同信臣之任就義若渴推心於公綜其都軍以壯支郡乃策崇勲累居大官凡軍師之禁令攻守之奇正成德之重必咨於公隣帥猖獗皇赫問罪公出自上谷覘於貝丘寇徒六萬將犯中冀乘賊外濶方陣而前公以駟介千數馳馳急策入其阻夾攻其堅敵人力屈昏夜引去遷御史中丞封符陽郡王尋拜易州刺史加太子賓客以軍之輯睦移於郡以郡之班制叶於軍文理武毅交脩四暢師貞人蘇爲列郡表儀初公與實臣感槩於少年之場周旋於多難之際迎導善氣切蒯良規若驂有斬如熱斯濯異時自代前定於公且曰與師之心勲力之冠也俄然瘵疾瘳不能言猶以手指北壁然注目既而惡子阻命陰交匪人因喪以千紀專地而圖禍公驟詠不入飛章上陳請以州兵首遏亂畧優詔拜工部尚書兼御史大夫恒州刺史成德軍節度使一人注意四履專征科合諸侯連收城縣敗之於東虜走之於常山以至斬首且無遺策轉兵部尚書易州刺史易定滄等州節度觀察使賜軍號曰義武時三分恒陽之地錄功有差而羣帥夢心或懷觖望太行而東疆場日駭且有從約皆爲假王公居其腹

心守正持重玉立於磷緇之際雞鳴於風雨之中靜柯
勁草在我而已彼朱洎者以燕哨公誇大煽結講張指
斥公乃出和門以蒞衆援噉日以晉公義利之間死生
不惑且曰縣官之所以賦車宿兵下尺一之詔者在排
難扞患而已吾徒之所以乘堅駘良佩丈二之組者在
舉力致命而已碎首塗地吾無悔焉一心事君四面受
敵俄屬京師急變盪輅時巡時太師西平王以禁兵自
魏來援於我於是與公夾策赴行在所公素約以伯仲
又申之婚姻分銳師選良將授以赴蹈使居顏行斷金
之契匪石不轉定山東爲己任坐制羣疑清轂下爲前
籌行戮大慙赤誠相照血涕交頤西平繇是建大勲立
大烈而公亦靜深以制動貞厲以伐謀使其從散約解
无亡矢遺鏃之費者公之功也前此拜尙書左僕射至
是同中書門下平章事貞元元年就加司空凡授律行
師十有一歲承寧諸侯滅無不端動有節制人斯愛戴
瞻助其供養賻補其禮喪拊循接禮勞徠安輯幅以正
德而不怵於邪濟以守忠而不回於利章灼卓異有初
有終其居涼國太夫人憂也手植松楸倚廬於墓感致
瑞祉詔旌其門終身之哀加人一等不遺故舊皆以器
使戲下多善吏庭中無留事雖古人之感懷無以過焉

春秋六十二以七年三月感疾薨於位德宗皇帝不視
朝三日冊贈太傅詔耶吏弔祠禮賻有加其後累贈太
師易名貞武追封上谷郡王易之大有曰信以發志禮
之中庸曰誠之不可揜惟公推本於是闡然而彰德宇
宏大色容厲肅長才經武奇表出倫喬枝戛雲以直上
雄劍發匣而耀穎始以天寶十載受詔卽戎授范陽郡
洪源府右果毅破九姓突厥收上黨郡漳源府折衝乾
元初轉左領軍衛翊府左郎將實鎮飛狐之地實應中
拜左武衛大將軍加金印紫綬歷左金吾大將軍兼太
僕卿殿中監以至於專席寶護剖符建牙載居六官乃
進左揆燮和鼎鼐平理水土真食大封異姓而王積功
伐以崇厚履信順而光大壯武之後遠繼公台富平之
門時推德器豈徒然哉嗣子今司徒同中書門下平章
事延德郡王茂昭以全才休績保大宣力戴翼天子無
征諸侯嘗以工部尙書建旗博陵以刑部尙書循方伯
之職特詔所理郡爲大都督府歷左僕射司空亟居代
官南北軍衙爪牙上將同氣分職寵冒一時侯王則銀
黃相映子弟乃金埒對起流光貽訓其信矣乎二十年
延德王以介圭四牡來朝京師德宗沃心嘉歎喜喜蕃
錫如韓侯申伯故事順宗繼明崇德報功乃居台宰進

掌邦教敦喻還銀涕洟就途今皇帝以道御天下燭明
理本間歲再入覲爲守臣龜龍乞留京師以奉朝請堅
若金石激於肺肝服勤王家不赫良感念勳節顧懷
義方直以鄭武公桓公漢韋平父子古先懿鏗舉集公
門二邦幼艾千夫長百夫長沐浴風烈怵惕慕思是儀
古式以永光耀斯不朽之事也拜君命之辱而傳信焉
銘曰

天秉日星亦有風霆君用文德亦資武力太師矯矯生
我王國時或艱屯師惟壯直大蹇朋來其心不回好謀
而成義路乃開博陵上谷地直栢木旣夷狡童則理長
較威謀抗厲命賜渥綈回盜泉敷敷嘉玉凡我所履
與之豐福士皆賈餘人以仰足凋衣章裕此一方追
錫吊祠禮優職喪司徒襲慶道叶仁聖三朝戴君皆受
四命親禮煌煌嘉猷洋洋湛露彤弓威儀有光甘棠蔽
帝邵伯所憩緇衣改爲鄭國之詩仍代洪烈邦人戴之
永言寘懷乃刻斯碑

權載之文集卷第十一

權載之文集卷第十二

唐權德輿字載之

碑銘

大唐四鎮北庭行軍兼涇原等州節度支度營

田等使開府儀同三司檢校尚書右僕射使

持節涇州諸軍事涇州刺史兼御史大夫上

柱國南川郡王劉公紀功碑銘 并序

貞元十有八年秋九月皇帝以安定節制南川郡王昌
之休勳懿績與邗人臺老之咏嘆聲頌詔掌文之臣某
論次其詞以永金石拜稽首祇若休命於是考侯王
之表稽贊命之書採太常景鍾之義而繫辭曰惟元后
聰明齊聖以臨於下惟蓋臣厲翼莊誠以奉於上上下
咸蘇協建皇極此南川所以感會神武發揚碩膚公疑
然持重爲國保障理涇人十五年政成事簡師以律成
人以富教習若著蔡動如風霆內總端揆外崇長伯入
疏七章元袞赤舄有南仲方城之畧有充國劬農之績
君使臣臣事君發舒震耀事業光大其理然也公姓劉
氏彭城人少沉毅尚氣節得大易之師貞春秋之武經
肇自幼學搗摩感槩天寶末年未弱冠從河南節度使
張介然東討林胡以勞署湯州遂城府左果毅其後所

奉之府則李太尉光弼劉司徒元佑或盡護軍賦率先
顏行是爲腹心節以金鼓軍之善政無不參焉師之右
職無不綜焉遷至開府儀同三司於列卿爲大僕太常
於御史府爲中丞大夫歷太子詹事左散騎常侍工部
禮部二尚書異姓而王宜食其賦凡三益封至二百室
初拒史朝義也宗之郡將委以扞城城鋒持久力屈引
去又皆留其戲下劇庸濟以利兵鈞援臨衝環城傳堦
公以淮海屏蔽實繫於斯血誠怒髮士氣旁厲周月堅
拒援師實來以愜愜之危走焚焚之狄始佐宣武軍也
任當委重任必投艱旣定彭城之急旋假濮陽之守主
忠信以任患難整偏師以立奇功奮其材謀多所剋獲
抗希烈而壁寧陵也以徒兵三千組甲五萬登陣搏戰
且逾四旬激衆扶傷竟申九拒於是救淮揚拔大梁或
倍道以赴晨歷其壘或鼓行而進終覆其巢於此二役
也擒翟暉虜鄭賁師不留行甲首山積然後窮追急擊
至於許昌渠魁窘困終以泯滅凡三與虜虜而河汴之
間乃平皆公之爲而元佐任公之功也故旬歲間累居
大僚貞元三年朝廷以五原盛秋式過優軼詔公領宣
武驍介北出護邊有逗撓犯令者立斬三百人以徇傳
按肅然威誓朔野俄拜本軍京西行營節度使雖封循

行師未有分地而車服恩禮已如守臣明年遷四鎮北
庭行軍兼涇原等州節度使度支營田等使涇州刺史
是拜居秦之北地漢之回中俗修武備而尚氣敢自馬
司徒璘段太尉秀實之以威望德聲懷寧邊部其後則
禍擊師老疆場蕭然或依違選懷日闕而已昆夷游騎
時及我郭西門不啟南畝益蹙公曰兵以奇勝亦以嚴
終寇不可翫在吾轍中矣於是建長利規遠畧程日力
興人徒西城平涼開地二百里據彈箏峽之嶮北城保
定深入百餘里扞青石嶺之固凡七城二堡有堅甲利
刃制彼衝阨絕其驅侵公之封內權燧滅息昔之旣脫
今有市列并樹之間犬雞相聞東諸侯勤王之師得以
寧宇而又因土之餘勇求地之遺利荷戈而戰擁耒而
耕出聞三捷之績居盡四支之敏開彼墉堦麥禾蔽野
亦旣悅使而皆樂從十二年就加尚書右僕射威功旣
成教化旣明里閭有豐年亭鄭有吉語其或四方之旅
謁急於公則耀威於長武納將於歸化皆稟睿畧而奏
成功十五年條軍市之租上獻天府數至十萬以贍東
師銳於爲國遠慮數言邊事蓄資力修賦輿思欲大舉
衝擊收功絕域之外豈徒使朝那陰密緩帶安枕而已
哉惟公瓌姿碩量洞儻英偉文理武毅冠於羣倫雲蒸

風行交感至用志氣申而功業大寵嘉集而名器崇至若勲身惠人勞休安集遵守條職貫通典彙有行父事君之心有考父益恭之德可以表率發於純誠宜其長保富貴為時元老昔尹吉甫美宣王任賢使能作江漢烝民之詩惟聖人感人心以和平天下惟賢臣協聖謨以鎮靜方國則皇帝之注意南川之陳力是信是使有嚴有翼敷宣景化浹洽休德不然則被邊戴白之叟披肺肝排闥闔而胡為來哉敘武畧所以揚天聲美元侯所以流王澤敢附雅頌式昭德音銘曰

天地健順三辰光潤君臣感通一德誠信皇明照燭保合休運亮采有邦登昭傑雋帝曰爾呂碩勳洗洗爰自偏師幹不庭方席勝無前援陳下梁爾戰則克爾謀則威公拜休命藩宣賦政介圭暢轂撫是安定其猷克壯上協仁聖沛然成功執德之柄乃峻壘垣壘垣崇崇乃藝黍稷黍稷芃芃出有銳師入為良農保就滋殖時公之功武經輯矣文事亦理十有五年肅清邊鄙宜登介社永錫遐紀告類納忠以毗天子疇曠涇人俯僕上陳肅肅王命命茲下臣采獲誠詞章明異倫錄此貞石輝光日新

大唐湖南都團練觀察處置等使朝散大夫檢

校左散騎常侍持節都督潭州諸軍事兼潭州刺史御史中丞雲騎尉賜紫金魚袋李公遺愛碑銘并序

皇帝在有天下十九歲覆露元元東求官師六服羣辟辯章教化歲九月制詔湖南長師中執法李公巽為江西申命小宗伯呂公謂為之代於是循其功善跡其故實百城之吏言於郡伍府之長欵於軍鄉部僑舊華顛卬角一其音詞奔走理下請鑲金石以為表式呂公以公之馨香可覆視而不可誣也衆之咏嘆可論次而不可過也悉以列土實蒙可報乃類其言而文之云善為理者必因其俗而求所以便之因其便而思所以化之惠澤被而五教行財用足而百志成上下熙熙臻於洽平古之循吏公之報政皆是道也公字令叔趙郡贊皇人曾祖知讓皇河南府長水主簿祖承允皇任朝散大夫江州別駕考巖皇右武衛錄事參軍代名文行為北州冠族公始以典學含章立於清朝詳平憲令閑練程品乘直不回得時寤明能抗駿論輒遣戍命人之所難於公為易惟天愛人惟聖法天欲其善利逮下也故詳試公以政事其初由殿中侍御史為美源令由刑部員外郎為萬年令由左司郎中為常州刺史邦圻和寧京

邑肅清居部考課為諸侯表率是皆章章已然之功也
 貞元八年冬十二月由給事中至於是邦長沙九疑澤
 國回遠徵令頗繁物力或屈歲杪連員夫家病之人未
 安於里落程不給於公上公乃奮其經用代其賦輸厚
 施已責過於萬數得以贍助使之均安又以支郡地征
 有繁軍實量力調數減輕緡錢經始致用為之倉庾時
 其發斂而歲無凶荒以封內饋饒道路風波轉漕泗
 儼載煩苦傷功度木為之舟楫程其遠邇而師以足食
 以邑里湫隘之不宜也則闢其塗巷以利之以室廬苦
 蓋之不固也則教其陶瓦以易之講功慮事以建長利
 如此之備也稽先師之教以進儒術庠塾經明歲時計
 脩出入阡陌煥休農里無告則加其餼發閭則施其征
 鄉無不率教者修司馬之法以宏其事器用犀利賦輿
 輯睦拊循以誠少長有禮事親者賜其供養被病者恤
 以醫藥士無不買勇者精力賦政以之鎮靜如此之至也
 唯公直而和肅而寬縝密而智溫良而能斷秉心砥平
 淮事風生法制定於上奇表絕於下故下車而安已日
 而孚期月而政成五年而增秩六年而進律德風下偃
 協氣旁達丕休乎哉前後與公文交代於是邦者皆以密
 侍右職來施美化裕茲一方其天意乎昔弱翁次公率

以郡園理行入當柄用然則三湘九江之地豈得顯受
 公之賜耶太師陳詩觀風諸侯言時計功皆前志也暨
 魯大夫請於周而史克有駟駝之什今潭人以德輿再
 拜奉命書獲知懿績俾章善頌永篆樂石銘曰
 帝命元侯允釐方州郁郁李公此焉輯柔洞庭南匯熊
 湘經介下為度制上以藩衛形穡淑旂四牡有輝授茲
 介圭輟自黃扉吏絕私回俗無尤違保惠教順樂郊焉
 依乃倉乃庾克敏農穡乃剡乃剡利涉不息乃端徑術
 乃導埏埴政成事時節費寬力七郡清靜百嘉蕃殖誠
 以愛人滋於樹德今則去我隣邦是式祝公伊何上贊
 皇極報公伊何惟金石刻載茲聲詩永慰南國

唐故光祿大夫檢校太尉兼中書令成都尹劍

南四川節度副大使知節度事并管内支度

營田觀察處置統押近界諸蠻西山八國雲

南安撫等使上柱國南郡王贈太師韋公先

廟碑銘 并序

萬物本乎天人本乎祖乃立宗廟以交神明德厚流光
 追養繼孝順而下之曰義等而上之曰仁國家稽合禮
 文損益前載崇功貴仕得祠四室於王制酌諸侯二昭
 二穆之義於祭統見君子盡志盡物之誠惟太尉兼中

書令南康郡王懿文經武保合昌運左右德宗格於皇天始恢隴坻之旅終化岷峨之俗貴爲上公位極元台克肆忠力乃圖孝享作新廟於京師大安里古者揚其功烈銘於祭器近古以魯鍾衛鼎追琢先德不若鏤文字於麗牲之碑之爲詳也乃謹如書之云公姓韋氏京兆杜陵人自扶陽重侯用經明至宰相後裔蕃昌德與位偕積十六葉至公六代祖範字元禮以字行於代仕周爲車騎大將軍入隋爲沂州刺史啟土鄆城易名曰莊實生孝恪雅有文憲武德初侍御史爲洛州別駕洛州生司馬府君諱機爲第一室端誠正志休有馭聲專對出疆艱貞復命著西征記以獻太宗嘉之剖符檀州修起儒術二典卿曹陟降屯夷操持貞粹不避強禦繕理官室得其時制史氏書之爲唐名臣以夫人隴西郡君辛氏配司農生坊州府君諱餘慶爲第二室清和修潔履道不回歷右騎衛兵曹參軍以至二千石以夫人武功蘇氏配坊州生贈太子少保府君諱嶽子爲第三室方嚴貞幹政事修明在母后時以直忤旨由太原令移佐睢陽出入四朝績宣中外歷殿中監剖符八州廬海湖號眉徐衛陝所至之邦有威有懷凡再造命以夫人扶風郡夫人竇氏配少保生贈太子太保府君諱賈

爲第四室盛德循行含章自牧歷藍田尉淑聲流聞上纂崇厚下貽風訓凡三追命以夫人涼國太夫人段氏配噫嘻自扶陽至鄆城積丕烈於前史自考廟至顯考廟流熾昌於後葉列於禘嘗階厥義方故南康王苞五常貞四教秉靈傑出舍道中立其初誓偏師建奇功扞大忠立大節以儒衣法冠授律鑿門佩亞相之印綬脩元侯之節制就加宗工入掌金吾撫征全蜀命賜備厚由地官轉天官叅總端右平章宰政進中書令加司徒太尉鉞鉞鉅鬯旂鑿瑠戈有嚴有翼乃蔚乃赫忠厚博大以阜俗信康勇仁以成師南蠻納郿西羌解辨象胥釋戎捷樂府陳夷歌守正持重推誠舉力開地通道者九千餘里生聚教訓者二十一年天文紀功刻在金石暨德宗弃天下太上居諒闇危言急病體國忘身毅然君子之道卓爾大臣之節永貞元年秋七月考終命於理所冊贈太師有司奏諡曰忠武公自廟成距今凡八十年矣公以天子守臣安危注意不得視滌濯承吉蠲而元兄國子師業聿實奉朝請薦其常事孝友而才稱於士林初公之仲兄曰暈屯田員外郎贈鄆州刺史叔氏曰肇太子左庶子兼御史大夫贈左散騎常侍咸以器望而延褒錫公之夫人贈魏國夫人張氏其祖禰與外

王父皆秉國鈞爲天下華腴嗣子工部員外郎行立銜
恤無怙齊喪中禮大凡四廟之支旁尊羣從喧赫昭融
不可勝書至若質明光近沐浴盛服虛中而理嘉薦匪
懈而無違心大饒沉濟警飾滌愆既思其志意若聞乎
容聲洞洞乎屬屬乎有以見舉十倫而備百順昔素王
云以戰則克以祭則受福其斯之謂乎司業悼手足之
凋落感春秋以悽愴承懷明發俾篆斯文銘曰

新廟有血靜深奕奕孝孫匪解元袞赤烏洪閱章章乃
侯乃王漢稱扶揚唐有南康二十三葉沛然蕃昌四室
崇崇斯焉享嘗烈烈南康溫良能斷謀猷罇俎文武貞
幹沂岐之西祿沔銷散井絡之下天文昭煥撫封全歸
冥漠德輝聿修孝享家法無違以昭以穆以似以續和
氣婉容苾芬烹熟子孫大小罔不祇肅神之聽之報以
介福

大唐金紫光祿大夫守司空同中書門下平章
事充太微宮使上柱國燕國公于公先廟碑
銘并序

國朝之制二品以上祀四廟三公品第一雖有始封亦
不敢逾焉元和五年相國司空燕國公立新廟於京師
蘭陵里司空公以文武偉才肆勤納忠外貞師律入作

公相以平水土以調陰陽深惟祖禰尊尊之義昭穆親
親之道乃圖廟食以永代德公姓于氏河南人七代祖
謹後魏柱國大將軍周太傅三老燕國文公六代祖實
周大左輔隋贈司空燕國安公五代祖象賢隋驃騎大
將軍禽昌定公惟三葉有大勳力於北朝乞言而爲悼
史體國以書功令以至公四代祖益州郫縣令諱德威
夫人京兆韋氏曾祖緇州顯武縣令諱互範夫人北海
唐氏王父贈刑部尚書諱汪夫人北海王氏烈考贈司
空諱魯夫人贈郃國太夫人京兆韋氏凡宗廟之數郫
縣爲初室顯武爲二室尚書爲三室司空爲親室其配
各以夫人氏交神明之道也惟郫縣顯武遵道服儒廉
退潔修且曰邵曼客陳仲弓吾之師也故仕不過六百
石而以理効間尚書湛冥善閉舍道特立以應士燕居
至於沒身凡三追命至大司寇先司空廣大而靜恭儉
而好禮合二雅修四教推明理古之學貶絕非聖之書
而恬智交養龜頤不惑起家益州東陽主簿四徙官至
寧州真寧縣令又再轉至泗州別駕祿至卑而仁及物
道未泰而志不懼公卿大夫之間尊有道而疎利權天
寶末宰府擅朝惡其剛介不附已故官止那佐而慶延
身後朝典加恩亦三追命自荊州刺史吏部尚書以至

子論道焉長子頗專良有行終洋州司戶參軍冢子頊
貞幹張敏程功賦職歷戶部侍郎以公事貶泉州司戶

贈楚州刺史幼子項吏理清明仕至長安縣尉司空卽
第三子也英明閑達剛方博厚才可以并大患學可以

析羣疑彌綸中朝則尚書郎京邑廷尉皆有懿績惠綏
外服則湖蘇號號陝二千石察廉克宣功化絲山南東道

節度使平章事入親居中冊拜聖尊紹文公安公之爵
地展盡志盡物之誠敬悽愴怵惕精明吉蠲詩曰春秋

匪懈享祀不忒司空當之矣又曰以妥以侑以介景福
先公宜之矣公又狀先公之行其大畧曰孔宣父應聘

歷國困而老於洙泗我先君宦學於天寶之年而操之
者甫忠朝林甫國忠先君能無窮乎又曰小子不敏不

通先君之大道不識先君之天行不肖之罪也凡類是
者千餘言其太史公自敘之風可以論譎酌之祭器德

與外王母公之從母也故其門中風訓獲周知之忝備
重任在公下列公以廟銘見授頓伏上聞尊嚴咫尺實

奉面命其在傳信不敢曼辭銘曰

燕文三老弼魏佐周安公定公亦播厥歆鄂顯武一
同丕矩尚書司空三命追崇義訓忠教公台輝耀乃封
故地乃建新廟新廟是宜羶薌吉祠齊明盛服乃順乃

時卑靜以正如親聽命求福不回孝順以慶刻銘斯碑
以代烝糞

大唐浙江西道都團練觀察等使潤州刺史兼
御史大夫河南郡公薛公先廟碑銘

古諸侯五廟大夫三廟廟在其國聖朝以官品制室數
侯伯理外而廟在京師其或觀於明庭入為孤卿則吉

蠲懋信展敬受福居常則冢介子姓薦其常事優然肅
然追養繼孝之義重焉元和五年歲直庚寅浙江西道

都團練觀察使潤州刺史大夫河東郡公薛公萃建先
廟於長安縣永安里其祠三室初薛之先在殷為左相

在周為侯國至漢御史大夫廣德為宣元名臣從廣德
十三葉至後魏安西將軍涪陵侯謹乃分五房又四葉

至隋禮部尚書道實道實生皇尚書議曹郎德儒德儒
生寶積齊濟濟三州刺史揚州大都督府長史寶積生

代州定襄道行軍司馬待詔公之會也為第一室夫人
京兆韋氏配馬司馬生衛王記室太子司議郎贈太常

少卿佛公之祖也為二室夫人范陽盧氏配焉太常生
京兆府奉先縣尉贈工部尚書順先公之禰也為第三

室許國夫人吳氏繼夫人同郡裴氏配焉惟司馬以兵
鈴機畧恢武經邊備惟太常以端士雅文仕王國宮朝

以至先尚書舍道安卑四命官而再結綬始仕巴西與楊國忠爲寮比乃操柄銳於引重賦詩謝絕不屑就焉獨用義方以振家法積厚餘慶河東公實承之公忠敏廉直和恒簡惠爲政事吏師於文章爲聲詩所施在樂易所至有風采京邑肅清號人理平今皇帝馭天下之初推擇方任聯命爲湖南浙江東西三道長帥歷御史中丞就加御史大夫凡三方二十郡皆據蕃善地人受其賜班制規爲四封宜之乃朔廟貌以嚴祀事楹階俎豆之飾儉而中節口耐鹽薦之儀質以盡敬水草陸產血毛幽全柔嘉滌濯休惕悽愴思志意以如在交神明而來格君子曰祀之忠也其若是乎初公之伯氏仲氏曰萊曰莘許國夫人之出而代宗從母母弟也勞謙淑均不自驕盈以功次奉朝請皆至贊善大夫以沒公之母兄曰芳雅有器幹爲北都命介由御史府入爲秘書丞亦不至大官抑代德鍾美朋三壽而享五福者其在季乎昔魯以閔官受祉衛以烝鬻崇孝酌用古義揭於茲碑其銘曰

宗廟祭祀禮之重事壘壘河東尊仁安義薛爲諸侯爵列春秋在漢廣德亦居大夫厥後焜煌三祖五房如山崇崇如水湯湯河東楨幹繁服周漢乃尊藩衛乃長邦

憲祠宇碩曼蒸嘗嘉薦求福不回降福孔偕入室出戶周旋敬齋麗牲有碑乃琢乃鏤河東孝享永示厥後

權載之文集卷第十三

唐權德輿字載之

碑銘

唐故朔方河中晉絳邠寧慶等州兵馬副元帥

河中絳邠節度營田觀察處置等使元從奉

天定難功臣開府儀同三司檢校司徒兼中

書令河中尹上柱國咸寧郡王贈太師忠武

渾公神道碑銘 并序

天地訢合以生百嘉其成歲功也則有震耀肅殺之助
焉君臣保乂以熙百志其講武功也則有經綸翼戴之
輔焉龍蛇起蟄山澤通氣與運相值有開必先斯太師
所以宣力四方稽暮七德輝耀威靈勒身濯行靈擊風
行乃繩熙於光明故瑠戈淑旂以嚴師律黃流元袞以
正台耀湛露彤弓以覺報寡納書追命以榮恤禮藩錫
始終如公之功公諱瑊字某其先夏姁之後為淳維漢
劉之代為渾邪或強為與國或分以保姓貞觀中開置
州壤就加官師曾祖元慶皇豹韜衛將軍靈丘縣開國
伯祖大壽皇太子僕贈尚書左僕射考釋之皇開府儀
同三司太常卿兼御史中丞寧朔郡王贈司空惟靈丘
紹先公之職居次卿之重僕射以積厚克家寧朔以偉

才雄邊貴仕崇勲乃裂茅社流光追遠是加密印回復
介社間生元臣功昭於前人德合於大君建中癸亥翠
華西狩公以大司馬艱貞翼從部勒戎車揣摩殺機勤
勞行內為上心膺登壇授律誓命交感如漢拜淮陰侯
故事而又加焉乃進左揆遂參大政惣賦輿而為之師
長恢王畧而以之北伐兇黨盡銳鑒於武亭公以事鉅
師老則傷威重正合奇勝在於疾力奮寡擊衆鼓行無
前殲夷潰溺如建瓴水中堅席勝又覆於咸陽長轂啟
行旣門於延秋會西平王以東諸侯之師清宮獻捷公
乃抑其賈勇須彼成功室土心之尅伐息兵火之氣燄
然後窮追斬級寇孽以平備法從於清蹕捧大明於皇
道告類薦功登拜上台撫封尹正復與虜犢時北平王
出大鹵收絳臺而公已總成師下左輔於是輯忠力揚
奇鋒復離官拔堅壘衝陣壓竟傳於蒲津金鼓之聲氣
相合山河之表裏皆復渠魁授首師帥協附安流以濟
方軌而前士不離場工不易肆二寇正刑四方咸和論
道進律乃平水土秉誼靖人以脩班制休嘉賁於草木
利澤遠於鰥寡言為軍志勤為吏師貞元景子政成一
紀進掌邦教遂居右弼十五年冬寢病十二月辛未薨
於理所享年六十四皇上悼歎不視朝五日冊贈太師

贈襚吊祠有司備物大僚襄事明年二月甲申葬我太師於萬年縣洪固原太常跡其功德奏諡曰忠武禮也初公年十二以將門子仕於邊部未弱冠五遷至左驍衛將軍始從朔方之師戰黑山次從隴右之師摧石堡又嘗西出臨洮奪昆夷之善地而爲之壁壘北絕大漠破獫狁之堅甲而焚其廬帳又從汾陽王臨淮王討反虜於山東南攻贊皇北取真定射其特將李立節貫於左肩斃之又五遷至大卿皆以功次其間開地於河曲以靜九蕃宣威於陝西乃定三川凡王師之所以剋獲都邑元老之所以發揚蹈厲公必居其先偏而當其勃劇故以御史中丞爲靈州左司馬以御史大夫爲邠州刺史以工部尚書單于大都護專征上郡榆林之地入爲左金吾衛大將軍又以戶部尚書奉普王出車自時厥後投艱感榮能納大忠以恤大事理滿十六年再陟公台以司空兼侍中以司徒兼中書令大凡歷官二十八次眞食千八百室居節制者五副元帥者四材力絕人始封樓煩方內治平乃進咸寧凡汾陽王九伐之勳公皆左右四邊之地公皆踐歷惻惻冊師禮法謚尊名公皆如之時不至者壽而已矣惟公厚性寬中智謀深靜秉義類以賦明命植端誠以糾王懸講功述職遠意長

利執德之柄蹈禮之輿致其用以格天啟其心以沃聖協建皇極爲宗工元龜雅好左氏春秋班氏史得考父之恭范宣之讓驃衛之功畧黃韓之教化又嘗慕太史公自敘著紀一篇詞不矜大而事皆明備有子五人曰殿中少監鍊太子中允鎬太子司議郎鉅櫟陽尉綱雲陽尉鏞著位於兩宮以奉朝請試吏於縣內以宿事任食德而才稟訓而忠皆以純孝致其哀敬令弟輔國大將軍右領軍衛將軍武當郡王玘與諸孤等推烝彝景鍾之義因職喪以聞有詔詞臣刻石傳信乃採其贊書侯表作神道碑銘曰

北戴斗極陰方尚武元金朱輻錫命都府大師間代感奮雲雨四征庇人九合尊主昔未成童則能肆勤卓行深入致果忘身弱冠推鋒環列南軍中興之後書杜策勲援袍兩河轉戰三秦靈朔郇如所居必聞出統藩衛入司徵巡時丁阨難節冠羣倫通誅煽結狂穢官闕西平鞠旅公亦受鉞旣臨延秋如火烈烈休士退舍時惟不伐侵淦濛濛蒲津未通北平釋位公實撫封晉命長春克威厥功開壁勞軍塵有不同以律則威在和而克時惟太師有嚴有翼乃敷仁澤乃布條職時惟太師有功有德三公二府是獎是陟禮印易名以尊以飾材官

介士鹵簿悽惻大隄鮮原中南之北萬邦作憲永代是式迨琢馨香與唐無極

唐故正議大夫守門下侍郎同中書門下平章

事成紀縣開國男賜紫金魚袋贈太子太傅

貞憲趙公神道碑銘

并序

在漢孝宜厲精理道則有魏相邇故事耶吉知大體百職修明中興有聲惟皇帝在位十四祀得賢相成紀公趙氏受天清淳佐時緝熙本洪範之正直躬大雅之明哲右輔左弼調和鼎味降祥而生盡瘁而終時貞元十三年年六十一皇上震悼不視朝三日詔奉常具儀法冊贈太子太傅又俾百執事爲位哭於其庭吊祠禮賻率有加等二府之屬或銘其德於壽堂或狀其行於考功有司稽實諡曰貞憲公之盛業斯謂不朽又舉其始中終之畧識於神道公諱憬字退翁天水西人其先成子之文宣子之忠文子之知人左丘明太史公實書之曾王父仁本皇司列少常伯同東西臺三品以忠清厲翼多所發明乾封封總章之際號爲稱職王父贈趙州都督誼歷右司郎中乾封縣令司僕少卿烈考贈鄭州刺史道先仕至洪州錄事參軍惟祖稱舍章故慶延追錫崇搆丕矩復大於公公保抱之歲生知色養羈冠之年

則無幼志及夫被僞服踐法言敬直而文肅莊而溫端誠博物錯綜今古非大中至正不接於心術實應中元宗肅宗幸梓宮有司議方中復土之制時西鄙日蹙歲饑人流公以王者追孝恤禮宜儉褐衣上疏約指明君子曰此劉更生諫昌陵之言也息偃江介名聲籍甚始佐州師乃辟戎車自試守江夏尉三遷至監察御史其後翹車繼轍賢侯虛左大凡難理之府皆待公爲重歷殿中侍御史太子中舍丁木夫人憂柴毀孺慕殆將死孝感導善氣降爲嘉生有芝煌煌秀於壤樹之側公默而去之人莫知者旣免喪徵拜水部員外郎未幾檢校工部郎中副湘中七州軍事居一年詔領留府尋踐方伯以中執法錫金印紫綬罷秩家居拜給事中執法懷和北狄有下嫁冊命之禮復兼憲丞以副皇華旋軫未至遽尙書左丞後又用彰皆以貞勝其初撫封上狩於漢中守臣之任憂寄愈切公恤隱布和仁而愛人與師知訓善吏樂職行之三年教化明備底貢有藝賦政不煩潔矩以杜奇袤露章而無吐茹飛語雷動明誠山立受代踰年事實敷聞故有左曹之命講貫舊章惟真是視刑或失入議將必還公望曰盛其勤靡鹽故有和戎之役致賜諭旨協寧殊隣疆場之言專對而不貽紀

綱之僕承事而不征保就安利北方感悅故有在途之拜整南宮之紀律稽郎吏之功緒風望素重法制有精嘗歲終舉吏可以長人者或以其細故深詆將以病公公乃移書自訟請下其考有博大之度無怨欲之私一臺承式六轡在手持綱體要善否有章故積公輔之望貞元八年夏四月拜中書侍郎平章事明年五月轉門下侍郎以厚德載物以全才宣化舉直盡忠敷納將明正百度之本去一朝之便事有統紀心無面從嘉謨匡言鎮定宏大謙厚而不伐持平而居易閑邪塞違貞厲而不枝涉恪始終帝載用和歲夫先常伯歷左肅機東臺侍郎克著休功再忝大政公皆踐之是以似之嘗以爲漢廷諸公罕備其用以石慶之醇謹而不能關決薛宣之方畧而失於煩碎翟方進之通明而固其位公孫宏之節儉而近於名公偏有其長彼實多缺唯可魏所履我無愧焉向使懋與之年盡行其道則公之所化可勝紀乎故其登庸也士之仁者相賀而不仁者相吊其全歸也士之仁者相弔而不仁者相賀斯可知矣至若睦中外之姻而均其祿賜嚴宗廟之祀而不理第室啟手足之日家無餘財奉終即遠待恩禮而後備難矣哉嗣子宣亮全亮元亮承亮等伯季以門子爲宏文生叔

仲始解巾授祿皆稟德風効而孝謹以十一月景午時得吉卜奉公之喪附窆於河南緱氏縣景山之原禮也以德與叨居宰士嘗辱深知職奉贊書備詳盛烈俾刻金石聞於無窮銘曰

晉有成宣代稱忠勳先正常伯匪躬事君繼復於公爲時獻臣德不踰閑心不違仁貞其所履以翼天子大猶是經中立不倚乃賦明命宜躋遐紀吾道方伸修途遠已緜原蒼蒼宰樹成行名章樂石在旁噫嘻太傅之風永代不忘

唐故東都留守東都汝州防禦使銀青光祿大

夫檢校吏部尚書判東都尚書省事兼御史

大夫上柱國扶風縣開國伯贈太子少傅杜

公神道碑銘 并序

歲在戊寅夏五月甲子居守天官扶風公以病就第考終命於京師永命里春秋七十四越三日丁卯追命爲太子少傅秋七月甲子歸全於萬年縣少陵原前此又詔有司以鹵簿鼓吹飾其儀法以德以勞以榮以哀馨香光大爲宗工表式公諱亞字次公漢建平侯延年二十一代孫曾祖玄道皇右千牛王父含章皇上郡司馬贈岳州刺史烈考釋皇忻州秀容縣令贈左散騎常侍

公承積德之淑靈稟中和之粹精山立陽休得時大行
歷諫議大夫給事中再兼御史中丞繇睦州刺史入爲
刑部侍郎三兼御史大夫檢校禮部吏部二尚書正色
於朝而文憲損益懋功於外而藩服輕重宣力以肆勤
納忠而愛人稽於制導以善利魏昭子能理大官趙文
子能恤大事足以斷國論謀王體殆不可及已早歲州
里舉經明旣授初命以爲大厦之材不可以植培壤南
溟之翼不可以棲榆枋於是初服燕居博通羣書深探
理古之道焯見天人之際天寶末盜穢兩都宣皇在岐
褐衣召見前席三接實貢昌言以扶大統乃以處士授
校書郎其後三辟大府五登郎位請議善價必歸於公
大厯中宰府擅朝交利崇黨司諫八年嶷然貞厲盡規
時疾天下直之權臣旣誅乃擢左曹先是魏壁未下東
師旣老密疏方畧深圖理安再勸皇華大布清問導以
善氣灑其他腸不寧方來克協宸慮故先皇今上皆以
公之才可以大受姑以九牧四征試其多能鍾陵上游
提封七郡命公以廉問之政師役之後因緣煩費雜征
邁賦盡削其書未逾年而庸亡自占與夫家相半能厚
下矣函關陝服介於周秦命公以藩屏之任化用清靜
身爲律度量里閉無吠犬府庭無諍詞四封之內幼艾相

質能去煩矣河壘蒲坂陶唐所理命公以尹正之重地
本沃饒化之純儉盡以解梁之鹽歸於有司凡糴物錢
之息其出池澤之賦其人歲一萬萬率皆罷廢不以利
爲利矣揚州葆強都會庶富命公爲節制之帥日講軍
實歲修職貢師貞人和政成事時河渠填淤積歲爲病
乃麗二浸於蜀崗之西濬舊坊以股引順地泐而啟閘
滌源導滯力省功倍邦溝之人受其賜而頌歌之矣勤
學在公盡瘁其身上思褒優之禮乃命保釐之任昔在
成周三后協心公率其道寬而有制且以洛苑汝墳弃
地可闢藉其介夫頌以稼器歲皆登成人用洽和地官
以之省費游手以之務本分正七年厥後用加徵還京
師日俟其復天則不吊竟孤人望夫人范陽郡夫人盧
氏茹未亡之哀旣虞而終無子以猶子某爲後悲夫初
公文章合雅議論經遠見知於太尉房公瑁受辟於衛
國杜公鴻漸以志氣才業英華博厚合於彭城劉公曼
贊皇李公棲筠以道義經術研機盡性合於司徒楊公
綰司業張公參或以公得時中之道或以公有事外之
致皆曰聆次公之言可以書紳作憲至於博約後學章
明遠至有闕里之善誘焉有平與之深鑿焉噫嘻昔漢
武帝以韓安國爲國器劉向謂董仲舒有王佐之才當

理平之時或蹇或徙止於御史府膠西相竟不得總秉國成扶贊化育則公之位望終不相配亦如是耶昔魯視豐碑衛銘烝彝近古鼎不以窆追琢介石榻於道周參魯衛之遺也公從父弟太子賓客黃裳得位相倫友悌相輝功衰之喪加人一等以德與厚公之知碑論風烈懼詞之不敏而無愧焉銘曰

昔在周邦實憲吉甫於惟杜公亦備文武武弁戕戕玉聲鏘鏘公在左垣羽儀周行鈎膺濯濯文馬翼翼公爲元侯表率方國推誠導利典事任力陟恪清時作稽忠德冢宰是職周郊是式宜永介福如何不淑壽堂幽閔礎印榮飾勒銘於茲山石無極

唐故劍南東州節度副大使知節度事管内支度營田觀察處置等使正議大夫持節梓州

諸軍事守梓州刺史兼御史大夫護軍賜紫

金魚袋贈禮部尚書盧公神道碑銘 并序

惟盧公諱坦字保衡涿郡范陽人也代爲北州冠族會祖審經皇齊州祝阿縣令祖河童徐州豐令父嚮明經上第贈鄭州刺史仍代以六百石廉厚有循化光君子名經操身曠僚追命至公始延耀發舒咷赫顯尊乃舉較畧以施金石公始爲同州韓城宣州宣城鞏縣河南

四縣尉監察御史裏行殿中侍御史內供奉爲殿中侍御史戶部員外郎尋轉庫部員外郎刑部郎中皆兼侍御史知雜事拜御史中丞除右庶子又以御史中丞爲宣州刺史宣歙池觀察使入爲刑部侍郎轉運鹽鐵使戶部侍郎判度支又以御史大夫爲梓州刺史劍南東川節度使元和十二年秋九月薨於位其年六十九公含章特達剛建篤實粹溫而有遠猶忠厚而無流心自周圻滿族令聲籍甚時宰得君實公之私口其燥灼不受慰薦徐用常調復還洛都其仕外臺贊佐東都守臣寢病中貴驕暴以甲士五百棲於府中衆情怪駭慮有急變公感榮憤怒以正詞讓之匪人慚悔回慝不作其佐轉輸事任循明河之舊防有梁公堰者發決歲久爲之澹理鍾水導滯厥猷茂焉李錡以戎車督運貪猾無狀公端正中立用十年不徙官與從事李約李稜暨今相國裴晉公相繼引去其在憲司貞厲閑邪元和初天子憫人之重困徵貢之無藝方任受代至京師尙修任仕者俾論如法赦令懸焉梁闔二鎮首奸斯禁公立奏劾使待罪於朝多士竦聽四方風動李錡之誅也旣絕屬籍有司請發其先墓自懷安而下悉皆夷之公諫曰神通有佐命勳乃國之宗臣守官以死奈何一旦以

錡故而戮斲九原上改容嚮納特給五家灑掃冥奠之下將加法而加恩君子多之其在宣州歲丁驕亢順其發斂以救艱食潤渚田於墮弃置種食於鄉亭多方愛人人用饒給或曰持力盈矣蓋上獻乎公曰動人市恩所不忍也出軍食糈錢四十萬以代征徭爲秋官領使去冗食百輩自江而南均輸池澤委分部大吏得命其屬以能否進退公不撓焉責其成以奮功吏採其要而得均節其爲地官也以府帑之羨繕終南宮百堵皆典六職以嚴備邊力畜者費大萬兵食以饒亭障以安有臨淮守前泄事於代北者或告其畜馬百駟且有奇種事下於公公使從事覆之上遽命小黃門按之公曰如是則廷臣可疑近習可信臣不敢奉詔疏三上上方感納七年河流毀西受降城城守以聞宰臣請徙於天德公曰河決不過退三四里功費無幾何天德增礮回遠非所利也時之宰臣譏異故公讓格而有梓潼之命其後城守以憂死代之者人歸咎而戕之蓋屠其家天德幾亂公之前知若著蔡焉梓人自井絡挺災侵淫亂畧遠公至也理之如家雜征牟利者去之邊防虛縻者實之底賈之外無異獻吏祿之差有恒給師貞人勤政事和理鎮安一方而大庇廕之柘格之引鰥孤哀送自鄴

中至劍門以五百里祭奠相屬有詔贈禮部尙書不視朝命著作弔祠法贈加數母弟前絳州刺史常師以器望慰中外以友愛重人倫長子玠壽州霍丘尉冢子大琰前明經調拔萃以地勢嫌抑次子大璟河南府參軍幼日瓚未仕大琰大璟等咨於叔父與伯季竭誠信以明年正月日祔葬於東都穀水之陽先封禮也惟公早精六學尤邃三禮晚節究觀歷代史端誠正議宏達卓越歷於大朝名致直言秉剛履險不疚不貽榮煢然有史鑑攷黜之遺風序賓樹善銳於簡拔同升諸公者十人並列於藩者若干人喜士睦親造次以之用之不求備求之如已失洪範之攸好德大雅之人鮮克舉惟公有焉某建中末與公同爲丹陽公從事中歲左戶請爲郎及茲建牙壤地相接周旋出入殆四十年今聖朝多士如林永懷舊故凋落向盡保衡又沒可勝慟耶公之記室大理評事羅立言狀公之行將諸無容之請牽課鄙德詞達而不文銘曰

盧公懿懿戴仁抱義其用不器迺簡在庭大猷是經穆然儀形再貳六職兩居方國人用景式溟波鄉雲天矯輪囷奮其翼鱗物情未直壽龍未極生死糾纏洛師舊鄉穀水之陽先人所藏孝子悌弟乾肝焦肺寧此後載

刻飾龜螭發揚聲詩傳信在茲

權載之文集卷第十四

唐權德輿字載之

碑銘

唐故中書侍郎同中書門下平章事太子賓客
贈戶部尚書齊成公神道碑銘 并序

有唐文學政事之君子曰相國齊成公諱抗字遐舉清
方粹溫絜矩秉曩明誠盡性切劘化育之道精義入神
旁魄天人之際以忠事君以病乞身乃去台宰乃儕商
皓然後撤琴啟手足歿齒無違德以從先大夫於九原
易名曰成不亦宜乎公某郡人自太公表東海桓公匡
天下爲國爲家或哲或仁烈祖贈太師府君諱泚歷給
事中中書舍人吏部侍郎止於平陽太守出入陟降中
行山立至今言開元名臣者稱公有遺直遺愛焉實生
先公贈國子祭酒府君諱頡履道貞厲仕至左龍武軍
倉曹積厚於上流光於下其位不充故大受於成公公
旣配而孤哀過成人屬幽陵橫潰中夏如燬奉太夫人
安輿違難於越得子州支伯之故地而偕隱焉誅草茅
以順居息悅山水以資仁智方茂天爵用觀靈龜嘉招
重問奔走以狎至虛已宏道從容而翔集吳郡張相君
鑑方以仁義理濠上得君爲榮及進律於洪成師于岐

權載之文集卷第十三

累爲命介若驂有靳建中中戎王請大和會以休寧西方扶風綿亘汧隴地當甌脫且有成命正其經界公實佐中權登壇涖盟得其情數與之約結克就衣裳之會用銷邊鄙之警自解巾三遷至殿中侍御史俄屬淫旅竊發羣凶挺災天子展儀於甸內主公死難於理所百舍奔問至於行宮拜侍御史有詔以蕭黃門復布愷澤於東夏命公爲工部員外郎以贊焉復命轉倉部郎中李懷光阻命於蒲連兵未解關中饑旱經費不足轉粟饋軍濟時之艱患求才急病命使以專達遷兵部郎中兼御史中丞以董其任俄拜諫議大夫當軸者不相容坐婚親細故出爲處州刺史先是山越寇攘蕩覆城寺公乃卜勢勝之爽塏因習俗之便安三時不害百堵皆作朝典陟明拜蘇州刺史吳實劇部大田多稼浮徭冒役吏禁或弛占著名數戶版不均公乃閱其生齒書其比要強家大猾不得蓋藏介持單輕與之紓息已日乃乎厥猷茂焉遷潭州刺史御史中丞湖南觀察使以向時二郡之理而宏大之其仁可知也左曹理本徵爲給事中周郊寄重擢爲河南尹盜有宋瞿曇者白晝椎剽爲羣偷囊粟三川病之幾三十年公法令嚴具綱絡張設名捕魁宿使無遺類指顧之間擒擿如神乃作私書

章明文雅脩舊以起廢乃作太常統和神人節事以辨志便蕃大僚其道乃光德宗皇帝方以堯舜氏聰明之道馭天下用賢人充相位拜中書侍郎同中書門下平章事熙九功之歌質百官之戒損益文憲化裁形器精微以折中密靜而不伐或事隱於造膝或言行於沃心初天官氏每歲表他曹郎二人閱多士試言第其甲乙春官氏俾考功郎選孝秀之親故者而進退之公以冢宰小宗伯爲官人取士之本蓋天子有司之重任於避小嫌亂舊章適滋岐旁執謂局鑄蹇坦坦之道豈如是耶然後闕康莊付衡尺遵公是之路去白便之私天下之人謂之理道尋有詔修國史昔孔父無位以空文爲一王法公當盛聖之代用宰司愆直筆其於褒貶勸懼明焉勸慮盡瘁積成寢恙累章乞改太子賓客遭罹不淑贈戶部尚書時貞元甲申歲夏四月春秋六十五夫人河南獨孤氏某官某之女賢明早夭繼夫人蘭陵蕭氏某官之女仁順有禮法嗣子棟銜恤毀瘠侍公喪帷以某月日耐於東都某原喪祭哀敬君子以爲有後惟公深而通肅而寬出處動靜必以中正敬用五事暢於四支資性儼恪尤長鑒裁在岐也薦齊忠公曠佐蕭也薦盧恭公邁皆至宰相其他推轂下士爲漢廷臣

成天下重名，頌望者不可勝書。凡所論著，皆研幾析理，宏雅夷遠。洪州文宣王廟碑、張蕭三相國碑、誌本聖人教化之蹟，推大政、藝明之道，固其性術，講貫而發，舒乎斯文。文集二十卷中，倫體要盡在是矣。公薨五年，餽調爲洛陽尉，永惟先烈，未刻豐碑，以德與風承湖海之舊，中忝掖垣之屬，代日舉代，靡形話言，獲於遺編，實見陰德。顧茲無似，有玷知人，濡涕含毫，以表幽宅。銘曰：

昔在營邱，大風決決，有倬平陽，令聲章章，不踐宰慶，慶貽子姓，倉曹含光，大學追命，厥生中書，秉哲居正，鵬起扶搖，鸞翔慶霄，乃登紫微，以瑞清朝，吉凶糺纏，寒暑結轡，其生有涯，其用未極，壽堂冥冥，宰樹森植，揭茲馨香，終古是式。

唐故中散大夫守尚書右僕射上柱國賜紫金

魚袋贈太子太保姚公神道碑銘 并序

公諱南仲，字某，吳興武康人。姚虛媯水根，抵岐茂後漢青州刺史，恢始違難，東徙周華州刺史。北絳郡公僧坦以行義道術聞生，二才子曰：「察曰：最佳，隋爲蜀王友，王友六葉至公。曾王父績仕絳州曲沃縣令，王父元宋州宋城縣令，烈考發天寶中舉秀才，十上不合，慨然自奮，從西平王哥舒翰於隴上，積功勞，至右領軍衛將軍。他

日以公之勤贈國子祭酒，公抗行厲操，清方謙讓，以規爲填，以禮爲與，以多學爲富，以不貪爲寶。絜如大圭，鑑若黃鍾，宏毅以任重，溫良而能斷，自射策筮仕，至於綬吉祿，啟手足由是道也。其初應制條對，理道授太子校書內史，吏師表其才能，凡三結黃綬，至萬年尉，前後考課爲府中最，擢拜右拾遺，久次，歷右補闕，祭文石封，阜囊諷議十年，彌縫百度，大厯中，中官憫冊，既卜壽原，陳古義以上達，疏近郊之非便，即日詔可，下其章於宰司，特超五階，被以命服，執事內詔以上，賀近臣修職而競，勸服薦紳者，誦之執簡記者，書之尋以本官充理，歷使今皇上嗣位之初，慮化不下，究以通邑，長人導利之源，出爲蘇州海鹽令，韓晉公泚時，愆方任，延於幕庭，改殿中侍御史，與元族大輅省方，深燭理本，束求俊乂，徵詣行所，泊清宮旋蹕，拜左司員外郎，紀綱品式，練達明備，轉兵部員外郎，時武師告成，祿疹肅清，四征羣帥，條上功級材官，勇爵差次，賞典受命，頽達疇庸，式欽遷本司，郎中凶旱之後，被邊艱食，近關蒲晉十餘城之地，因其徵令，悅以平糴，乃董使車，贏糧息人，拜御史中丞，歲中換給事中，正色匪躬，清公不苛，大朝以肅，左曹亦理明，年授同州刺史，三載考績，復以御史中丞領陝府長史。

陝號觀察使居五年就加右散騎常侍左輔有離宮公田之劇焉陝服居函關砥柱之衝焉於二千石元侯之選斯近而重賦政廉平馨香流聞以修班制以厚風俗上以蠶昌居兩河之郊鄭爲支郡是皆要害且今勁兵處也自丞相魏國公政成人弼厥後守臣再物故而魏公之澤遠思得寬明忠智之長以輯柔之進公左散騎常侍御史大夫爲滑州刺史鄭滑節度使於是握兵符乘單車惠然簡易入布條職恤鯨寡用仁制強藥用明居常以柔克臨事以貞勝士吏悅勸夫家寬息阜俗成師納忠閑邪衆情皆懷而公益厲十六年介圭來朝牢讓師帥由是詔魏公以左僕射居相府命公爲右僕射以代焉公旣得請命其軍司馬盧羣以代焉爲仁由己是稱方國之表知臣若君乃膺師長之任詔奉常具儀法以蒞中臺禮官贊引宰政爲客諸曹羅拜於堂下郎吏捧牘於階序禮成暹纒秉直者榮之虔奉朝請恪居官次慥慥然守業修職未嘗以耆碩尊禮自處山甫之匪懈考父之益恭古人與稽華髮潤固十九年秋七月乙亥感疾薨於宣平里享年七十五天子廢朝悼歎俾中貴人弔追命爲太子太師恩之所加可勝言哉惟公粹和而能貞厲恬淡而有儀矩履方持重坦坦光

大詩云愷悌君子求福不回言樂易而不違於道也又曰靖恭爾位好是正直言遭明君其道行也斯二者君子謂公得之夫人河南縣君元氏魏景穆帝之裔宣州錄事參軍光宗之息女也和易淑柔以肥家道先公而歿十八年矣嗣子太僕寺主簿袁潔清好古誠信得禮與其弟亮茹毒問卜以閏十月己酉奉公之喪舉夫人之殯合耐於少陵原黃渠里以儉襄事率循家法雖宗姻四布皆泣而辭之且曰理命也猶懼先人懿實寢而不章刻茲穹石以永終古銘曰

黃目鬱器禮神所貴珮玉金龜君子是宜秩秩姚公其心秉彝抱義戴仁造次無違公之所履中立不倚廉車淑旂所向風靡政無吐茹道若砥石事君愛人斯謂至矣中臺崇崇端右宗公皇明嘉獎陟是師長卓爾道行倏焉化往少陵鮮原美楨新阡龜筮告猶塗芻儼然白驥蕭蕭黃渠潺湲姚公之德今揭此貞堅

唐故太子右庶子集賢院學士贈左散騎常侍王公神道碑銘 并序

興元元年春二月太子右庶子王公艱貞歸全於京師新昌里夏五月王師震耀禮洽銷散天子以公忠義風節可以聳厲人臣追命左散騎常侍且詔有司護葬加

禮冬十一月寧神於咸陽縣肺浮原先公之兆域既葬十二歲其孤仲周以德輿昔在羈州獲見於公無容之敬嘗拜牀下乃泣狀代德俾表識於神道云公諱定字鎮卿京兆人其先魏信陵君無忌之後秦滅魏謂之王家周太尉尙書令譙以勤勞闕閭爲藩衛威重從太尉三代至隋司金上士洛相等七州刺史明生進進生同州河西縣令喜喜生蒲州刺史贈禮部郎中慶慶生吏部侍郎揚州大都督府長史贈禮部尙書揚州大都督府易從積是德善叢滋章大公卽尙書第若干子弱冠游太學舉進士甲科補太子校書以文雅德器名聲四暢屬執事者用喜怒爲刑賞上敬天明婚親坐累徵文痛詎歷湘潭藍山雲夢鹽城四邑之屬天寶末遑難家食於淮湖間四征五府聘問狎至某年中書元載廉問九江表公爲介授左驍衛兵曹參軍以疾乞告不屑就無何元拜小司徒執憲乘軺實顯徵令復表公爲大理評事捧詔踵門詞禮皆切不得已而從之取驚功利每稽中正酌重輕之法通方圓之宜叩雖應於春容技寧投於肯綮纒逾旬朔復以疾辭時薦紳先生多游寓於江南蓋簪清議以天爵爲貴退然絜矩名動京師宰司得君且務樹善俄除監察御史不樂拘肩換太子司

議郎公望凌盛徵書累下朝論以九遷是望大僚之七發相繼拜起居舍人尋加理匭使歷禮部吏部二員外於是昭法誠廣聰明裁百辟之章疏助九流之刀尺私回屏伏公是興行遷考功郎中每歲覆羣吏之能否書其上下之籍有司賦祿此焉質正吏詐諛以嘗巧法靡密而不勝公乃大爲之防盡去其弊是歲選部以稱職聞或質之者舉手曰此考功之力也豈敢攘善尋以本官知制誥歲中遷諫議大夫掌誥如故且加命服凡贊書名命必輔以精識其旨在於奉菁華而去枝葉故簡實體要不爲曼辭明年幸臣伏法移太子洗馬今上嗣統東求吏師授隰州刺史以南宮歸重尋拜吏部郎中再受面命循行方國初自淮泥至於汝南後自上黨亘於山東辯逆節以致誅宣王澤以宏化德立刑行時公之功遷太子右庶子集賢院學士或歎以才全位散非公所宜者公蹴然曰此予仲父之職官也竊懼不稱豈必使濡翼脂毒然後爲得耶明年冬上思避狄之亂王虬西狩公間挈二子奔扈行宮在途發疾爲凶黨所得不敢加害劫送京師元惡借公素名汙以右職桀友日至盜言孔甘不時赴就期以大戮公瞋目嚙口其心確然私謂所親曰忘君恩以苟生非忠蹈賊刃以誅死非

孝於是藥攻六藏艾灼四支耗其神形終啟手足任重道遠君子以爲難前此理命其子曰吾嘗被冕服近天子之光不能酬恩刷恥而遭罹執劫得正而死猶生之年但慮竊國泉以贖我義無所受又勿使僞命汙吾之旂口占遺表言終而絕禮盛服充追崇身後君君臣臣其至矣哉故尚書吏部郎中趙郡李公洎公皆德與先大夫之執也李公嘗稱公交道之深評議之正天下之人以爲知言前夫人京兆韋氏刑部尚書贈太子賓客堅之女繼夫人隴西李氏右金吾衛將軍安州刺史延業之女龍旗麟趾之慶鍾於淑哲皆叶公之志而先公之歿長子達以進士宏詞甲科歷咸陽萬年縣尉監察御史殿中侍御史佐制河東之畫才名休茂不幸早代幼子仲周亦以進士甲科使車交辟以廷尉評攝監察御史佐元侯外任實亦功利用敏識文行修明論議先烈炳然詳實故採獲始終用成斯文銘曰

大玉孚尹慶霄網緼有倬王公清方直溫考績中臺吏理有倫密侍右掖化成人文時或屈伸道無緇磷別殿清近東朝顯尊盜泉滔天猛瘦狷狷不虧其全不害其人瘞瘵風節追崇厚恩密印金貂謎於墓門家法憑厚慶叢後昆纂敘清輝敬而不謾崗連夏屋木拱秦原傳

信貞珉令聲無垠

權載之文集卷第十五

唐權德輿字載之

碑銘

故宣武軍節度副大使知節度事管內支度營

田汴宋毫潁等州觀察處置等使金紫光祿

大夫檢校尚書左僕射同中書門下平章事

使持節汴州諸軍事兼汴州刺史上柱國隴

西郡開國公贈太傅董公神道碑銘 并序

漢興五代孝武思理膠西相陳天人之際王道之端昌

言大對統紀條貫純嘏積厚遠而寔明帝唐九葉順考

古道隴西公都將相之重承尉衛之崇啟心宣力作率

慶事陟恪崇工能積其烈公諱晉字混成河東虞鄉人

廉忠溫厚絜矩通理秉義以立故不為利疚知動之微

故每與吉會初肅宗受命以合兵車思欲去元元於

湯火致王度於金玉以文告咸讓遠猷密命之為重也

故公解中披荆校文視草凡三徙官被以采章代宗御

天下乃清吏職以為文憲緬綸陪武事任百辟交修則

理道洽故公再入御史府三為尚書郎歷祕書監長府

奉常武侯之亞今上建皇都以纂鴻業思代天工俾寧

方內故公出入屯夷昭明有融中居大僚以至柄

用貞元五年春二月拜門下侍郎同中書門下平章事

居五年除禮部尚書用耆碩俊德轉遷兵部分正宏化

以本官畢命為東都留守東都畿汝州都防禦使安危

注意以左揆持相印充宣武軍節度汴宋毫潁等州觀

察處置等使十五年二月丁丑薨于位享年七十六罷

朝三日追命太傅有司易其名曰恭惠職喪法賻皆峻

奠等所以視其踐履而加優之也初公以祠部郎為出

疆從事北方之疆驕蹇資貪伐功怙力徵我學幣使臣

指顧公攝其詞詞達氣直虜皆震伏輝威命於專對輝

光華於外區仁者之勇沛然餘力其為大府未浹日而

理乃珥貂蟬實兼憲丕合章以承顧問秉直以司紀律

修起故事京師肅然其為華州徵赴行在以祭酒亞相

使于北河其往也薊門不出關東多壘習俗故態且相

附離公則破其從約使循軌道其還也蒲坂既阻王宮

未清婪婪二逆恣睢相合公則折其兇謀因以鬱沒憑

軾有勞扈蹕而旋益用尊禮大其職業司徵循也五枝

嚴備持重而不苛處綱轄也六職遵修舉直而不紊典

禮樂也百神咸秩薦信而不躓其為相也上戴元聖下

照百工柔惠小物協寧大政推明常古之制章叙理平

之業粹和而不耀敬讓而不居言陳於前不可悉數拜

章八上然後得請其撫封也尤爲難理先是在宥推恩參授兵柄至有恃凶器以邀好爵者氣談不還風波相洽是邦再亂人用恟恐上以爲陳留天下之郊也非素重臣不可以率先賦政公既受命與一二從事記室儒服而前不待裏言不持扞衛寬信夷易闐然風行長城

大蔡蘊在靈府悍將伏罪齊人樂業四隣諸侯折中於公居四年政成疾力累求入覲因條陳利病請制於未然上難其繼以至沒代嘻夫一邦之人得公而理失公而亂怯介夫殺大吏猶原潦川潰於不可遏向公之嘉猷密疏如前知焉其明智歎董氏在春秋時書法不隱在戰國時贊明命聞於諸侯自膠西而下淳耀滋大在魏有司徒昭在蜀有尙書令允扶義納忠以幹機衡其

族舊矣公之曾祖仁琬皇梁州博士祖大禮贈右散騎常侍考伯良開州新浦主簿贈尙書右僕射三代有令德而無貴仕蕃社所鍾發爲追崇宜哉有子四人秘書省著作郎全道秘書郎溪大理評事全素太常寺太祝灑等其承學也專其就列也敬斬焉而孤孳然以哀日於先遠象數協吉以其年十月丁酉奉命命家法薄葬公於河南縣万安山之原以前夫人南陽張氏繼夫人京兆韋氏祔焉從周禮也惟公自筮仕至捐館四十五

年無伐善無違德愆官三十六皆以理効聞自建中以還居中分閭再調鼎實一人而已范文子所謂唯厚德者能享多福惟公有之全道等猶懼鑿鑿之不永于後與陵谷之有遷也以德輿奉行公之命書者三宜金石刻故跡其誄謚而爲之銘其詞曰

后王財成雋又昭明以建皇極甫申居內方邵理外周邦是式於惟隴西求福不回文武宣力調和公鍊整訓長轂柔惠且直膠西章章道可佐王屈相下國綿代儲慶至公乃盛位實配德子子千旗昔往浚都俗旣舒息翻翻素旗今旋洛師人用悽惻惟是壤樹資於四布万安之側德輝在茲永代有詞予以篆刻

唐故四鎮北庭行軍兼涇原等州節度支度營

田等使開府儀同三司檢校尙書右僕射使

持節涇原諸軍事涇州刺史兼御史大夫上

柱國南川郡王贈司空劉公神道碑銘 并序

維南川郡王諱昌字公明貞師子安定十六歲歲直轄

火夏五月甲子寢疾病考終命制誥秘以司空印綬而

弔祠法賻稱焉於是內子諸孤宗姻家老盡誠信於內

從事大吏倫侯亞旅展匍匐於外叶志會事拂龜露著

象數皆得條陳纖微必蒙於可報以冬十月丁酉返真

宅於京師某原禮也公之先彭城人楚元王交之後龔國公宏基之族孫也大王父全慶皇汴州別駕王父達徐州長史父庭玉試太常卿贈徐州刺史三代醇靜不躋豐祿故天爵覆露發祥於公公角犀鸞領魁岸碩大思譽泉深盛氣陽休清明以虛受莊重而強立稟於端誠之謂義發於慮慮之謂行顯揚天聲之謂武師修方任之謂文事再居陪卿三佐列藩以官尹中執法以騎省亞丞相冬官宗伯比踐六職再受鉞而一撫封列王爵食眞賦終於端右飾以論道其初守商邱援彭城下漢陽壁寧陵釋陳圍復梁野皆急病肆力成功自著起沮傷以奮擊化恠駭爲休寧其守不可拔其功不可退投艱而智勇俱殖酣戰而奇正合發兵法曰有必勝之將書曰存亡在所用其信然乎始從河東節度張介然東討林胡殺畧居多次從宋州刺史李峯扞城半歲劇賊遁去又從臨淮王光弼汧國公勉每用上効楊子軍鋒洎劉司徒元佐始權節旄錫宣武之號以族屬勳力賈餘無前凡希烈之自寧陵走汴自汴走蔡以至于死皆公之爲貞元三年以偏師入千承詔護塞亦旣旋師俾營旬圻有尤違者連斬以徇天子壯其忠槩未幾徵還沃心前席享醴命有建行師之節制自稟新書分上

相之賦翼留屯便地明年正月進律作藩形弓元甲物采備厚因六郡之氣倍用十連之教理入覲宣室請城平涼屹爲巨防乃拓故地而又險走集以禦寇徒居居以便人夷瓊瑁而制井疆斬荆棘以列達市貨力具舉農戰交修邊關弃地畧然富殖長切養老沛然生聚隣有墜師者濟之弃甲者納之凡涇人之所未習者皆優之爲涇土之所未產者皆茂遂之昆夷攝讐燿火訖息彼西土軌道繫吾謀實然理民不忘於信賞遺章備見其忠悃年止六十未極壽寵皇帝之所以恤然加等良有以焉夫人吳國夫人陸氏柔嘉綢直婦道明備長子殿中侍御史贈潁州刺史均教忠能仕不幸早夭嗣子右威衛騎曹參軍士涇懋善有馴行與支子右衛率府兵曹參軍士倬洎士良及士和等以德輿嘗受面命類涇人聲詩馨香始終其傳信也熟將象樂石載徵菲詞曰

壘壘南川得時經武大君有命式是西土西土濯征衆心成城壽甲瑠戈涇師以貞準旒覽涇俗以寧肆厥忠力秉茲義程凡在五符至於白徒制爲日廬亦有賈區實璫實畝交贊令圖嘉生油油比屋愉愉昔誓偏師士皆致果如使臂指可蹈水火孰云危事決勝在我狂

疾內訌惡氣濛濛濁河而南或守或攻陳壁既捷夷門乃通時惟南川寶冠羣公乃分兵符乃鑿箕器服物昭庸天休滋至勞動心力宏大功利師則嚴終公惟盡瘁智氣冥冥發揚昭明下平水土上助威靈裕謀參差封邱崢嶸立此堅石於昭厥聲

唐故劍南東川節度副大使知節度事管内支

度營田觀察處置靜戎軍等使光祿大夫檢

校尚書左僕射使持節梓州諸軍事兼梓州

刺史御史大夫鄭國公贈司空嚴公神道碑

銘并序

昔周以淑旂錫韓侯奄受北國晉以黼冕命士會乃將中軍惟鄭國嚴公諱礪字元明再總方任實顯兵柄采餉昭融與功化俱初公從祖兄太師馮翊忠穆王政成于梁勲在盟府公以支郡二千石護和門賦與太師既歿德宗命公為代於是都尹守開幕庭佩亞相之印綬建元侯之麾節守之以義和之以仁器局宏厚委儀碩大每務根本不沽名聲勤身七歲績用大治優詔就加禮部尚書承貞紀號并絡上變軍司馬因守臣之喪席凶器以要奸爵而又劫蜀人圍梓潼天子盱食西南愁擾公毅然飛章條上方畧請以漢中之師率先進取晝

山川之阨塞調鍾饋之名物出其不意可以詖行嘉猷急病慷慨忠壯實蒙可報克厭帝心乃命將嚴泰授以機畧自漢源至神泉凡數十合其間下劍門覆盪口收劍川破契丹命禪校可提彌誅斬虜之特將文德昭然後分秦險阻潰其心腹或設伏以遮擊或出奇以夾攻我常賈餘而虜始奪氣以至于援鹿頭清岷峨旋禁旅於天上快靈詠於闕下賦車馬以懸束備糗糧以飛輓慮之於始倚以成功故墨詔曰士季定尅蜀之謀叔子建平吳之策惟君知臣其至矣哉公博覽書術研機易象始以處士詣草堂禪師無相修桑門之法邦鄉督勉甫釋巾褐為梓州元武尉本道表為遂州兵曹掾大歷中西戎不度疆場大駭領偏師援灌口實茂厥勞謙卑不居建中末太師以藩衛之崇當孝文省方之運推擇從事導迎屬車豈伊異人在我族類拜大理評事充節度巡官俛待百年以奉行內轉大理司直改華州司兵參軍節度使李元諒署為推官以娶去職既除猶毀大師以武備為重將才實難表為太子司議郎兼監察御史左廣之戎政轅門之後奄無不綜焉倣拜興州刺史實明簡惠以靖邊部居一年政成復修軍志終繼二馮之化而居八命之戶投艱履險勲伐章灼蓋裕於才能

而推於忠厚然也元和元年遷尙書左僕射三蜀旣平拜梓州刺史劔南東川節度觀察使且以資陽陽安等六郡四十餘城隸焉加地進律囑庸之典也四年感疾春三月甲申薨于理所享年六十有七追命司空弔祠有加嗣子天興尉公甫銜恤茹毒奉公之喪以其年秋七月辛酉葬于京兆萬年縣鳳樓原從象數之吉也惟公之先自兩漢二隱湛冥善閉會王父哲閱覽博古鬱爲閩人阜囊危言劇切后黨繇荆王府司馬出爲劔州刺史因徙家鹽亭而休老焉大父願恬淡不仕父審微義方貽訓聖朝以孝理天下贈工部侍郎公之諸祖父或著作秘書侍講東朝或含章射策剖符居部羣從兄弟有太師之烈焉其他履臺郎二千石者率以才行自贊惟公以文無害歷掾吏部從事發揚武毅奮迅軍籍分闢授鉞爲時信臣循理遵職好謀善斷明利害之向習俗化之變司馬遷所謂扶義倣儒不令己失時其有功名也宜哉林鍾丞彝先古之制所以論次懿績章明承久門吏孝子之心也其可沒乎以德與嘗志太師之墓亦草輿州之詔耳目事實其詞不誣是焉篆刻以表神道銘曰

地中有水利用行師於惟鄭公藩屏清明蜀川橫潰入

用惟駭公披肺肝請掃蜂蠆賦車誓衆沐浴齋戒吉語日聞嘉猷是賴以僑以饋問關威榮如飛如翰輝耀宏大旣理漢中乃遷梓潼武以貞師文以撫封八旒七章旣長宗公乃倚乃伏如何不淑樹懷蒼蒼墓門肅肅立茲介石永表廢谷

權載之文集卷第十五

權載之文集卷第十六

唐權德輿字載之

碑銘

唐故楚州淮陰縣令贈尚書右僕射王府君神

道碑銘 并序

天球白珩產於崇山叩之而清越格人莊士生於積德
 用之而宏其或含光不耀藏器不發乃熾而昌是滋
 百祥蘊而為義方飾而為椒章故太原王公四萃仕而
 領通邑五追崇而登瑞右循政茂於官下湛恩集於身
 後有繇然也公諱光謙字某自東漢鴈門太守澤五代
 至晉中書令獻公坦之蕙蕤德名與吉祥伴盛自後魏
 龍驤將軍長社穆侯慧龍五代至隋祕書少監邵以勲
 華文學復大其門祕書生隨揚州戶曹參軍東戶曹生
 皇青州司戶參軍子奇司戶生美原丞贈太常卿慶賢
 三代沉晦邁其風訓公即太常府君之長子也幼而岐
 巖長而淳懿絜矩慎獨抱仁戴義閱深博辯之學稽古
 禮文之事炳然含章靡不通貫至若文舒之清修廉實
 處冲之剖析元微安期之宏恕懷祖之沈靜合是家法
 而躬行之始以門廕受署凡四徙官曰幽州三水潞城
 二主簿絳州萬泉縣丞楚州淮陰縣令所至之邦二千

石必加禮慰薦而公牢讓勇退卑不可踰又為縣令也
 務清靜之理而去其煩苦推明誠之本而教以廉愧一
 同熙熙生殖阜滋楚風丕變幾至齊魯因喟然曰彼天
 爵美祿者在仁義與樽酒而已太邱彭澤豈多秩耶於
 是放懷於外嗇神於內沉研象繫之表磅礪天人之際
 其致知格物不可詳已以開元二十九年春正月捐館
 舍於淮陰年六十九其明年返葬於河南府偃師縣北
 山之陽夫人博陵崔氏贈博陵郡太夫人繼夫人隴西
 李氏後夫人同郡武氏贈彭城郡太夫人飾終三加子
 貴故也公之才子五人長曰翊以文雅典憲直方貞厲
 歷御史中丞左散騎常侍刑部吏部二侍郎御史大夫
 贈戶部尚書諡曰忠惠次曰翊史理詳明官河南府陽
 翟縣丞次曰翊循良愷悌勲德茂盛歷辰朗容三州刺
 史容管經畧使兼御史中丞河中少尹朔方節度留後
 汾州刺史單于副都護振武軍使徵拜京兆尹尋兼御
 史大夫再居大理卿為福建州觀察使入為太子賓客
 貞元十二年檢校禮部尚書東都留守踐履藩垣逾四
 十年階至特進爵封本郡次曰向士行清修為秦州上
 邽縣尉幼曰翊文敏幹俗歷監察御史三原縣令著作
 郎太子僕翊向皆不幸早夭翊亦命屈其志而忠惠公

太原公摠集休祉爲宗公蓋臣初忠惠公與肅宗代宗
從容言天下事甚衆且曰文致太平在正名百職危言
懼幅痛抵權倖條疏理道坦然章明沃心前席倚以爲
相者數矣雖位竟不至而其遺風直聲暴乎天下太原
公剖符賦政累刻金石滅夷越刺賊開地靖人俸蒲也
以沉機銷急變護單于也以尺書柔獷俗中外官師淑
聲流聞保釐尹正式是東夏安危注意未始有極言代
德者以公之道未光而慶下鍾惟其有之是以似之之
故也初以忠惠公扈變輅於岷峨其勤匪懈贈公隴州
刺史又以持節印冊命專對於北方間關忠力再贈公
秘書監後以太原公南服嘉庸三贈公爲兵部尙書以
載下肅清四贈公爲太子少保以闔方報政五贈公爲
尙書右僕射噫嘻賢人教忠之業令嗣揚名之孝大君
追遠之澤是三者可謂至矣十七年太原公貞子龜筮
得二月壬寅吉於是備八旒七章鸞冕佩玉之飾博陵
彭城二郡太夫人以象服耐焉詔給鹵簿官司喪事慶
靈集於一門光耀被於九原君子然後知積德豐報之
不誣矣至若忠惠之子爲守臣太原之婿居台司諸孫
昌阜冠聯圭組則列諸碑陰以備代家新此琬琰銘公
德善其詞曰

有斐君子兮德行醇備輝聯叵赫兮峻闕宏義觀我靈
龜兮懼腊毒之厚味樹風百里兮馳蒲密之極摯慈和
安靜兮闔境如春仲曼容兮與古爲倫全才不糴兮流
慶後昆忠惠既沒兮太原顯尊五加追合兮賁此元壤
隼旗龍劔兮以至師長澤流根兮恩漏泉濤堂拱木兮
橫蒼烟隨武可作兮臧孫有後崇崗樂石兮昭晰悠久
吁嗟王公斯不朽

唐故鄜州伏陸縣令贈左散騎常侍王府君神

道碑銘并序

國家以孝理天下褒有功之臣寄崇元侯及先子印綬
名器黃於冥冥繇是王公三受追命有金貂附蟬之飾
公諱崇術字敬方其先太原晉陽人晉司徒渾之後也
中以閹闕徙於帝邱今以名數籍于轅下曾王父皇集
州司倉參軍元素生素朝散大夫滑州渭南縣令瓊
生蔚州司法參軍宏効皆用儒行自守故纓鞅未華仕
不過郡掾史縣大夫而休問四暢公卽司倉府君之子
方嚴密靜忠厚温克覽六籍三畧如古人之心開元中
舉孝廉仍歲爲有司所絀因罷卷慨息慕班超傳介子
之爲人遂從河西節度杜尙書遷撫劍相合一命昭武
校尉蘭州金城縣別將再命鄜州修武府左果毅都尉

伐謀決勝多以咨之居戲下數歲因喟然曰務功伐而違教養豈吾之心耶陟吧尙門慈戀交感及嘉仲由而罪吳起去危事以承歡顏既至郡按察使表其義風可移於教化有詔試守鄆州伏陸令爲之三年禮俗休和入爲怡聲出有循政熙熙然千室以仁遂焉雖宓不齊之理單父庚桑楚之居岷嶺不是過也察廉薦延者方因公以俟上賞俄丁太夫人憂喪期斬焉關而猶毀又喟然曰嚮所以不擇祿者備膳羞耳今則求志豈蘄畜於樊中耶於是善閉以葆其身教忠以大其門語仁義於燕間集寵嘉於後昆以天寶八年春正月考終命于濮州濮陽縣享年七十二嘉耦北平田氏夏州司馬藝之息女淑慎柔正宜于家室後七歲没于徐州有子三人長曰奇哲倜儻沉勇與河內尙衡扶義于河南積功榮至恒州刺史蹈難以没不害於仁次日棲棠亦以忠力策謀至左威衛將軍幼曰棲曜寬明博大有文武畧左右征師炳著武功掃蠱毒於姑胥靜鷓諠於夷門興元元年以太子詹事加御史大夫繇太原縣侯進封瑯琊郡王貞元三年從晉國韓公來朝京師拜輔國大將軍左龍武軍將軍明年又以御史大夫爲鄆坊丹延等州節度觀察等使十二年就加禮部尙書納忠服勞考

禮修職克稟風訓爲時翰垣旋觀賦政之府乃公筮任之地威霜露於林暢展蒸嘗於吉蠲蓋貽慶考祥必有所自不然何回復宏大於是邦耶初大厯十年朝廷以尙書偏師策勲贈公開州刺史貞元九年又以撫劍宣力贈公宋州刺史是歲天子以一純二精大饗報本其明年贈公左散騎常侍夫人始贈北平郡太君再封北平郡太夫人至是三加爲燕國夫人十年十月追錫之車服用改葬之祓轉合附濮陽縣洛城鄉全義里之西原先是尙書旣得吉卜如始居喪之戚累章請乞親壤樹上以戎閭委重俾其子正元往襄事焉噫嚙追養繼志有哀有敬義方啟迪之遠纂服裕盪之盛蕃衍昌阜叢于子姓宜哉斲石舊封以據德善其銘曰
任不必貴難乎求備抑抑王公修仁踐義式昭再命宏厥武事美化一同炳然文理燕居就養消息恬智從心之年亦已過二沒代流慶密章下賁此追劇藩乃進常侍婉彼燕國柔嘉樂易光叶閨門克昌後嗣蟬冠象服同穴茲地金石繫辭式昭遺懿

唐故通議大夫守戶部尙書兼御史大夫持節

充朔方鎮西北庭興平陳鄭等州行營兵馬
及河中節度都統處置等使兼管內觀察使

權知絳州刺史賜紫金魚袋贈揚州大都督
府李公神道碑銘并序

周道親親夾輔王室分唐叔以懷姓九宗職官五正故
其後文侯受和鬯之命文公受大略之錫祿勳推恩敦
叙昌大運道之所繇也國家憲章文武選速明德元功
侯籍延輝本枝初太祖景皇帝之支曰鄭王亮實生淮
安王神通用親賢功德左右休運淄川郡王孝同淮安
之昭也右衛將軍燧淄川之穆也劍州長史贈太僕少
卿廣業承祖禰積厚之慶而生尙書尹三王都愨六師
帥八命四履投難服勞有猷有守以至歿代禮賁於追
命澤流於代官有由然也尙書諱國貞字南華天姿風
采爲宗室儀矩列如寒泉巖若崇山修身筮仕動有休
裕開元十三年明皇帝肆觀東后柴于岱宗以公族侍
祠調補綿州參軍事暴雨忽至江流羨溢公自下位能
禦其災既堅舊防乃復故道累遷岐州錄事參軍太師
苗公太尉房公繼爲二千石皆所引重御史大夫張倚
採訪關中表爲支使天寶末林胡覆三川犯秦關詔除
殿中侍御史爲襄陽郡司馬且介戎政公以侍板輿辭
革車換房陵太守表課尤異徵拜長安縣令風政肅清
改秦州刺史命或中止復爲長安令尋遷汴州刺史未

及行復輟爲京兆少尹天子以公積有試劾可居大官
累命爲河南京兆成都尹劍南西川節度使其撫周郊
禦獠方熾公與太尉臨淮王議曰河洛爲天下衝且無
車賦比屋安堵寇將甘心焉不若虛其邑居挈以駿邁
羸糧善地可俟師期繇是太尉壁河陽公次于陝伐謀
消慮君子推其智其在京穀兵火之餘人命將沈一作沈
物力亦屈而百役煩苦出於傷痍公曰元元愁歎受命
惠養儻不能曠然丕變豈副明天子鬱悼之心耶列上
蠲除悉蒙可報凡調於人者去其十九清淨愷弟百姓
稱其仁鎮岷峨裔人樂禍殺嘉榮二州刺史以開邊陳
公命將疾攻舉無遺類明年昆戎圍我三城遣銳師據
便城壁戒嚴持重微其極而擊之買餘無前酣戰盡殪
悉獻虜獲軍無私焉隣壤不靖偏師叛換將盜兵符已
據城寺出車歷境指顧而平凡三整武經而巴蜀軌道
拊循安重四封畏其威柄用者沮公勳猷徵爲殿中監
命書旣下不俟駕行囊被單車無道里費取倍稱之息
五萬甫達京師上嘉而賜之俸折其券寇有段子章者
恣睢就戮方帥以吉語聞詔公宴見前席獎與曰利兵
積穀皆卿之素也其無駭卒父之謂乎朝野嘉其首公
而服其絮已臨淮王移鎮海岱長轂在郊西邊北朔合

淮陽圻父五諸侯之旅主盟中權盡漢諸將於是拜戶部尚書河中節度都統使又以職顯戎重則風俗不阜加管内觀察使權知絳州刺史公外摠方畧內修班制當強弩之末無半菽之糧不忍加賦飛章未下猶以憲度爲已任推剽者斃不行師諸校譁張餓望至是夜暮變起或以跳驪諭公公曰吾之不敏當死節官下安敢貳偷以煩刑史亂之刻也公竟及焉議者尙其絮矩而哀其不淑時上元三年建卯月春秋四十八是歲改元寶應至夏五月寧神子三原縣之北原詔以揚州大都督印綬告第憫其勞也公本諱若幽上元中天子以特立之操爲宗公表率錫嘉名以更焉公忠儉誠厚方嚴甯靜用儒行憲令修明事功大玉不彫楚金必割凡厯官二十四自解巾至握節勤戰十七其以內庭持書中執法亞丞相佩兩印以雄外服者又七命焉刺房陵之後五六年間車不輟鞅賦職任功名聲章明及公以司徒總輿師令弟若水以內府司贊謁而太夫人福履所介也陳壽鴈懷黃佩玉左右溫清極僭侯之燕喜邁張仲之孝友宜錫壽寵爲人倫龜龍曾未中身遭罹凶害前史稱霍去病亦有天幸然則命之所賦有幸焉有不幸焉斯不可問已夫人扶風郡君竇氏鴻臚丞光之女

揚府長史御史大夫胤之姊也淑明仁順克叶公志家肥族睦抑有助焉公薨若干年而夫人歿子四人長曰鈞材氣碩茂聚康貞肅遵修訓則復大其門入作卿士出爲侯伯貞元十五年以御史中丞剖符潤州宣風以宏禮俗成賦以殖財用大績茂焉中邦賴焉明年就加御史大夫十八年進禮部尚書撫封題劔如公渥命次日鎰蘄州刺史次日豐土鄆縣令次日豐器長安縣尉皆有幹裕而屈於年位今尙書永惟先公丕矩未刻金石以德輿嘗叨史職久掌贊書知王族大儉之事業見託論讓故不敢默其美亦不敢溢其言銘曰

堯睦九族漢封同姓烈烈淮安乘時佐命潘川而下三葉儲慶乃生我公紹續先正時惟崇英忠智廉清所至風行所居理平山元朱組旣靖蜀京鉞鉞凋戈乃主夏盟交修藩衛纂服宏大陟恪左右勤勞翼戴隱微之間乃與禍會夷途始半白晝中晦相楹羽葆久闕鮮原煌煌密章肅肅絲言盛德復祉叢滋復昆列郡是式介人維藩大江南服考禮修職五曹十聯克嗣先德董是經費陳之藝極本於教忠懋此宣力伊昔祭器寶銘蒸羹禮則有變魂遊在茲連崗陔陀宰樹參差悠悠終古永揚斯碑

權載之文集卷第十七

唐權德輿字載之

碑銘

唐尚書度支郎中贈尚書左僕射正平節公裴

公神道碑銘 并序

王者奉三無私以勞天下則崇德報功加恩飾終與覆載照臨相爲用一也惟正平節公以愷悌文敏爲二千石尚書郎人浮於食位不配德纂積厚之緒業貽克家之燕翼流光裕盡爲代師式乃元和五年夏五月追命告第爲尚書左僕射孝本平忠榮生平哀用摠罔極以刻金石云公諱倚字容卿河東聞喜人其先嬴秦同姓因封受氏魏晉已還號爲多才八賢方駕百族歸重自魏冀州刺史徽五代至中軍將軍雙虎中軍五代至隨左光祿大夫皇朝贈原州都督忠公仁基忠公生皇銀青光祿大夫禮部尚書定襄金牙兩道節度行軍大營管贈太尉聞喜憲公行儉公之曾祖也憲公生皇光祿大夫侍中兼吏部尚書宏文館大學士贈太師正平忠獻公光庭公之王父也忠獻公生皇尚書祠部員外郎贈太子賓客稹公之烈考也公天資宏裕虛受邇理賊氏之有後於魯管氏之代祀於齊遠至之器發於

岐疑年十一以相庭推恩授家令寺正滿歲選部銓第甲乙補太常寺主簿居先府君喪漿水不入孺慕殆於滅性宗門憂其死孝經一作禮文俯就衣服外除歷華陰馮翊二郡司戶參軍轉秘書郎俄丁內艱毀瘠如初禮違難江介就拜洪州司馬改太子司議郎徵爲殿中丞侍御史拜度支駕部二員外遷司勳郎中秘書少監歷信饒二州刺史復徵爲度支郎中其佐鍾陵也領留府之重居議郎也贊計司之職暨登中臺亞中秘皆兼柱下方書之任自淮而南涉江而西荆衡漢沔湘中夏口半天下輿壤爲都府者十數公四顧使車連佩數印督課郡國調其盈虛吏祿兵食之仰給輸將轉漕之回遠法錢牢盆之制田租口賦之差權其輕重商其功利察下人之疾苦廉長吏之善否車不輟軌有勞於時其始受命也寇劇橫厲三川如燬陰方出師募義助順代宗焦勞念慮命德宗以雍郿總戎賦輿所會征繕不給有詔輟東方軍市之租移用于中都屬受鉞之臣矜功厥望師老專利便方自營公慨然陳書護切備至向之廢格悉用平鑄義夫以之感激王族以之震耀其理信州也用寬惠誠厚輯柔所部稽事滿野嘉生同穎年以順成人斯洽和復其庸亡五千室闢其農耕二萬畝交代

之日不書於籍且曰吾以恤隱豈當沽美不伐之善欲蓋而彰方帥表理行第一增秩至正議大夫加金印紫綬其爲僕州屬所代者非其人因緣權幸貪猾無狀公以廉平頒詔條以慘怛撫痍傷四封愛戴如熱斯濯其後徵拜也朝廷誅內臣侈百度彌綸經費委重有司公以郎吏代故相第五琦專判度支事方冀裁成九賦超贊六職以美利利斯人人望日大天胡不惠以大厯七年秋七月考終命于長安光德里第春秋若干以某年月日歸全于萬年縣神禾原之大墓禮官博士以公處難不謀其身牧人不私其功能固所守以行制度易嘉名以旌行禮也惟公直而溫簡而文才裕於物器周於用靜若蒼蠅動如千鎗乘是貞厲終焉節適著文集十卷澁城集五卷比興屬和聲律鏗然引拔參佐皆一時名士風采賢材邁絕羣倫位未極爲薦紳所痛夫人京兆韋氏扶風太守恒之女以太宗之冢婦諸侯之內子矜榮承訓籩豆助祭常室以敬睦親以仁姿操卓淑音徽宏犬盛德著乎母儀惠心通於佛乘五蘊不入六姻是憲始封咸寧郡君後三追錫至邠國太夫人有子曰均以御史大夫工部尚書尹正荆門節制上游就加吏部尚書尚書右僕射元和三年抗章入覲其拜

右僕射判度支加秩金紫光祿大夫由河東郡公進封邠國歲中進左僕射同中書門下平章事撫征漢南臨長諸侯惟郇公直清宏重有文武貞幹得時大行爲王室輔慮善以動官修其方賦政以惠南國宣威以靖西蜀師長百工阜成中邦兵符相印焜耀章灼樹善程能之績動身體遠之用居則有猷動則有功率循風訓以履尊大君子曰憲公忠獻公之休烈丕矩再世盛德屈於卽位必復之慶其在是乎初郇公之受律也孝文追贈公絳州刺史其進律也順宗贈公禮部尚書今皇帝承懷義方於是左揆之命公之積慶郇公之孝思可謂至矣郇公以三代論讓皆上台雄文猥以通舊忘其卑鄙辭則不腆庶傳信之無愧焉銘曰

河汾之東慶祉所鍾公相葳蕤德輝昭融矯矯節公體仁循性乃貽後昆實稟先正大尉經武大師翼聖施于儲賓執德之柄公用循良惠于三邦公有德澤宣于四方急病尙仁履險乘剛化被煩苦斯焉樂康吉祿方肇壽堂以闕藹此家聲揚于令嗣恩崇鼎鉉績茂師帥中外服勞安危注意便蕃屬任宏大名器孝理是覃義方所自九原之中禮盛服充王三錫命禘飾宗工連尚嘒喋介原穹崇陵谷有變令聲無窮

唐中散大夫殿中侍御史潤州司馬贈吏部尚

書沛國公武公神道碑銘并序

種德考祥賢人積厚之業尊仁安義君子揚名之孝其敬養也諭之於道其貽慶也教之以忠安保父於元臣集寵靈於追命見之於尚書武公矣公諱就字廣成沛國人周室之興本於忠厚趙王之裔厥有勳賢元魏步兵尚書鴈門朔方雲中馬邑四郡太守始啟封晉陽田祿蓋大生國子祭酒受賜公神龜受賜四葉至太原王諱華太原生鄧國節公諱士選節公生河間郡王諱仁範河間生潁川武烈王諱載德代以文武上才爲將軍二千石識芒碭之氣密贊皇圖承沙麓之祥分封戚里潁川生考功員外郎修文殿學士諱甄字平一以字行於時未弱冠有重名閱覽博古爲人文龜玉在天后朝累徵不起以公族好爵爲懼常晦其明與桑門大士修無生法中宗復辟用踐周行載筆論思特盛淵雲之選賦詩感激必以巨霍爲誠雖位有陟降而道無磷緇蓋滋後昆纂服遺烈公即考功府君第三子也肅而寬簡而廉忠方抗直純厚澹固博洽文誼周通憲法始以方聞之士對詔策佐官衛李梁公峴之守右扶風也表爲兵曹掾宣皇在岐供侍有勞改承樂令歷河中府戶曹

轂下求吏轉萬年丞建陵復土推擇充奉拜醴泉令朝廷嘉其才擢爲殿中侍御史修起矩度堅明不回時戎車方駕泉貨力屈皇華載馳董荆衡漢沔之賦以嚴見憚爲吏議所侵貶郴縣尉移句容丞二地有南嶽三茅靈僊遺趾於是浩然自得與道爲徒方解纓絡以暢天理且曰窮與通在吾靈龜耳外物其如于何其道觀察使扼其風聲薦授秘書郎潤州團練副使入爲京兆法曹加中散大夫忽忽不樂求爲潤州司馬滿歲徙家嵩洛愈尙夷曠中朝名卿大夫四方賢侯通人多與公爲道義之交賈太傅魏公用清靜理東郡以益公待公亦旣戾止俄然化往時貞元六年冬十一月享年八十理命終止視道門儀法以明月之晦降體魄于邛山北原有靈鶴百數徊翔嘹唳其休徵歟其元契歟惟公文學政事蒞官十二次冠神羊駕四牡剛腸正詞臨事風生君子之方有廷有合或忌公之直或愛公之才行藏牽乎時而道不屈得喪宜乎已而神益王與張禮部謂元容州結歌詩唱和著文集五卷自有塗中之適異乎澤畔之詞前夫人隴西李氏生長子譚而歿譚爲金壇令士行清修官屈其志繼夫人汝南縣君周氏中書舍人思鈞之孫單父令瑛之女專柔淑慎以正家道有子曰

元衡文行宏懿靜深周密遵道而行有儀可象代天工以和帝載賦明命以贊皇極元和二年春正月由戶部侍郎同中書門下平章事秋八月兼領戶部侍郎事冬十月又以門下侍郎檢校吏部尚書成都尹劍南西川節度觀察西川八國盧南安撫等使自文水縣男再徙封至臨淮郡公上以并絡之下新去湯火亦既震耀是

國生殖輟台宰之重為慈惠之師黃樞金鉉鉞鉅聖旬歲間三錫命烜赫嘉會綢繆樞極信向禮賜冠子羣倫豈非公之道肥而不伸而昌大於後抑義方家法固有類乎公捐館四年而夫人歿其明年臨淮公方舉公之空與夫人之喪改葬緜氏潁川王之兆從先封以叙

昭穆禮也初臨淮王至監察御史而孤其後再為中執法朝典覃思贈公杭州刺史其司大政也再贈公吏部尚書夫人始追封文水縣太君益封汝陰郡夫人顧復罔極之報哀榮歸厚之禮成於德蕃名教稱之臨淮公考功府君之謫掾于吳也與德輿王考府君有僑札之契油素斯在清徽未泯德輿獲與相君交代為地官小司徒陪外廷之末議承宰府之寬政有命論譟忘其菲

薄刻茲樂石以表鮮原銘曰君子之道剛方繁矩或消或長或默或語於惟尚書執

憲天朝密侍殿內肅清羣寮鋒芒肯乘湖海風飄以恬養智毋落吾事消合虛元脫遺聲利題劍告第龍靈斯備元哀介圭流光所自煌煌台宰天下是毗磨麻岷嶷瀧澤瀉疵顧此忠力無非孝思緣原峻厚兮幽宅悠久崔巍介石兮天矯矯首錄嘉問兮示厥後

唐故光祿大夫檢校尚書右僕射兼右衛將軍南充郡王贈太子少保伊公神道碑銘 并序

昔伊尹相湯伊陟相太戊咸有一德格于上帝其後伊籍以敏辨仕蜀為將軍伊覆以勇力佐魏為司空曠遊綿代復續休緒者曰南充郡王諱慎字寡悔剛毅勇悍

鷹揚鶴立勞動四朝終始一心涉覽春秋戰國策太史天官五行之書用善射中鵠補廣州經南府折衝都尉丁夫人憂以喪瘠聞初公之孤也幼不知先子之殯將耐二尊日號于天魂交神燈盼靈誠感壤而樹之率禮無違大恩中嶺南禪將哥舒昱盜殺其帥呂嵩貴以亂竊據府中南方蕭然江西連帥路嗣恭承詔出師命將

孟瑋暨公以討公以水陸士徒分道鼓行晃之謀主蘇渙騎將王明悅鳩張蟻聚皆據阨害公曰寇不可翫勝無幸焉毒之酒腊盡在是矣疾力交梓必亟吾中乃春其喉而潰其腹斬首三千級下韶州其明年踐子

把江口水道滿悍戈船赴起公浮筏寘薪迎風縱焰寇之燃没于水火者終夕有聲又明年軍于滑口于端州于潮陽次于廣州冬十月斬晃渙于泔溪揭其首以徇幕府上功拜建州長史換撫虔江三州別駕建中初德宗訓齊万方端正百度以梁崇義負阻江漢未嘗會朝詔東諸侯分道問罪公實領江西偏師而統于希烈希烈以厭書署公漢南漢北兵馬使公明智半讓獨率所部兵大破翟暉於蠻水俘徒三萬以至于斬崇義平江漢厥功居多希烈愛公愈深公懼之愈切一旦夾與數騎遁歸旣而希烈以急變聞且賂公以堅甲善馬爲之反間密詔嗣曹王卽訊因俾論公如法公方握兵符在境上微聞有命歛手就召曹王搃公名義偉公姿材取酒爲壽交歡感泣手疏上列辯其寃誣委之先偏激以自效乃畧黃梅次長平遇劇賊韓霜露引滿中股斃於萬衆之前其徒相蹂踏死者十七八拔蔡州取蕪州降山寇李良領蕪州刺史剖符爲王加御史中丞興元巡狩之歲使臣底貢次于蕪口時希烈已屠陷大梁遣其腹心杜少誠引勁兵絕江流公以行師七千列樹三柵破之於黃崗少誠遁走斬驍_{一作將許少華封其尸爲}萬人冢進圍安州希烈遣其甥劉介靈_{二唐書來援擊}

于應山生得介靈與郭嵩李廷玉降七千人收戶一萬四千人夫婦男女耕桑安堵乃督安州加御史大夫眞食百室二年五月引兵攻隨走康叔夜於厲鄉獲馬牛輜重以益軍實表僞署刺史李惠登爲之刺史終以理行間十二年用久次就加右散騎常侍後三歲天子以公積功勞使中貴人持命書金印卽本郡授公節度觀察使且裂齊安爲支郡尋詔公兼統荆洪潭三道支兵討叛於蔡敗之於三州港營于義陽戰于申斬級千數有詔班師就加刑部尙書進右僕射今天子嗣位拜章入覲眞授右僕射俄檢校左僕射兼右金吾衛大將軍坐細故退爲右衛將軍明年復檢校右僕射兼右衛上將軍元和六年十二月晦寢疾薨于光福里不及懸車者二歲追錫太子太保同盟諸侯皆使其命介來弔祠視喪事明年夏五月庚申葬于萬年縣某原鹵簿騎吹如葬禮初公之曾王父皇太子通事舍人澄生左衛長史悅悅生贈太子太保衛公之祖禰也積善餘裕追崇以大惟公以武毅通文理視席楷隸心師自得感榮出倫談事如雲起南方禪校屢陷軍陣勢若猛鷲不辭劇易急病而益裕其才履危而不昧於邪悃忠直爲中興名將以至於授英蕩題龍泉有功烈勳勞於天下脫

御薦紳從容漢廷徵循師長文武三品敬體歸全追榮
 官師豈徒然哉公之息男十六人其冢嗣曰有左領軍
 衛將軍押右神策軍牙門之職能率義訓以揚家聲初
 公來朝也詔有以侍御史領安州刺史由二千石入筦
 南北軍教忠移孝情禮盡在宥以鄙夫與太保同居里
 閭且以理命遺緘辱徵斯文表諸神道不敢誣也銘曰
 在殷保衡負鼎而相惟唐南充推轂為將泔溪之刑嶺
 表乃平蠻水之捷漢南以清蔡克滔天曹邱鼓行公率
 武旅迅如風霆斬春安陸連下劇地專城建牙宏大名
 器交修威懷較著功利介圭會朝脫屣師帥南宮端右
 武侯緹綺沐浴休明保完富貴歲隆婁兮月大呂一氣
 散兮無慮所繫甲車兮馬鬣封九原夕兮闕音容揭此
 介石厥聲無窮

唐故江南西道都團練觀察處置等使中散大

夫使持節都督洪州諸軍事守洪州刺史兼

御史中丞騎都尉賜紫金魚袋贈左散騎常

侍崔公神道碑銘

并序

博陵崔公諱某字某仕至御史中丞洪州刺史江西都
 團練觀察使元和七年冬十一月某甲子啟手足於郡
 舍享年五十五皇帝不視朝禭以左散騎常侍印綬命

郎吏吊祠明年十一月耐寧于東都河清縣先正之大
 墓又明年其孤仲謨纂其代德家法命書愍冊請刻石
 繫辭且自本曰炎帝之後秦夏里黃公廓漢東萊侯伯
 基東漢長岑長駟濟北相瑗晉左僕射洪之代也洪七
 葉至北齊禮部尚書文恭公聖念聖念四葉至君會祖
 知晦應銷聲舉授兗州金鄉丞王父瑜朝議大夫忠王
 府諮議贈太子賓客烈考灌再為澧州潭州刺史以御
 史中丞領湖南觀察使當宣武之際用愷悌修政為代
 吏賜優詔錫今曾推理行第一神道終鑿遭權收害他
 日以君之勤贈太子少師君慈和修潔平粹文敏以勤
 身之功善揚積厚之風類始以門廕調河中府參軍歷
 巨丞廷史從事察視凡南臺外三為殿中侍御史嘗以
 公事貶台州司馬聯帥表於理下旋以上介入拜侍御
 史遷考功員外郎度支吏部二郎中商常二州刺史以
 至按部撫封為太子守臣所居可紀漸漬光大其為郎
 中考課經費彌綸綜覈三劇曹無留事瀕江郡國仍歲
 天癘而澗河之東南旱特甚縣官恤然臨遣使臣發吳
 之公聚賑越之籍食君受命載馳仁聲先翔噢咻惜怛
 布施優裕不樂宴私不嘗酒肴東人鼓舞感動肝膈其
 為常州漕引河渠通申夏二藩以宣利澤郡有聽斷之

下有如神明及處方任爲仁由已凡封逋負數千萬夫
家病焉君曰不曠然大貸無以休息悉用條上盡蒙可
報然後均列城之田賦去都府之煩弊吏指手足事無
尤違仁矣哉詩稱仲山甫柔嘉維則申伯柔惠且直惟
君亦柔而立溫良而能斷教順導利外寬內明函達于
雅故勤施于政事稽洪範三德其甫申之柔乎凡歷柱
下史東曹郎皆居代官列郡二千石方帥執法皆循風
訓江湖之間壤地相錯蒙君父子仍代之澤豈天意之
裕斯人耶鄙夫久貳六官與君周旋甚熟頃忝宰府詳
知報政迫茲君守而仲驀儼然焉衰疾不文直詞傳信
銘曰

矯矯少師涖湖之南播遺懿兮抑抑常侍在江之西施
美利兮乃代元侯寬明輯柔政樂易兮此物此志四封
茂遂古循吏兮宜承介福奄然厥復左招離兮河清鮮
原羽葆翻翻潛智氣兮有涯必盡流此淑闇斯可貴兮
刻飾豐碑崔嵬龜螭承爲識兮

唐故尚書工部員外郎贈禮部尚書王公神道

碑銘并序

今皇帝始初清明承貞紀號追命故工部員外郎王公
爲華州刺史改元元和之明年再命爲禮部尚書裕盡

之風訓漏泉之慶澤父所以教忠於子臣所以移孝於
君人道之極盡於是矣公諱端字某太原人曾祖景蕭
皇澧州刺史祖威德州司馬父思獻襄州襄陽縣令公
方嚴有志尙沉粹潔清不流於俗舉進士宏詞連中甲
科授崇文館校書郎累遷監察御史工部員外郎其於
奉朝請之外或介隴坻或留洛邑以疾乞告遇安祿山
反書聞南游江湖自適其適乾元己亥奄至大病熾夫
自開元天寶間萬戶祗平仕進者以文講業無他蹊蹶
薦紳之倫望三臺如登青天公與河南元德秀天水閻
伯璵同歲中正鵠其後冠惠文趕建禮憲章奏議與名
聲俱當時士君子猶以未充量爲嘆其文峻清不滑於
波流者還一齊記惠上人碣銘微妙虛空深入無際嘗
與故太師顏魯公暨柳郎中芳陸員外據殷承寧寅爲
莫逆之交陸嘗言王之莊柳之辯殷之介皆希代鴻寶
知言者以爲實錄有子三人長曰綽入道精修爲桑門
上士次曰紆以支行篤實歷右補闕起居郎右司員外
郎庫部郎中又次曰紹本名犯皇帝諱而更焉忠厚宏
裕爲德宗所器歷任戶部侍郎戶部兵部二尚書咨俞
關夾過於宰府大政密議須其一言持平以有守樹善
而不伐天下之人謂之長者睿聖繼明以檢校吏部尚

權載之文集卷第十八

唐權德輿字載之

碑銘

唐故朝議郎使持節溫州諸軍事守溫州刺史
充靜海軍使賜緋魚袋河東裴府君神道碑
銘并序

春秋時賢卿大夫皆叙其代功舊德章明以積一作蓋

黃流玉瓊之寶產於深山清廟夏屋之材秀於中林其

或為珩為佩為節為枕無非禮神用修崇構洪河之東

裴氏在焉自魏晉追今忠賢輩出土林以為領袖史臣

疲于簡策而又奕代降休且公且侯上嬪王姬出領方

州者可得而言以刻金石曰君諱某一作字某四代祖

懷節皇給事中工部侍郎荆揚二大都督府長史洛州

刺史謚曰定會祖昭應司門度支二郎中衛尉太府二

寺卿祖權應左右衛左右金吾衛四大將軍太府卿太

子詹事平陽郡開國公謚曰貞自定公至貞公皆銀青

光祿大夫以至烈考怱仕至麟一作州刺史太子僕贈

絳州刺史凡四代貴仕左曹二千石四衛九列副冬官

尹東朝禮及易名恩深追遠代修其業鍾美於君君寬
裕博厚恭儉莊誠資性端直詞氣閑雅於經書泛為疏

書為東都留守東都畿內防禦使以檢校右僕射為徐

州刺史武寧軍節度使元和七年入覲復為兵部尚書

俄拜戶部事四征六職喧赫尊大故公再有追錫之命

夫人亦累贈隴西郡太夫人龍泉魚軒賁飾于冥冥之

下名教德器有哀有榮孝理之感人深矣初公之捐館

也行次信州瘞於玉山前此夫人歿于洛師窆于潁陽

僕射竭其誠信日月有時矣不幸薨落理命其三子嗣

事焉由是僕射之孫曰門下省典儀元泰試大理評事

攝監察御史元質右威衛倉曹參軍元弼等窮毒在疚

護王父母之轎車間闕跋履泣問蒼蔡以八月某甲子

耐子萬年縣鳳棲原克纂先志禮無違者而又哀請父

黨蒙茲祖德永揭神道用愧蕪辭銘曰

懿懿王君黃中有文清時發身舒翼卿雲執憲平明含

香醖粉慶靈下鍾復大其門追錫儀曹徽章顯尊鳳棲

古原龜策不緩泣耐雙魂禮成孝孫刻銘斯碑君子之

墳

權載之文集卷第十七

達而不窮章句於吏道通於理術而不求聞問自解巾
至於捐館凡歷十一官無疵政無違德祇守家法奉以
周旋仕於官朝始爲僕寺進爲洗馬中允再爲家令仕
於王國歷濟陳蜀三府初爲騎曹掾次爲長史次爲傅
其初又爲壽安丞後牧臨邛乃遷丞嘉班宣六條撫柔

二郡惠和所被夷越壽方其在朝也以晁錯之智王陽
之道而滯於散地恬於久次其剖符也仁恕愛禮而不
苟簡奉法循理亦不細苛居三年以疾受代貞元六年
冬十一月没于鍾陵之私第享年若干明年八月返葬
于長安少陵原之舊塋以夫人永年郡主耐焉禮也惟
郡主元宗之孫今皇帝之從祖姑也儲是慶靈生而洵
淑窈窕德象婉婉聽從備柔嘉之行成肅雍之道初天
寶十三年詔選資地才令以府君有安仁武子之美而
下嫁焉齋莊以主中饋和樂以宜姻族作配君子禮同
家人嚴祭祀服澣濯者三十六年而歿春秋五十八歲
貞元五年也鍾陵之守臣以聞上不視朝率禮有加嗚
呼以公之率履永年之仁淑宜其蕃祉老壽子孫繩繩
而生不極其道歿無主其後此伯道之痛碩人之詩所
由作也遺命以兄之子某爲嗣乃列其祖代官伐請刻
豐碑辭之不獲乃繫辭曰

河東右族蕃衍紹續代功世祿昌而熾令乃生永嘉割
符承家實而不華論於義兮二邦靜謐禮之善物朱幡
赤芾亦爲貴令有齊永年作儂仁賢佩玉鐔然四德備
令天漢之尊平王之孫爛其盈門恭祀事兮返彼元壤
少陵之上終古悽愴金石識兮

唐故成德軍節度營田副使正議大夫趙州別

駕贈壽州都督河間尹府君神道碑銘并序

詩之小雅曰尹氏太師秉國之均大雅曰王命尹氏戒
我師旅然則代爲天子三公大夫參掌文武故古甫有
作憲之美翁歸爲兼備之才周漢以還似續忠厚今義
武軍節度使相國廷德郡王司徒公之從事曰澄從公
來朝朝有賞典式寵戎略賞簪法冠永懷罔極之恩願
迴追錫之命司徒嘉焉以其詞列上先皇帝孝理天下
愀然曰俞繇是輟功次之遷遂飾終之澤迺三月丁酉
有詔贈澄之先人正議大夫趙州別駕缺爲壽州都督
先夫人吳郡陸氏爲吳郡太夫人印綬璜珩光耀幽窆
哀榮所被名教多之澄又稽甲令釋家謀以漏泉告第
之恩有蝸首龜趺之制於是傳詩而系辭云都督以諱
爲字天姿剛健經術百氏陰符六韜皆所講習通其旨
與天寶初舉進士不第尋府上功盧龍府別將稍遷瀛

州高陽縣令歷恒州司法參軍秦城令寶應初以太子中允兼恒州長史錫金印紫綬廣德中遷易趙二州別駕節將推其才表爲營田副使理二縣佐三郡勞狃安集周爰圖慮以饑饉之歲丁師旅之殷敷其慈和得以安靜識者以魯仲堪嗣士元方之既董大田實居上介俗知禮節師以阜饒方陟勞課奄然大病以大歷七年秋七月啟手足于恒州靈符里享年六十一以明年夏五月窆于棗城縣東子樂原夫人嵐州刺史道之孫密雲令昌嗣之女能以仁順洽于宗姻晝哭旣除喪十四歲以貞元四年冬十月歿于道州以十一年冬十二月祔焉從魯禮也有子三人長曰渾唐縣尉次曰濤趙州司功參軍皆不幸短命澄卽其幼子也尙學理文教信誠厚雅有惻愍不隨波流山東士大夫多稱其名義由北平尉爲定州功曹掾辟司徒府主其謀猷每懷戎章膠疾傳陳賦輿之事明利害之鄉叶于中權皆有功効洎元侯入覲天子錄功賓僚傳校命賜優重而澄永懷霜露願責邱封感于宸衷盛此徽數君子曰是舉也有以見尹氏之孝思都督之流慶上公之與善元首之加恩以風四方以厚士教雖澄之未貴仕其所以宏助者多矣初都督之瀟日本古仕至常州武進尉武進之父

曰正義歷許相宋三州刺史司農少卿司農之父曰頁終滄州司馬司馬之父曰文哲仕隋青泗曹漢陝宋洛相等州刺史本郡太守大理卿戶部尙書皆有德善揚于官業蓋二雅遺烈之所從來遠矣德與門人蘭陵蕭籍與澄爲寮同在公府狀其往行兼列命書忝貳邦教敢忘縵善乃爲銘曰

尹氏代律率修文武自周編漢炳耀圭組懿懿都督遠承丕矩方騁夷途俄歸野土慶延嗣續職佐藩垣遠從上台來翔天門追飾二尊輝榮九原密印畫綬隼旗魚軒官纓掾吏跡重知已恩迴大君澤及先子以盡忠養以宏孝理揭立貞珉芳馨在此

唐故右神策護軍中尉右街功德使開府儀同

三司守右武衛大將軍知內侍省事上柱國

樂安縣開國公內侍省少監致仕贈揚州大

都督府孫公神道碑銘 并序

元和元年冬十月內省少監致仕孫公寢疾薨于京師廣化里私第享年若干十有一月有詔追贈揚州大都督法購布絹各以百數明年十一月葬于涇陽縣之某原命婦諸孤家老故吏以服勞詔祿恩華慶賞之不可以不識也請鑲豐碑揭于鮮原云唯聖唐仁澤汪濊威

靈輝耀乃法辰象以嚴武師惟肅宗創新軍于北落克靖患難惟德宗置中護于內朝而爲總制翊震嚴以宜七德正師律以張四維勤勞營巡東拔忠厚不失於正克保其終者惟公有焉公諱榮義字某其先吳郡人也軒裳延耀本冠邦鄉版籍推遷口來京數今爲京兆涇陽人曾祖翠皇右金吾衛中候祖庭玉贈兗州刺史父知吉皇開府儀同三司行右領軍衛大將軍知內侍省事上柱國魏國公或徵循筮仕道在安卑或麾節加恩義彰追遠以至于先公貴位名重前朝宏內省之事任受又封之機命承休襲慶終踐代官裕盡教忠備遵家法公端貞謹重潔白詳明事無尤違心必誠信至德中策勳至上柱國起家掖庭局監轉掖庭局丞宮闈局令再爲內謁者局叙品至朝議大夫恩錫章服又加中散大夫貞元十七年充右神策軍護軍中尉判官纔浹辰遷內常侍充副使越翌日兼右衛功德副使十九年拜右驍衛將軍充右神策軍護軍中尉右街功德使明年有詔知內侍省事歲中加特進右武衛大將軍封樂安縣開國男德宗弃天下順宗諒闇整訓爪牙勤宣翼戴進驃騎大將軍益封樂安縣公食邑一千五百戶今皇帝踐祚以年疾加侵固辭戎政重違誠懇恩禮舊勞拜

開府儀同三司既積沉恙累章誠乞乃下優詔遂其致政之請焉初公以大厯中奉使交廣裔夷膏禍有梁氏尋氏聚爲寇數公與守臣決策潛師盡殲南服以清馘猷茂焉建中中將軍許庭遊將命北蕃公爲之介屬張光晟虎噬其衆與陰方爲仇野心煩言將逞憾以報才全智免終靡暨而歸俄而希烈干紀淮濟不靖受中省合兵符取桂嶺湘川之衆益漢陽夏口之鎮以當劇賊且護成師收應山援安陸凡鄂之成績公有助焉尋又監慶州行營兵馬皆奮策盡用寧邊節度大討循爪土翬贊禁營乃昇副車超躋中尉講軍志循武經比詩人圻父之職得易象貞師之義承睿謀以決勝援羣師以懋功肅肅然安人而禁暴雄雄然由中以制外積勞不伐受寵若驚恩波深而守以慎懼爵祿厚而不盟侈汰其或方國問遺歲時交煥公曰有齒以焚古人所誠無脛而至廉士不居外不異於人中不易其操泛然虛受悉助軍實強力匪懈推誠在公或籍在行間而法干吏理苟簡書所至必械繫送之心無私焉直而後已當親重之任護腹心之臣入近天子之光出列諸侯之上豈徒然哉先魏公信嚮釋氏薰修心法嘗於邑里奏建寶應衆善寺五代之壤樹依焉至公又請於寺內置無垢

淨光法華三院塔額檀施滅獲為淨人者十輩所以修
 先志所以崇佛乘孝子信士斯為至矣昔漢室以灌嬰
 為謁者隨何為護軍正伯參珥貂之制環列據銜珠之
 重驃騎儀同品皆第一獲封益食事軼常均及屏去燠
 灼條然恬曠家居得謝以至沒身其動也本兵柄而不
 可犯其靜也冥道樞而無所累納忠循理議者嘉之前
 夫人郭氏驃騎大將軍贈開府儀同三司全羽之女克
 恭婦道不幸先歿今夫人東平郡君呂氏柔嘉有儀畫
 哭遵禮奉終誠信以前夫人耐焉長子某次子某官某
 等練心雪泣銜恤無怙越承軒禁嗣續忠勞公之兄前
 保壽寺上座內供奉監義大德道系捨筏之宗已超學
 地在原之痛猶切孔懷公之弟某官某等同氣聯華致
 美有裕忍哀裏事先遠是圖龜兆告猷芻靈啟路卜佳
 城於此室體魄焉依轉樂石於他山聲塵斯在銘曰
 大君御極修理百職抑樂安逢時竭力超侍軒墀抱
 公絕私乃將命令以會師期保合誠信周旋旋易難鈐
 鐫貫印紱歲稔帝座之西星文昭晰鈞陳之北武旅森
 列為之總制所以關決凡在拊循士皆感悅委重三朝
 成功九霄退身崇讓息偃迢遙逝川闕水載道驚颺恩
 崇禮蓋吹咽笳簫涇流湯湯谷水池陽舊邱崇崗若斧

若堂宰樹如雲仁祠在旁刻銘于茲兮永永不忘

唐故義武軍節度度支營田易定等州觀察處

置等使檢校司空同中書門下平章事贈太

傅上谷郡王張公夫人鄧國夫人谷氏神道

碑銘 并序

皇帝以文明御方夏以德禮序人倫貞元十一年秋九
 月詔侍臣德輿以故義武節度檢校司空同中書門下
 平章事贈太傅上谷郡王張孝忠夫人谷氏之淑行內
 則俾刻金石臣聞風有采蘋采蘋易曰中饋貞吉所以
 表柔明於內子昭節信於元侯宣力獻功抑有其助夫
 人之先魏郡昌樂縣人也在漢元成之代衛司馬吉以
 勲勞致命於絕域大司農承以文學盡規於本朝前史
 書之以勵臣節四代祖邪律皇朝諫議大夫宏文館學
 士正直之道播於清時會祖輔袁左羽林軍長史祖倚
 相秘書省正字仍代藏器晦而不輝考崇義天寶末有
 行師北鄙之勞累書勲伐至左金吾衛大將軍兼殿中
 監贈特進夫人即特進府君之第八女也稟是明封鍾
 于女士淑閑之度中外宜之初太傅始自軍校建功河
 朔克彰婦順敬贊宗事正位于內尚柔有儀洎太傅自
 易部領常山遂分節旄以至相公上畧兼資於明智中

壺載揚其惠和二姓有輝六姻是憲盡禴翟之飾動珩
璜之聲建中元年封魏郡夫人三年進封鄧國夫人旌
淑哲也鵲巢之均一家人之悔鳳屢豆敬齋之色琴瑟
靜好之儀夫人備有焉帷堂晝哭良弓繼志上慈下厚
就養無方此又令嗣之能致其敬也貞元十一年冬以
門承勲績之崇恩有選尙之貴方策外館聿來上京十
二年二月丁卯以疾終于萬年縣安仁里私第享年四
十九遺章上陳敬而得禮皇情惻惻恩賻有加嗣子茂
昭義武軍節度易定等州觀察處置等使起復左金吾
衛上將軍檢校工部尙書定州刺史兼御史大夫延德
郡王博陵上谷之師以續休緒戎車委重優詔抑情次
曰茂宏雅王府司馬茂宣舒王府長史嗣雍祀王府諮
議參軍嗣慶試將作少監御史中丞幼曰茂宗銀青光
祿大夫行光祿少卿員外置同正員駙馬都尉皆以純
孝裕盡居喪執禮以其年冬十月甲戌奉夫人之轎車
葬于京師少陵原不祔舊封式遵古道恩延戚里有命
從之初夫人之兄從政實傳戎韜之訓以中執法剖符
定州有姊四人所天皆貴異姓之社從夫以尊公官之
教率性而中象服交映魚軒並馳其後婚親無非勳德
故太尉中書令西平王今大尉中書令瑯琊王皆夫人

之姻也納徵佐餽煨燼一時此又闔門之盛而積善有
類也乘正之風本於王化愷悌之澤洽于幽泉此臣所
以拜受德音銘諸樂石銘曰

在漢子雲侃然中正昌言獻可遠緒傳慶降及特進策
勳斯盛乃生夫人如玉之溫婉彼淑質宜于盛門金鉉
石窈所從益尊亦既晝哭道影訓育中權之貴克繼藩
服下嫁之榮方承湯沐生也有涯壽胡不遐奄然冥漠
喪此柔嘉遽返黃壤空悲白華秦原隱嶙丹旆徐引此
焉幽宅自昔同盡追琢徽音終古不泯

唐故太清宮三洞法師吳先生碑銘并序

雲出於山遊於天復歸於自然先生之道似焉涵泳乎
道之樞倘佯乎物之初以生爲蘧蘧復返有而入無先
生諱善經縉雲仙都山人也自會王父而下皆質誠孝
敬登聞於鄰黨先生未成童博買儒書讀道德經至爲
學日益爲道日損三復恍然曰吾知之矣改習四真靈
寶等經年十七本郡以制度居縉雲山其後遍登匡廬
天台三茅句曲泛然不囿於物虛已以遊代乘彼白雲
至于帝鄉時宰王黃門將爲太清宮使奏隸官籍乃從
冲虛申先生受三洞經法貞元中於官院立仙壇躬上
士勤道之誠宏大君受籙之重陰功幽贊何可勝言德

宗錫以慕節幡珮靡有不備初冲虛之師曰清簡泉君泉君之師曰來君來君之師曰萬君皆有遺像在開元觀先生乃茲焉冥息立申泉二碑以發天光以極師道凡儒元宿學有道仁人貴遊象服男夫女士傳三景真籙者五百餘人一旦謂入室弟子曰天行物化吾之晦明其動也與物皆春其靜也與化爲一成形待盡吾何爲哉乃於畢原近郊修露仙隱景之地元和甲午冬季朔旦齋沐潔清與其徒元言終日越三日焚香朝拜泊然返真明年正月寧極於露仙館某年八十三矣其受道也有反風晏温之景其委化也有清香靈鶴之祥斯又不可涯已嘗以爲無心者與物冥則未嘗有對於天下順性命而遺耳目其在是乎其餘奔走於寒淺倒置之中吾不爲也所注道德經并著文二十篇元覽至頤通乎微妙嗟乎先生之容不可得而見矣先生之言不可得而聞矣但糟粕具在神明不滅宋真者得以虛心道門威儀趙常盈偏得先生之學與符洞幽周元德吳元壽董太珣等或關尹受教或庚桑爲役有年數矣吳郡歸冲之廣平劉素芝天水權載之皆從先生遊者也元德狀其崖畧授載之以金石刻噫嘻老龍吉死矣安所發予之狂言哉乃銘曰

萬情弊弊謬繳之內先生懸解遐視區外族系于東吳稟靈于仙都演道于明廷棲神于太清隱機于開元歸根于露仙其來適然其去寥然大圓清兮大方厚元鄉返駕兮無何有刻介石兮茲不朽

唐故章敬寺百歲禪師碑銘 并序

禪師長老百歲大師之師曰大寂禪師傳佛語心法始自達磨至于惠能之化行于南服流于天下大抵以五蘊九識十八界皆空猶鏡之明焉雖萬象畢陳而光性無累心之虛也雖三際不住而覺觀湛然得於此者卽凡成聖不然則一塵瞥起六入膠固循環回復於死生之中風濤火輪迷忘不息授受脗合大師得之一言宗通深入無礙師諱懷暉姓謝氏東晉流寓今爲泉州人孩提委發博究書術一旦慨然曰我之祖先今安在耶四支百體視聽動用孰使之然耶漉然兩泣故服緇褐志在楞伽行在曹溪得圓明清淨之本去妄想因緣之習百八句義照其身心心離文字化無方所於是抵清涼下幽都登徂徠入太行所至之邦被蒙法味止於太行百巖寺門人因以百巖號焉元和三年有詔徵至京師宴坐于彰敬寺每歲召麟德殿講論後以病固辭十年十二月恬然示滅其年六十其夏三十五弟子智朗

志操等以明年正月起塔于瀾陵原凡一燈所傳一兩
 所潤入法界者不可勝書著法眼師資傳一編自難足
 山大迦葉而下至于能秀論次詳實或問心要者答曰
 心本清淨而無境者非遺境以會心非去垢以取淨
 神妙獨立不與物俱能悟斯者不爲習氣生死蘊之所
 累也故薦紳先生知道入理者多遊焉嘗試言之以中
 庸之自誠而明以盡萬物之性以大易之寂然不動感
 而遂通則方袍袈衣其極致一也嚮使師與孔聖同時
 其顏生閔損之列歟釋尊在代其大惠綱明之倫歟至
 若從師受具之次第宰官大臣之尊信誕生入滅之感
 異今皆不書德與三十年前常聞道於太寂幸來京下
 時歎師言頃因哀傷以獲悟入則煩惱不遺菩提難聚
 散於此生期會歸於彼岸銘曰

西方之教南宗之妙與日並照百巖得之爲代導師頌
 若琉璃結火燔性愛流溺正癡冥奔命卽心卽佛卽色
 卽空師之道一作通 今無來無去無縛無解師之化今揭
 茲靈塔丹素周匝示塵劫今

權載之文集卷第十八

權載之文集卷第十九

唐權德輿字載之

行狀

故司徒兼侍中上柱國北平郡王贈太傅馬公

行狀

曾祖君才皇右武侯大將軍南陽郡公降洛

州治中

祖珉皇右鈐衛倉曹參軍累贈尚書右僕射

父季龍皇大同軍使嵐州刺史幽州經畧副

使累贈司空

汝州郊城縣臨汝鄉石臺里馬燧字珣唐書作洵

美年七十

太傅英朗特達剛方中正體植五常致其用以贊皇極
 國有二柄壯其猷以合神武終始盛烈爲唐宗公原夫
 代有勲德延耀儲祉王佐之業至公而光年十四從師
 講學因輟卷喟然曰大丈夫當建功立名以康濟天下
 豈能矻矻爲章句儒耶讀左氏春秋孫吳兵法與歷代
 君臣大本成敗大較忠賢功用奇正方畧會其歸趣如
 指諸掌十九丁內艱泣血三年以孝聞天寶末安祿山
 擁幽陵之師南向以光祿卿買循爲留後公以畫千循

勸誅逆將向潤客牛庭玠等然後傳檄仗順可覆而取之循疑留不決竟及於禍踰月間行至常山時河朔擾攘物情恟懼公方以褒衣居裾游談感激因其謀而扶義建節者衆矣寶應中陳鄭節度李涼公抱玉移鎮上黨雅知公才表爲晉州趙城尉時王師旣破史朝義乃復河洛有迴鶻可汗之助因肆暴而歸以功自負其強難屈節將使上介致餼皆懼不敢行公官方解巾急病不讓徑詣其壘申明要約氣盛詞直虜皆擾從可汗乃授以旗幟委之供辨且曰有犯禁者公其董之於是蕃部肅然莫不畏服後有酋長求賂於公者立斬十餘人可汗大駭疾駢出境安人禁暴之畧兆於斯矣河北副元帥僕固懷恩居將相之重恃父子之勇可汗又其子婿也藉以爲援將有異圖公密覘其情請爲之備初僞范陽節度李懷仙與相衛恒定等四帥相繼來降懷恩結爲黨助奏復其職至是擁衆據汾上子瑒圍太原相魏儼以相倚角公至安陽說其帥曰懷恩惜刻以逞欲其子輕佻而好勝人人自爲計坐待帳下之變耳深陳利病勸諭激切由是感公言至涕泣改圖因約懷仙等三人奉章獻款旣迴鶻北歸懷恩與瑒繼死公之明識遠畧皆此類也本使尋奏收左武衛兵曹參軍歷

太子通事舍人著作郎以至秘書少監兼殿中侍御史轉管田節度二判官永泰中拜鄭州刺史兼侍御史至是頒六條撫四封分憂於上施惠于下時兵食方調枵軻其空公乃闢其田畝均其戶版每歲一稅百姓便之生齒益息庶物蕃阜大厯中改懷州刺史其夏大旱公以救災沴莫若修教化掩骼埋胔獨苛恤隱使皆得其欲而無窮人端居潔誠默以心禱至七月稻禾滿野庸亡者襁負而至朝廷以汧陽被邊宜得文武之守拜隴州刺史兼御史中丞公乃訓州師修器械備郡城之西有路與蕃境相直凡二百餘步上連峻峯公乃躬自行視塞其蹊隧功堅力省疆場以寧又置譙門於阨陜之地中制扇鑄上施千櫓積炭之患旬日而安連帥憚公威望日盛羈留幕府因以受代家居京師者久之先皇帝召見奇其才受商州刺史兼御史中丞未旬月屬河陽三城逐其帥擇可以撫寧之者特拜左散騎常侍兼御史大夫充河陽三城使是歲大厯十年也夏五月汴宋兵馬使李靈耀以濮陽叛俄據浚鄆國家姑務靖人特屈常憲因以節度留後授之而又結魏師以畧東都不利六月詔公與淮西節度李忠臣夾攻之時寇鋒寢盛忠臣每合皆北將奔師以兇者數矣公嘗激以壯志或

給之吉夢忠臣既慙且憤引師復還先是忠臣軍汴南公軍汴北每與虜所向無前初敗之於榮澤又破之於西梁固至是靈耀以其勇悍者八千人號爲餓狼營盡銳來拒公引戲下決戰遂勝入邗時魏之救兵二萬距大梁三十里所公又合諸侯之師用奇設伏以敢死士三千人鼓譟先登大敗之魏將軍單騎遁去靈耀以其徒宵潰翌日餘黨以城內八千人降於公公悉讓忠臣推而不處閉壘移疾退於板橋其士吏鹵獲悉以家財購而復之大梁之人至今知感履險則忠以盡敵成功則讓以保身此又將師之明哲也十二年三月詔復魏博之地諸侯班師公乃歸鎮河陽秋雨暴至河流決溢軍吏等具檄權請公登舟以避公曰城中凡數十萬口吾實主之而苟以一家求安所不忍爲也旣而人皆感泣水不爲患十四年閏五月皇帝卽位深燭理本以太原王業所起國之北門非勲德爛然者不能鎮定特拜工部尙書兼御史大夫太原尹北都留守充河東節度觀察等使於是修班制正事典險其走集訓其輿師講車徒戰陣之法教金鼓聲氣之節分畫之下變化如神自是烽候罷誓匈奴不敢南向而牧矣建中二年夏六月來朝京師加兵部尙書封幽國公初魏博席伯父

之勢而得專地旣踰年與東平常山復爲從約七月魏以兵三萬圍一作邢州攻臨洛昭義節度使上請公爲援朝廷許之十月公會昭義之師與神策行營兵馬使故大尉西平王於漳州先是魏以浚郊之敗讐公威望至是以節制師專征伐之任兵刃完利部校訓齊軍聲大振士氣益勵魏人又分銳騎合恒定李惟岳之衆萬餘於臨洛南雙崗下樹柵以自固公自晨至晦急擊大潰殺其將楊朝光時臨洛之圍場壘四匝復與昭義鼓行軍前腹背受敵颺塵翳景士皆決死凡百餘合自據西壕口扼其喉以襲破之兇徒蹙踣亂相蹂躪收其車重兵械各數十萬魏人委營而遁邢圍迎潰上嘉其功拜尙書右僕射先是公與軍吏約曰苟戮力成功者當竭產以賞至是悉索家錢與車服臧獲等莫其價之上下視其功之薄厚散於軍中約五千萬且曰苟可以夷患難勉師人赤誠之外無非長物故盡其私積買其餘勇士皆歛歔感勵爭以効命報焉優詔褒異命史臣書之且詔有司以量入之賦如其數以復於公其毀家佐軍輕貨厚下皆此類也三年正月魏人又乞師於東平常山衆且四方壁於洹水公曰不備不虞不可以師且以河陽三城常所訓定上請爲助有詔從之乃建三

橋夾河爲壘乘變出奇如環無端初則銜枚以趨敵因乘其未備後則雜草以滅火使計不得用然後分銳士馳馳以犯之而後從之獲首級者殆半餘皆走林澗水壘尸相屬腥穢川陸公愀然曰是皆平原人也彼暴服之耳亦既就斃忍其委骨肉如是耶使得以族屬收瘞既而生者知感由是洛博二州僞署刺史各以其地來降邾魏之間以咫尺之書招下二十餘城朱滔誘其隣帥復來助寇四月公有魏成之捷五月詔同中書門下平章事仍封北平郡王時諸軍連捷師留且久或已一作有復其侵地則怠於攻取公具以上聞有詔朔方節度李懷光應援征討六月朱滔以漁陽之甲三萬至于城下初諸侯有議班師者公曰彼三戰三北假息孤城且宿兵十萬聞援強而退縱敵生患何以復命於明庭耶既而羣帥相勵皆百其勇七月加魏州大都督府長史仍充魏博澶相四州節度招討等使四年二月又敗之於成安魏軍退於館陶深壁以自固冬十月盜臣竊發鑿輅狩于近郊公忠憤逾迫密圖方畧懷光統朔方之旅乘歸心以赴難公蓄臂伏泣以大節感動之時朱滔招連北虜邊鄙日聳公謂諸將曰夙駕整旅以扈屬車人臣之分也儻北都不守卽兩河三川搖矣豈行師扞

患之義耶乃遣太原道行軍司馬王權統銳騎五千與監軍使者赴行在又令男兼與大將等男各一人赴馮軍實祿賜器備服用一以條奏獻於行官公初旋師也以晉陽大鹵用武之地北蕃東夏且有外虞而都城之東平坦受敵乃股引汾晉二川漲爲平湖能順地泐以導水勢守陴者歲減其役濱河者日厚其生而又廣堤濬池密樹如織金湯自固版幹不動其明智善利之人也如此公自出軍累歲功捷相繼而軍中衣食多出寇境河東之人省調給饋餉之勞歲減其賦封內相賀因中貴人以聞願刻金石詔從其請公避名不伐懇疏方止勞謙之詞邦人誦之此所謂尊而光晦而彰也公常揣摹諸侯開導功善能遷其變以誘其衷盡益友之直諒敬純臣之志畧因所以建大順立大勳者有焉興元元年二月李懷光貪天犯上衝連逆泚脇其人以河中叛公威聲素振壤地相接支郡屬城降者繼至秋七月皇帝旣平大盜乃清官廟加河東保寧奉誠等行軍營副元帥有詔許公與諸軍同討河中九月旣望師及於絳僞刺史王克同棄城而遁餘黨來降分徇下縣進軍寶鼎斬其將條伯文先是懷光之師勇於穽突至是獲甲首千數兇徒奪氣矣貞元元年六月公以軍國大

要非章表所盡釋位來朝親稟睿畧乃屈指成算請三旬芻粟以平之秋七月與河中節度使今侍中成寧王及同華邠寧之師次于長春宮公以單騎傳于城下召大將徐庭光西向受命且以君恩喻之曰兵興已來逾三十年而朔方之師最爲忠力今乘時自効若建瓴水豈甘心膏禍終於鋒刃耶開陳逆順聲涕交感又曰跣步之內矢石所及若決爲匪人亦在今日因披襟直前當之庭光頹伏拜泣莫敢仰視抗詞未畢堅壁洞開公徑入撫定奉宣皇澤於是城中周呼曰吾等復爲王人矣八月公與成寧合軍而東至于焦離堡降其將尉珪乃次河中陣于城下懷光傳首其衆請命是舉也不勞師獻功如其素焉就加侍中歸鎮北都三年二月來朝京師寇戎旣清乞罷藩鎮六月拜司徒兼侍中詔有司具儀法冊命禮賜備厚昭德報功人臣榮之屯師河中也靈武節度杜希全獻體要八事上因著君臣箴以賜之公奉表陳賀上又賜公宸辰台衡銘各一首公令男暢詣闕謝恩並請揭而書之於起義堂之側詔下優答其畧曰卿有許謨濟代之誠保衡輔朕之志情之所尙遂飾以詞比夫盤盂自銘亦冀輔佐同德遂刻石兼賜題額寵渥之盛冠耀當時五年九月嘗與故太尉西

平王同對於別殿上曰卿二人與朕休戚是同各賜圖形麟閣并製文命皇太子書於閣壁至於君使臣事君選賢與能之盛盡忠作憲之績煥乎天文與日月並命矣九年十月公以足疾久缺朝請因至中書奉表起居召對拜舞手悞至地上驚遽自起以接之公慙惶踞踣感甚以泣上曰元首股肱本爲同體卿之疾痛何異朕身爲遣中使梁懷幹扶掖下殿十三年二月以年及懸車再表讓侍中優詔崇獎終不得請八月十七日薨於安邑里私第皇帝震悼不視朝四日先是詔宰相詰宅問疾御醫禁方旁午於途疾劇遣表指陳邊事純誠在公言不及私薨之明日詔贈太傅又詔文武百寮充宅弔哭京兆尹護喪萬年令爲副司農卿嗣吳王噉充弔使鴻臚少卿王權爲副贈絹二千疋布五百端米粟二千石二十七日命太常卿裴郁副使少府少監路恕備禮持節冊命上所以待大臣之禮備矣惟公始以文理參佐至于收守將帥功業見乎變德刑焯於時所以順天明從君命布皇澤宣國威能竭忠力而爲藩衛理軍如家馭下以誠拊循厚而士勵法禁明而衆整誓師鞠旅皆樂爲用料敵制勝如在彀中此戰之所由克也凡再分兵符而三破劇賊開相府十四年以上公居

中者九年至於盡沃心之言當注意之重密啟詭詞人莫得而知之昔舜之官人也尚作司徒龍作納言惟公居之周之命將也方叔元老申伯于蕃惟公嗣之加以馮異之推功趙奢之享士子囊之城郢文子之不屬其子惟公備之故歲時為饋追享盛公侯之禮會朝鳴玉拜後聯卿士之榮公之展孝也公之敬忠也凡自府辟多為國華登中朝以潤王度分外間而貞師律公之知人也公之舉善也洪範之又用三德濶用五福惜公不踰期頤其他則無不及也德輿自左補闕三歲而為右史掖垣之屬備承功烈喪贈之禮獲奉命書今先遠有期祖載將及易其名者敢告有司謹狀貞元十一年十月十六日宣德郎守起居舍人知制誥雲騎尉權德輿上尚書考功夫建侯行師先王之所以懲不恪也考行尊名先王之所以勸人臣也謹按故司徒兼侍中上柱國北平郡王贈太傅馬公勤勞王家功德茂盛其謀猷合於君其忠利加於人用登公相以殿邦國今體魄則降日月有時敢錄實行請徵諡法謹上

權載之文集卷第十九

權載之文集卷第二十

唐權德輿字載之

行狀

故朝議郎守太子賓客上輕車都尉賜紫金魚

袋贈太子太傅盧公行狀

會祖勤嘉皇朝散大夫青州司馬隴城縣開

國子

祖克明皇瀛州高陽縣令贈國子祭酒

父沼皇陝州芮城縣尉累贈慈州刺史秘書

監

河南府洛陽縣遵化鄉恭安里盧邁字子

元年六十

狀公以仁為經以義為用宗四教之根本採六籍之菁華其門風士行天下歸重以居室之和務諸官署以率性之道宏于事業自解巾試吏至佩相印不為利疚不為物遷令名豐祿與之終始推是道也年未志學累丁齊斬純孝孺慕外除猶與博買備書不羸其華特為叔舅太傅文貞公之所賞鑒經明筮仕補太子正字藍田尉會府試言拔乎其萃轉河南主簿尋有詔充集賢校理建中初上方靖端百度修起五諫拜右補闕俄換侍

御史興元元年遷刑部員外郎間一日又以本官兼侍御史介相國蕭公宜慰于江淮奉憂勤之旨宜愷悌之澤四杜所及熙熙如春旣復命轉吏部員外郎每歲赴闕者雜而多端廢置關夾在於郎吏情偽之所伏姦吏之所因攻堅木導大窾從容折中而優爲之又以京師食貧諸孤衣食爲念求出爲滁州刺史仁惻之政人到于今懷之朝廷嘉其理行徵入爲司門郎中自時厥後比歲超拜歷諫議大夫左曹右轄乃參大政皆用德進人無異詞間一歲遷中書侍郎平章事又一歲感風痺寢疾周月除太子賓客貞元十四年六月某日薨于家追命太子太傅公寬舒宏重有姿度風表而意章品式政事成法經通縝密靡不周貫居諫諍之官言必削蕪自非成命頒行而人莫知者又常以考課之法溢美相蒙革其已然當自二府時居左垣固辭上第宰政歎其能讓因以從之庶官之濫者知懼而百職循矣煖和台階秉直閑邪率循中庸左右皇極德輝陶然不見其際詩曰衣錦褰衣裳錦褰裳惡其文之著也公誠有之不然豈移疾家居者旬歲上章乞告者七反然後得請至於飾終追錫有加禮焉此固以異于常而得之也早歲以游寓于南譙與崔文貞公講學至穀梁傳因附經

義有以規者文貞慙歎爲之著重請銘且曰吾以爾爲甥亦以爾爲友知免於大過矣其推重如此天性篤於慈仁厚於情禮每居功絕之喪其於言而不議議而不及樂率皆容稱其服而有加焉故事宰臣非上公承攝之禮闕丘齋祠之敬則未嘗以騎驎導出國門者公從父弟歿於蜀都騎車之來道素赴洛出東門十數里以展哀送度越常檢名教多之其居部也叔父下邳令休沐至止朋來愷愷侍食佐酒彌日通夕與羣從之尹者冠者均其指使章紱之外無以異焉再娶無子或以嗣不可絕論之他求者則曰吾舅文貞常言之矣兄弟之子猶子也引而進之可以主後故自成童至于捐館其所以留于聰明接于心術者中正之外無自入焉感官俸賜必振六姻之乏卽遠裝帷唯資四布之購季文之廉忠張仲之孝友魏舒之宏粹孔光之慎密兼而具之日月有時盡徵謚法是用傳信移諸有司謹狀

貞元十四年九月十二日故吏議郎守尚書司勳郎中知制誥雲騎尉賜緋魚袋權德輿謹上尚書考功禮有易名本於周道必視其行勸孰甚焉謹按故朝議大夫守太子賓客贈太子太傅盧公德範贈印如大圭羹器闔門風訓儀表人倫乃持國均以鎮雅俗絜矩居易有

初有終贈彼九原既徵先遠之下節其一惠敢忘至公之議謹上

唐故大中大夫守國子祭酒潁川縣開國男賜

紫金魚袋贈戶部尚書韓公行狀

曾祖符皇潭陽郡太守

祖大智皇河南府士曹參軍贈史部郎中

父休皇太子少保贈司空諡文忠公

京兆府萬年縣芙蓉鄉龍游里韓洵年六

十三

狀公字幼深其先潁川人自同姓於周受封於韓逮獻子而為正卿至景侯而開列國司馬氏代家言之詳矣八代祖播徙居潁川遂為潁川人繼有勲力代名忠孝以至文忠公用醇仁清德左右元宗致中和以為國經躬儉悌以為家法公纂承茂緒幼有令聞直方簡重博厚宏大該涉羣書尤治春秋詩禮之學必睹其興而踐乎中未弱冠以門廩補宏文生滿歲參調侍郎達奚珣矯枉過正以地望降資署章懷太子陵令且將察其詞氣以為銓藻公恬然受署初無愠容當時識者知其致遠天寶末盜陷兩京兄任七人遭難不淑茹痛違難寓于江南布衣蔬食不聽聲樂者積六七歲友悌行義士

林以為難翹車書辟旁午而至累授漢中郡江陵府二功曹大理司直兼漢中郡司馬蘇州司馬且皆有賓介之請所至之邦待公政成甘于敝糲聚其祿廩辨治葬具歸于京師七喪祔之禮無違者名教之士翕然稱之洪州刺史張鎬以故相之重作鎮江西奏授本州長史莫搖副使懷徠夷落向方率教乾元中江淮凶飢相屬嘯聚而新安郡負山洞之阻為害特甚朝廷推其能名除睦州別駕知州事俄拜監察御史又轉殿中侍御史賜緋魚袋充江西團練判官軍州庶政多所訪決歲餘張終於位公上介領留務時吳楚剽劫法禁未一每長吏交代人心輒搖公臨以威重撫以慈惠輯寧封部以待守臣李梁公峴之充江淮選補使也引為判官多所宏益大憲初轉運使劉尙書吳盛選從事分命四方而江淮上流為之樞會奏改屯田員外郎兼侍御史知揚子留後累歲就加司封郎中肅給而有守清明而中節有司之移用不匱上國之經費有倫六七年間號為稱職名實益茂徵拜諫議大夫數與左補闕李翰上封章極言得失未幾以本官知制誥參掌有密式敷聲明炳然訓辭潤色王度時元載持術深相器重公愈不自安每因災眚必疏古義且以西漢賜上尊酒之比深警戒

之元終不悟竟及於禍公以傍累貶邵州司戶今上踐位勵精理本徵爲淮西淮南等道黜陟使復拜朝議大夫攝衣登車以澄情風俗爲已任未及行拜權判戶部侍郎專判度支賜金印紫綬先是公兄太傅忠肅公實居其任受邦國之比要制財用之均節物力不屈王府以充出牧也厥職審廢公乃革煩政振舊綱旣無暴征亦無遺利罷省胥吏冗食者二千餘人明年太府卿張獻恭廣廩庫以受歲杪量入之數又於長安萬年二縣界奏貯米各數十萬石視年之豐耗而爲之發歛人無艱食歲無災荒雖元凱之智晷壽昌之功利不是過也上方倚以大任爲執事者所抑出爲蜀州刺史蜀多火災自古所患俗以爲常無所懲禁公到部逾月令簡事時吏胥不勞州兵多暇乃省經用之費給大半之庸俾其埏埴以易蓬華輦飛鳥草相望如雲授之逾年乃儻其直三歲在郡四封恬然闕田之汙萊三千餘頃復人之庸亡二千餘戶教之樹藝俾之生植井絡之下人至于今懷之朝廷陟明表課公實居最有詔徵還旣至拜兵部侍郎在職數月遷京兆尹兼御史大夫三輔難理較下尤甚賊泚之後旱蝗相乘連師十餘萬屯于蒲坂戎裝兵食仰給京師內安罷毗外贍軍實師克濟而人

不因公之力焉轉刑部侍郎刑法者國之大典所以禁暴而衛善人也而或巧詆比况因緣爲姦公請求紀律明爲式例悉以條奏頒于四方吏無舞文人得從善矣遷秘書監乃奏置五經正本補羣書之缺蓬閣之中祭然如初復除兵部侍郎累歲改國子祭酒自兵興以來多趣末流而奔夷道故學者不振而子矜之詩作焉公曰崇化厲賢本于六籍不學將落吾其憂乎乃表名儒袁頤章渠牟列于學官請左氏春秋小戴禮握衣鼓篋之徒溢乎國庠講誦之聲如在洙泗公所至必化其用無方方將荷介祉以錫難老亮天工以續舊服人望未塞以貞元十年二月九日寢疾終于昌化里之私第皇情軫悼追贈戶部尙書哀榮之禮于公備矣公有識度風整而博愛容衆與朋友交死生以之明於吏職能斷大事疏達而有節粹和而不流約身以周急絜已而恕物先師四教克蹈其全中臺六職常居其半無忌之鎮靜安國之忠厚延壽之恩信惟公兼而有之尤所謂邦之才臣終温且惠者也龜筮叶吉日月有期易其名者請徵舊典謹狀三月日故大中大夫守國子祭酒潁川縣開國男賜紫金魚袋贈戶部尙書韓公故吏某官某謹上尙書考功夫士之生也躬五常以致用其歿也節

一惠以尊名則善否有章實不櫛謹按韓公嗣直方於舊德播功行於清朝通而有守忠而能力樹善匪懈好謀而成課積中臺道光太學大雅明哲惟公有之考行飾終古先令典謹譔錄所履布諸有司請徵叔發之謚以叶周公之法謹上

權載之文集卷第二十一

唐權德輿字載之

墓誌銘

唐故幽州盧龍節度副大使知節度事管内支度營田觀察處置押奚契丹兩番經畧盧龍軍等使開府儀同三司檢校司徒兼中書令幽州大都督府長史上柱國彭城郡王贈太師劉公墓誌銘并序

折木之下幽陵礪石融結網緼誕靈熊渾乃生元臣以翼大君惟彭城郡王宣力三代撫封四紀在德宗朝慕服舊勞以亞丞相得額征伐冬官夏卿再踐六職乃列台宰乃居師長在順宗朝論道進律就加司空又拜司徒今皇帝聰明齊聖褒厚功德擢侍中中書令綢繆樞衡臨長諸侯元袞赤舄崇其物采九命二伯極其名器勲猷備於贊書終始焯於代家五年秋七月寢疾薨于莫州之廨舍享年五十四冬十一月歸全于涿州良鄉縣之某原追錫太師不視朝三日命諡議大夫弔祠法賻廷尉卿持節禮冊又詔宰臣德輿銘於壽堂所以加恩報勞始終滲漏之澤也公姓劉氏諱濟字濟之蜀昭烈皇帝二十一代孫曾祖宏遠皇檢校司衛卿臨洮軍

使襲彭城郡公贈宋州刺史祖賈皇特進右金吾衛大將軍贈揚州大都督父炆皇幽州盧龍節度觀察等使御史大夫贈司空恭公公承是覆露生而岐嶷深而通直而和宏毅忠肅端明溫重固已蘊絕人之姿挺希代之器始以門子積經游京師有司擢上第參幽州軍事轉兵曹掾歷范陽令考績皆爲府中最興元初以太子家令爲冀州刺史以御史中丞爲行軍司馬凡吏理之慰屬與師之拊循如良庖之無肯縻良農之無滅裂司徒卽代有詔奪情節哀順變講信修睦先公之封畛盡在長帥之威惠畢舉比歲大旱蝻蝗爲災絜齊蔬韭默以心禱甘雨祁祁嘉生莓莓因其豐登示以班制古諸侯之令典靡不具焉貞元初烏桓誘北方之戎幸吾阻饑大饗邊鄙公先計後戰陳兵於郊乃遣單車使者誘掖教告繇是諸戎反爲公用幹不庭方厥猷茂焉明年鮮卑墨乙之犯古漁陽其後吸利勉右北平公分命左右軍異道並出然後以中堅衛擊士不離傷師不留行深入其阻抵青都山下捕斬首虜以二萬級獲橐駝馬牛羊萬數十九年林胡率諸部雜衆侵滹于檀薊之北公親統軍車會九國室韋之師以討焉飲馬灤河之上揚旌冷陁之北戎王棄其國遯去公署南部落刺史爲

王而還登山新石著北伐銘以見志自大山以東懷和四隣或歸其天倫或復其地理謁急則解其顛沒居常則納諸矩度兵興以來氣俗相因或以參敗度或以美沒禮比屋之人被縵胡而揮孟勞不知書術公乃修先師祠堂選幼壯孝弟之倫春秋二仲行釋菜鄉飲酒之禮生徒俎豆若在洙泗和門耽耽公署沉沉自從事掾史迨紀綱之僕廩稍有倫采章不雜接士必下以詞氣推賢而容其出處隴西李益樂安任公叔皆以賓介薦延至郎吏二千石爲近臣良守此又烈丈夫大君子曠度犖犖之爲也其於勤身裕物生聚教訓祁寒則頌以絮帛大歉則振其倉廩一方之人蒙被惠和嘉祥交於動植孝順浹於州壤美化周行無不及焉去年冬王師問罪於常山公率先蹈厲累上功捷引義慷慨賦詩以獻詔宰司序引百執事屬和以美大之師次瀛州旣圍樂壽又遣支兵急攻安平三旬未暇武怒益奮命其子總以騎士八千先登公親鼓之士皆殊死戰亭午而拔誅屠無噍類蓋所以宣威制勝于可必也天子錫以寶劍金甲彤弓旅矢方董諸侯之師將覆其巢俄感厲氣隱机口占署總軍司馬曰無以吾故而稽天誅悉召獻下以須王命俄而下需然之詔宥罪班師加公寵渥已

至大病遺章惴歎不及家事天下之人偉其忠勞總以君命起於倚廬之中委重戎事由御史大夫為工部尚書凡軍師之節制封部之廉察盡如恭公太師之命焉茹荼雪泣祇服丕矩以國僑之遺愛知公業之不生極榮號沒有懲策揚名以繼志善訓以克家君臣父子之道斯為至矣紀大臣所以尊王命懿武事所以壯天聲敬據馨香以識真寘銘曰

帝在法宮推心懋功沈沈彭城秉義納忠幽都朔易賜履來宅便蕃渥命焜耀嘉績北戎病燕從古以然懷徠蕩定勇畧昭宣變和之重公作霖雨師律之嚴公作齊斧廓開稔疹振奮虓武保大定功庇人尊主卻穀敦悅乃主成師善經義府公實似之北伐刻銘西征賦詩播於工歌列在鼎彝壯猷未極大暮如斯華首童牙辛酸涕洟義方紹續君命吉祿孝在無改恩延必復參差格葆瀆漫陵谷勒石下泉幽元照燭

唐故河中晉絳慈隰等州節度使支度營田觀

察處置等使開府儀同三司檢校太尉兼中

書令河中尹上柱國延德郡王食邑三千戶

贈太師張公墓誌銘 并序

元和五年冬十二月戊寅太尉兼中書令延德郡王自

河中來朝明年春二月景子發塲薨于京師務本里第春秋五十皇帝不視朝五日册贈太師冬十月乙酉歸全于萬年縣少陵原嗣子檢校工部尚書兼右金吾衛將軍克讓毀瘠號慕沒于倚廬之中追命尚書右僕射次子太僕少卿克恭檢校右散騎常侍對馬都尉克禮等泣遵理命用誠信襄事舉書公之大績大烈請刻石以識云公諱茂昭字豐明其先燕人九代祖奇北齊右北平太守因封其地代襲王爵遼難出疆雄于北方曾祖遜乙失活部落刺史祖謚皇開府儀同三司平州刺史贈太子太傅父孝忠皇義武軍節度易定等州觀察處置等使檢校司空同中書門下平章事上谷郡王贈太師謚曰貞武惟公承太傅貞武之遺烈受嚴凝溫厚之全性戴翼其代撫征其人戎容山立盛氣玉色英風義聲燁耀光明調鼎七歲秉圭三覲爰立於明廷考終於會朝卓爾拔乎倫類沛然滿乎觀聽凡異姓而王其食其封於三公備司空司徒太尉之任於三師歷太子太保太傅之秩累階宰職乃於中書令名器始終與軌伐俱初公生當上元寶應之間天下兵興感激代故間關力用始自豫曹宮衛以至卿寺臺閣金艾采飾祇庸顯明寶臣物故成德不靖公以弱冠偏師破朝鮮於東

鹿禁旅急病薊人挺災公以中權衛擊虜西平於清苑此其裕盡宣力之章章者貞元七年貞武公薨于位朝廷以公狎貫戎重可輔寧一方緣定州刺史起領留府禮服外除策勲懋官統節制之師修方伯之職累丁趙國魏國二大夫人憂喪祭情理一其哀敬凡三奪齊斬以從王事孝文當陽考禮述職瞻斧辰於法座順宗繼明保又齊信執壤奠於窆室今上報本侍祠肅事奉主幣於泰壇至於浹洽邴魏優游平勃錯綜事典習通儀制樹善於廟堂陳蕃於穆清迥出功臣之表實行宰相之事矣前年冬詔武庫禁兵會諸侯之師於常山分道並出鹵帥絕太行越飛狐是日北道以公爲主於是剗廡置以闕礮陋悉錫米以給賦輿軍尉裨校待之滿志供具寔饒無非加等亦旣壓境士皆買餘公與臺帥屈指環城有日矣恒人以步騎二萬踰木刀溝爲從衛七里之陣來薄于城公擐甲出壁門徑當其鋒俾其子克讓與猶子克儉甥陳楚等分脩之設左右翼以待之出奇決命凡數十合取功於七縱蓄銳以三捷席勝鼓行橫屍如陵方申盡敵之算俄奉班師之詔因喟然曰自五十年間兩河多壘縣官以在宥舍垢懷和萬方推恩息人延代賜履或恃長較且踰短垣至有相依若輔車

相求若市價雖有長智不能自還大丈夫亦當排霧掌而翔慶霄出樊籠以羈閭閻行之自我仁遠乎哉姑請軍司馬於朝使人狎其理然後以一方之地圖戶版三軍之駟介伍符授焉子文告令尹之政士蓋傳太傅之法拜章與日盡室就途舉代得請然後有河內之命塵幢纔至於理所劍履遽來於轂下沃心體國指掌論邊慷慨行義涕洟交感方受面命以班詔條嶷然持重爲守臣表率其或行不俟駕幹不庭方清昆夷掃獯狁然後銷五兵爲農器驅一代爲壽域此公之心也噫夫以析木之下將相代家按節股肱臺在諸侯王上而薦紳文吏擁旄山東廉風俗於武旅之地修班制於戰爭之後是一舉也而二美行焉君子以爲元和理平之嘉瑞雖西漢之白麟黃龍不若也始公割符三年而分閭又四年而進律以州爲都府而爲長吏又七年而爲公明年作相最凡盛大幾三十年若臣極其感會天下仰其風采詔葬法賻率用汾陽王咸寧王故事所不至者歿於終身豈造於物者不與其全歟此吾所以當宁流勸而嘆其用之未極也夫人衛國夫人李氏滄州刺史兼御史中丞陵川郡王固烈之女閭闔慶祉淑明柔嘉由內外音徽以大凡所顧復皆爲善良克讓以勞而貴以

毀而歿克恭以才能慝卿士克禮以淑令儷夫人克禮之季曰沙門宏信宏信之季曰太子舍人克從少府丞克勤光祿丞克正等稟訓尚義執喪知禮闈門積厚名教多之德與久辱深知謬泰大政疇庸之命親奉聖慕
誕德之詞式藏厚載銘曰

太尉兵柄中書理本桓桓令君宣令分闈行旆搖搖馬鳴蕭蕭華袞九命介圭三朝乃奉賦輿乃頒詔條先台諒闈零靈蔽晦詞極切劘義刑風槩皇明光宅績用章大恒礪之間革車所會蹈厲策勳推授交代皇用疇庸徧登三公毅然舉宗來自山東周有申伯漢稱竇融乃陟其明于河之中行道有福為仁由己哀榮思福冠耀終始少陵為谷幽宅在此中南如礪令聞不已刻銘泉壚與天壤俱

唐故山南西道節度營田觀察處置等使開府儀同三司檢校尚書左僕射同中書門下平章事兼興元尹上柱國馮翊郡王贈太保嚴

公墓誌銘 并序

序曰陰陽和而萬物得君臣合而九功敘內竭忠力外修班制匡載藩輔勤勞王家安危注意終始尊任明德大烈為信臣龜龍者其惟太保馮翊王乎太保諱震字

遐聞本馮翊人後徙家於梓潼曾祖豐皇劍州司馬大父和本雙流縣尉贈遂州刺史仍代貞晦以至皇考審綱天爵內充聘問不屈益君平世冥之遺烈也四追命至尚書左僕射公少有風節忠厚閱大學涉古今之變器包王佐之畧三命官至合州刺史嚴黃門武時領方任竄諸牙門副軍攘寇威望大著又三徙至太常卿秩銀青光祿大夫黃門既沒公亦居息常以智免不為利疚李僕射叔明之至也以前後功勞上聞起家拜渝州刺史公曰李公中外之姻也今茲推遠無乃誘于私乎義無所苟移疾罷去是歲遷鳳州刺史充本道節度副使攝侍御司先是兵火未戢州壤蕭然庸亡斃踣數聞無幾公乃剪其荆棘弔其傷痍毀家以佐軍約已以裕人精力不懈視之如子未周月而四郊襁負感甚以泣曰嚴公之仁父母不若也尋丁內憂詔復厥職充興鳳兩州都團練使血涕拜章三上不允就加殿中侍御史至于御史中丞爵馮翊郡公進封鄖國僭極合賞亦推恩居部十四年考課為天下最教訓盡其物宜編人有以質理之詞據其肝膈刻巖石而頌公者雖古之善頌不能加焉建中三年陟報政之尤修連帥之職拜梁州刺史御史大夫山南西南節度觀察等使後二歲皇

帝以避狄之亂狩于是邦加戶部尙書馮翊郡王公以漢中形東壤制邇於京師陳蕃主斷尺三接清蹕既駐皇心乃夷大僚法從儲時肅給事不乏于上人不勞於下於是師期四合士氣百倍神武陰臨諸侯鼓行丹水卽戎乃申恢復之畧塗山執玉克備聲明之禮夏六月詔梁州爲興元府公爲尹遷尙書左僕射眞食二百室其於先事備戒贏糧積甲北達于路谷成功翼從除道執約西至于散關屬車以安重險斯濟明智一德合于宸衷仍歲來朝命賜備厚温室晏見圓邱侍祠事業焯於功令形容繪於麟閣時所難能而公沛然常以同谷陰平備邊要害乃建堡壘新虞庾禦寇有金湯之固焉積粟有水火之饒焉出輿師以會漢南之討而人不知役操量鼓以濟中都之歎而敏必有程盡慮以幹王事多方以佐百姓而又精于鑿哉敏于推擇能樹善于幕庭終翰飛于公朝率由慰薦而後光大至於爲宗工近臣賢大夫良二千石者列於中外書曰慎東乃僚又曰峻人用章惟公有焉貞元十二年同中書門下平章事崇德報功于是在純誠積懋亟請朝謁上以一方戎重優詔止之十六年六月癸巳感疾薨于理所春秋七十六追贈太保廢朝三日弔祠法賻率有加數乃有

兵符命書授公從祖弟代之才既得于官下恩實彰于身後及輅車之至也又詔有司備禮冊命以其年十月丁酉葬于長安縣居安鄉某之原前夫人武功郡夫人蘇氏劍州長史東之之女繼夫人沂國夫人王氏試左千牛衛長史舟之女咸其柔德以宜家道長子城河中府士曹參軍次子協殷中侍御史劍南西川節度推官嗣子公弼以文學克家仕至國子監主簿以似續疏土封會稽縣男幼子公覲亦以修詞爲州黨所薦祇服義方綽綽有裕哀敬誠信之禮備焉初公從父兄旣以舍章好義歷中執法剖符盧山同氣曰堅曰霽曰霑皆卿才也堅爲盛山咸安二郡守霽以殷中侍御史介于岷峨雲四爲尙書郎猶子子登雅皆用文雅筮仕有名於時信乎致義貽訓知人之全也弼以德興職忝司言知大臣之功行捧持官簿哀托名象是用論次藏諸九原銘曰憲憲馮翊平康正直柔嘉強毅允是三德端誠啟迪有大勳力河池理平物遂其生漢中經武人悅是舉智能扞患忠以衛主謀猷旣臧翼戴以功黃道捧日卿雲從童梁山斯峻碩德斯鎮瑀戈金鉉戎輅相印時惟元老克叶昌運方壯其猷天胡不慈塗芻卽遠金石傳信作銘元堂永謙休問

卷第二十一

權載之文集卷第二十二

唐權德輿字載之

墓誌銘

唐故金紫光祿大夫檢校司空兼尚書左僕射
同中書門下平章事上柱國魏國公贈太傅賈

公墓誌銘 并序

德宗皇帝享國二十有七年注意於將相之臣惟魏國
賈公諱耽字敦詩始則四握兵符保種節制終乃再踐
師長燮和樞極文武致用億寧斯入景鐘書代金鼎和
味咸有一德用平泰階奉綴衣之詔公已感疾先復土
之期公乃捐館屬者太上皇帝重公者碩進加司空今
皇帝憫公微懿追命太傅春秋七十六佩相印十三年
前史稱賈生通達國體其孫嘉好學世其家其曾孫捐
之建義深切漢元帝為之罷朱崖郡皆先古之有議論
風節者也曾王父遠則皇長河尉生王父和義心源主
簿贈揚州大都督生烈考琰之燕居不仕贈尚書左僕
射皆代德之安貞延羅者也公中正仁恕極深研幾究
古今于百氏窮地域于九譯乾元初寰海未靜褐衣危
言始尉太平連辟大鹵二入御史府再為尚書郎亞尹
北都剖符西河嘉猷循行所莅居最大曆十四年冬十

一月繇大鴻臚貞師於梁叶力羣帥平夷江漢青綬大
封咀赫光明進泰六職節制襄峴載會兵車撫征淮右
徵謁行宮真拜冬官明年以三后之任分正有洛加地
進律察廉唐鄧復摠賦輿鎮于靈昌政成八稔愷悌清
淨於是膺審象之寄贊格天之業中外受授服勞王家
易坤之說曰地道也臣道也惟公有博載之量露生庶
物書洪範之說曰疆弗友剛克熒友柔克惟公推寬信
之誠弼亮時化故其撫封也不尚禁厲不施繖察扶導
善氣折銷未萌使貪者讓躁者靜四鄰敬之如神明闔
境愛之如父母其作相也當先皇帝洪覆陰陽財成造
化宗工雋老但以忠厚承清光故公之陽休德輝涵泳
無際靄然和平之運怡然簡易之道至若匪躬詭詞勞
謙不伐者亦何可勝言坦易而周密廣大而潔淨豈然
虛已求天下之才博聞強識通天下之志斯不可及已
所著梁懷王傳碑先君子碑陳祖德以自况載家聲子
可以體要闕達遺乎羣倫揆海內華夷圖及論次地理
之書凡五十有五編貢在中禁傳於域內方志者以
公名家被病經時屏絕靈術且曰吾以忠信為口禱死
生為天理一氣聚散斯焉順之美積壽堂自為終制賡
然委化以啟手足雖從古知命之士所難能焉夫人武

功蘇氏駕部郎中守忠之曾孫處士珣之女有柔儀淑
行歿于中身二十五年矣嗣子瞻太常丞協律郎早夭
次子麟太子司議郎少子曠京兆府參軍事馴行孝謹
號曉毀瘠奉二尊裳帷合於九原刻茲樂石以永終古
銘曰麟之儀儀鳳之師師有伯魏公發舒清時外總方
國掃除煥燦入居公台左右皇極於學無不通於士無
不容穆如飴風叩如華鐘偉材闕議信以發志中行循
性其道易易始初清明紀號水貞惟陽月之朔日兮返
智氣於冥冥下句遠半兮祖載于庭神休古原兮闕此
音聲前直國門兮旁通梁傳不忘本兮公之素旃蕭啟
路歸此壤樹鳴呼有唐元老兮魏公之墓

唐故金紫光祿大夫守太保致仕贈太傅岐國

公杜公墓誌銘 并序

有唐元老太保岐公諱佑字君卿年七十八以得謝之
歲歲十一月辛未啓手足于京師安仁里皇帝愜然不
視朝三日冊贈太傅弔祠加恩明年夏四月乙酉返其
宅于少陵原大墓公之先自漢建平侯晉嘗陽侯而下
忠賢輩出積厚昌大以至曾王父行敏皇銀青光祿大
夫荆益二州大都督府長史南陽郡公王父愨皇中散
大夫尚書右司員外郎詳定學士父希望皇銀青光祿

大夫鴻臚卿恒州刺史西河郡太守飾終三加至尚書
左僕射公總中餘之精靈蹈明哲之大方體仁以長人
厚德以載物器周代資材爲國華程功績事博達宏裕
在元宗朝以門子筮仕解中有聲在肅宗朝以郡掾廷
吏賢侯交辟俄以臺郎御史二千石事代宗以六職之
二十聯之重兵符相印事德宗初自度支郎歲中拜小
司徒時當艱急政有均節持權者排陷改蘇饒二州刺
史以亞丞相顯征南方入居左轄出典陝服旋委節旄
貞師淮海凡居鎮十五年感禮刑二尙書乃進左揆燮
和大政拜章來朝兼理公台綱繆樞極在帝左右順宗
諒闇公攝冢宰因山復土專護其任進掌五教乃平九
賦永貞內禪公奉典策今上繼明真授司徒備物采飾
褒優章均推致四時之和茂明萬物之宜初公來朝之
明年年及懸車抗章告老三上不允厥後詔公每旬一
朝訪決重務以公年與德耆尊老不名後八歲天子憫
煩公以官職之事恩遂堅請禮優師臣大雅稱方叔元
老且非宰政東漢之胡公中庸不理藩服曷若公都將
相之重兼文武之全三代論道兩朝總已披摺紳者凡
六十年致仕就第極其榮號嚮用五福聞然得之在臨
川有愷悌之化涖南海有感懷之畧自淮而南興事在

力三邦之人類共聲詩炳如嵩華刻在金石公既當安危注意之重一人倚愛急宣密啓多所交感嘉保太平承寧諸侯或酒其煩言或導其善氣損怨服義日用不知至有執介圭朝象魏冠功臣之表近天子之光爲時龜龍公所樞極喜士容物羣而不黨理遣情恕犯而不校一言定交生死以之趨人之急惟恐不及不徼福不乞靈物恠氣談不接于心術誠明坦蕩自得于天理中正之外無自入馬國門南出杜陵故地吹清流疏灌藪觴竿引滿金石合奏時賢僑人結轍在門極謝安之林野異陸賈之裝囊卿耆時會陽鳥不驚又以見公放懷推仁無不逮也至若閱天下之義理究先王之法志著通典二百篇誕章閱議錯綜今古經代立言之旨備焉凡推較多士絲幕廷而奮迅者近於百輩將相六職左右曹臺以至列藩二千石不可勝書夫人安定郡梁氏蘇州常熟縣令幼睦之女也專柔淑慎動有儀矩先於公歿幾三十年矣嗣子司農少卿師損與其弟昭應縣令式方駕部員外郎從郁等皆以材能孝謹爲卿大夫元士推擇之際以吏資蔭麻之下有淑聲儼然摧制相視無怙誠信愛敬實加于人以德輿嘗忝府辟晚聯白座每荷同升之義蓋陳無愧之辭直書德輝以鏤幽礎

銘曰

君子之用可以大受斤斤岐公祇事三后慕明盛時其道甚夷乃將乃相乃公乃師六符繇平五福叢滋齊之溫良商之慈愛推本性術發舒光大宣力中外勤勞翼戴懸車乞身知進知退歲在大梁月生一陽以佚以息忽乎茫茫厥穰納書禮優職喪智氣在上昭明發揚少陵鬱鬱著蔡叶吉宰木號風虞泉落日吁嗟岐公居此室

唐故中大夫守尚書工部侍郎兼御史大夫史

館修撰上柱國賜紫金魚袋充弔贈吐番使贈

禮部尚書張公墓誌銘 并序

有唐博物通理之君子常山張君諱薦字孝舉以小司空亞丞相將大君之命結絕域之成貞元甲申歲夏六月出車國門在途被病秋七月戊寅復左轂于青海之西其孤敦簡與軍吏章騎護轎車而東明年春三月至于京師天子憫然加恩追崇大宗伯俾尚書郎弔祠職喪法賻秋七月癸酉安宅于某原君之先漢常山景王耳之後也曾王父義皇澤州治中王父文成司門員外郎贈國子司業烈考不忒揚州天長縣令贈睦州刺史代名儒學至君章大七歲善屬詩十歲通太史公書未

弱冠有令聲于江湖間優遊恬智博貫古今約已求志視苟進如採湯東諸侯表其材以聞廷命左右禦率府兵曹參軍尋以傳車徵加史館修撰以勞授揚國霍縣尉朝廷難諷議禮文之任拜左拾遺換太常博士東求備茂遷工部員外郎轉郎中修保氏之職擢左諫議大夫爲權倖者所侵改秘書少監用久次升爲秘書監前年戎王發導譯請棄細故以休寧西方先皇帝思所以臨存卽敎故有冬官南臺之拜自筮仕至沒身與載筆終始書感聖一王之法考周禮魯史修明褒貶好古者謂君辨裁而直其爲禮官講貫洽聞統同辨異之大乖疑隱微之旨皆折中於君而優爲之貞元郊祀告類報本再以臺郎攝贊大儀知禮者謂之閔達而敏使節法冠從古所難始則內廷參侍出疆命介次則專席委重登車有光戒邊貢之蹄轍紆齊人之杆軸四牡所履陰方洽驩及是以撫和憬俗非君莫可竟以靡盬終于絕漠感慨者謂君盡瘁而忠凡歷十官而八在歷其他三帖職二承攝一追命春秋六十一君子之道有初有終悲夫惟君端直廉正醇醲博厚儼若霹靂中涵靈龜以庸制祿故不至隱約以道藩身故不至燼灼中立大朝爲名卿碩儒和而不同直而不詐東陽之長者富平之默

識繫君有馬初興元貞元之間穀下饑旱乘輿避正殿君引古抗章條其日數詳定昭德皇后廟樂及太儀位號儀大臣耐廟鼓吹之法皆稱典義而爲故事有文集三十卷學華然君子之詞也上疏陳史職利弊指明切寔有裨王度著史通先生傳臣節之貞厲見焉纂十祖贊家風之德善章焉至若宰輔傳畧靈恠集同僚籍寓居錄等又數十編自成一家之言初娶太原郭氏某官之女也繼室安平郡陳氏某官某之女柔嘉有儀而賦命不稱嗣子敦靖爲宮衛紀綱掾次曰敦簡參鄭州軍事次曰敦業敦謙敦紹等克家孝謹執禮哀敬以德與再同玉堂金華之署承先子之歡里仁服義爲日固久泣狀遺懿以表識爲請是用舉其大而畧其細銘諸墓門其詞曰

天下圭表繫乎史職印印冬官二紀良直王者惠澤先於遠人皇皇使軒三抵殊鄰禮以節事每馳極摯文以導誠克諧雅聲思若雲鬱心猶砥平懷黃刻采兮寔稱其服志力方壯兮奄然不淑有生必化兮遠古同塗憫君轉祿兮來自外區難也收子兮故人刻石湛恩禮印兮賁此幽空

唐故銀青光祿大夫守吏部尚書兼御史大夫

充諸道鹽鐵轉運等使上柱國趙郡開國公贈

尚書右僕射李公墓誌銘 并序

維元和四年夏五月丁卯冢宰趙郡公英癯疾薨于永崇里享年六十三天子惘然不視朝追命右僕射冬十月乙酉返葬于洛師緱氏縣芝田鄉之大墓公字令淑趙郡贊皇人曾祖知讓皇河南府長水縣主簿祖承允江州別駕贈太府少卿父疑右武衛錄事參軍飾終四加至尚書右僕射代載德善至公昌大始以經明筮仕爲華州參軍試言超絕補鄠縣尉登朝爲監察御史殿中侍御史由美原縣令課最爲刑部員外郎由萬年縣爲給事中以御史中丞領潭州刺史湖南觀察使就加右散騎常侍領洪州刺史江南觀察使就加御史大夫由二府報政入爲兵部侍郎在途加度支鹽鐵轉運副使至止踰月代今司徒岐公爲使明年遷兵部尚書間一歲轉吏部尚書總八柄平九賦左右理道以紓元元天子方推心竦意倚以爲相奄然大病斯可痛已公溫重方嚴愷悌忠清得洪範之正直大雅之明哲強志特立爲儒門史師中臺草議左曹遺詔法程之下無尤違分畫之下無奇表其爲二方修班制建長利布以休蘇樹之風聲大凡都府歲祲使刻深吏周行文郡鉤掠泉

貨二千石不相聊如桎梏然公則分命部從事覽觀禮俗同人疾苦廉吏善否而已至有經用之羨使郡自爲理得以蠲乏困補庸亡府無私焉四履之內遇凶旱水溢損有餘以均不足農里無大乏官司無宿憂引邦鄉碩生勤學講藝導彼輕情率循教化皆有聲詩揭于康莊其制國用也調盈虛御輕重阜齊人之業而地不加賦偉公家之急而利無所謀先是池澤之稅因緣爲奸牢盆以私幣貨濫濫公則去一朝之便質終族之成變其苦窳以寬物力盈入之數不可勝條上嗣位之歲發武庫禁兵以誅劉闢三蜀之饋不乏於軍千金之費不征于人揚天聲於井絡斷戎首於齊斧是皆謀猷大績經理大本豈止于漢廷桑大夫耿中丞區區然商功利析秋毫而已哉其爲天官已嬰寢患猶與郎史切刺奏書去繳繞之科禁絕私回於貲吏士之多調者多受賜焉內外掃之際精爽不亂與上介言職業雖康寧晏間之不若君子以爲難自解巾褐至捐館舍凡歷十六官利刃所觸大車所載文理聰明卓冠出倫規爲密靜矩度章灼大吏之所表的諸公之嚴重其文采英精實循道體要不爲曼辭其術學博浹折中定疑而不理章句嘉士尊賢開懷盡簪絲桐博奕談笑嗚喙每有餘裕而

無留事志在端正百度儀型四方以睿明宏濟爲已任而績用未久斯吾君所以當宁流嘆而衆君子失聲恒化豈虛也哉凡三合姓初曰范陽盧夫人太子賓客幼平之女次京韋氏二夫人潁州刺史允洎膳部員外郎襄之女以從祖妹而繼室焉皆以華腴淑哲不幸凋落長子紹左衛兵曹參軍鳳翔節度巡官專謹有馴行嗣子繼京兆府參軍飾躬強學幼子紵編皆以門蔭在仕次紹繼等泣次先公官簿事業請書墓石且以理命見托故不得讓焉銘曰

大行之東全趙古風鍾懿美兮左車武毅元禮文事叢慶祉兮天官冢卿莊重廉清大君子兮精金斷割良玉特達視所履兮表率二邦鰥孤惠康斯樂只兮切齊八政底慎徽令有經紀兮宜登上台以賦羣才命適已兮緜原厚地追琢欸識神在此兮

權載之文集卷第二十三

唐權德輿字載之

墓誌銘

唐故太常卿贈刑部尚書韋公墓誌銘 并序

維貞元十七年秋七月乙酉太常韋公諱渠卒年五十三啟手足于靖恭里戊子詔書以大司寇印綬告第其孤博古近古等號眺崩慕以冬十一月甲子著與蔡叶告空于某原其徽數用天子之追命其誠僉用先人之理命旣而續書出處之義行官業請斷圓石藏于塋內云公字某京兆杜陵人自楚元王傳漢丞相節侯恭侯而下其族盛大天爵人爵沛然兩集六代祖範隨郿城莊公會祖餘慶皇坊州刺史祖景駿房州刺史父永著作郎兼蘇州司馬同氣齊名皆以文學論著爲賢卿大夫而著作志氣閎邁落落有奇節公卽第若干子也年十二善賦詩屬書未弱冠博極今古尤精史藉力行過人且以爲天子在魯則衣縫掖在宋則冠章甫范蠡在陶爲朱公在齊爲鳩夷子皮於是傳心印之法於金陵授谷神之道于華陽或爲塵外人或爲遺名子其達觀也不名一行其元同也會歸三教蓋周流揭厲無入而不自得焉終以儒服服素王之道大厯末丁著作府君

憂倚廬于壤樹之側以純孝感嘉生廉車列上州閣登
 敬貞元二年起家拜校書郎五年轉左武衛騎曹掾皆
 為知己者從事八年大成均表其名經可領學徒遷四
 門博士十二年夏承詔與近臣名儒繼黃大士講議于
 麟德殿上以為能拜秘書郎尋獻詩七百字極其文采
 歲中歷右補闕左諫議大夫再當言責之地切劇獻替
 數進熟于君規事建議颺起鋒出卓犖頡頏取重於時
 三接日肝公卿仰其風采薦巖穴有道之士以待兩言
 其他推轂皆一言感槩就義若渴見不善如探湯與夫
 陰拱自愛持容容之計者固為愈矣間一歲遷太府卿
 錫以命服又間一歲遷太常卿泉藏受用之法絲絕禮
 文之事峻科禁以絕其私酌儀制而合于中破病乞告
 禮愈優而不得請壽與志皆未極而死悲夫公敏於歌
 詩緝采綺合大凡文集若干卷撰莊子會釋老子金剛
 經釋文孝經維摩經疏三教會宗圖共十餘萬言又奏
 修貞元新集開元後禮二十卷詔下有司令行于代當
 其憫坐馳哀弱喪也泛然若不滄於物及披肝膺承願
 問也毅然若不有其身起儒官博士三十四年踐文石
 登玉堂赤車金印燿灼中外其所以得之者無他膺故
 也禮器曰觀其發而知其人之智洪範曰俊民用章噫

嗜太常之道其智而俊歟雅為晉國韓公魯郡顏公之
 所薦寵魯公嘗稱遺名子洞徹三教讀佛書儒書道書
 向三萬卷又多言其神奇之跡今茲不書姑書其章明
 宏大者用識窅窅一以申嘗僚之義一以遂孝子之心
 其銘曰

儒有奉常兮旁觀三元強志敏心兮詞義紛綸初委約
 以卷懷終發舒而顯尊出四門兮登三閣居保氏兮謬
 謬開知囊以當法座印纍纍而綬若若天衢凌厲兮才
 較群文服官政兮年中身感截道兮駟過隙夫何一烈
 聚散之云法逝者固不可作兮鏤貞堅于墓門

唐故朝議大夫太子右庶子上柱國賜紫金魚
 袋韋君墓誌銘 并序

君諱聿字某京兆杜陵人六代祖郿城莊公範有勳力
 於周隋間範之孫機實居大農艱貞忠厚書在國史機
 之孫贈太子少保岳八子為二千石皆有風績生贈太
 子太師貴仕至藍田尉清方粹遠天爵自修有才子四
 人君為冢嗣承少保太師祖禰之慶故延耀發舒于君
 伯仲之間少開敏有才智通覽書記不為章句備天寶
 中以門子奉清廟齋祠試言會府補宣州南陵尉歷揚
 州天長丞越州兵曹掾涇原節將表為參軍以廷尉平

攝監察御史未及行授揚州錄事參軍尋爲本府薦拜
秘書郎兼殿中侍御史以官名心畧換太子司議郎俄
擢侍御史檢校祠部員外郎皆爲淮南從事貞元十二
年徵爲水部員外轉比部郎中德宗召見賜以金紫命
服俄遷衛尉少卿國子司業用久次拜右庶子元和三
年九月景戍以官壽歿于長興里春秋七十五君初筮
仕已辯疑摘伏全活枉濫厥後率爲守臣薦引惡丞史
紀綱塚皆以理劾聞自簪法冠贊戎重或筦府政以修
吏理若摻筮鍾而揮孟勞度音觸物非輩類所及所奉
之主卽故居守杜扶風公今司徒岐公其人也介弟太
尉南康忠武王有大烈于王家同氣致美士林景行不
乘勢以燻灼每虛懷而坦蕩再爲尙書郎業以修計部
稽百事財用之敷嘗欲覆視禁軍董正其簿書雖事適
中止而聞者竦嘆洎佐師氏相東朝克詳憲令以中宜
適朝請休沐或近郊考勝漢廷臣賢士大夫車常接載
必釀酒理具惟怡晏晏交有久要而言無取謫平夷疏遠
造適遺累有君子之樂焉與夫拘攣枯槁局束于一代
者異日論也素強力無疹癘奄忽啟手足庸詎知非五
福之康寧以考終命耶故公以元老總國柄每退朝清
問日與君曼言一旦相失涕洟恒化夫人榮陽縣君鄭

氏某官某之女淑溫仁順爲六姻法凡台體若干年先
於君歿者半歲嗣子行檢進士第自臨律師郎移州司
戶有文業爲素藝器幹次子業行修皆修詞與計偕次
某等頗經術某等尙幼女子有行者四人在襁抱者三
人子婿某官某某官某等皆華宗良幹訥訥會事行檢
等令龜謀著得十月某甲子吉以德與同辟公府周知
所履將琢圓石見咨直書銘曰

桂陽之系郟城之裔伊上族兮亞于大僚相彼東朝介
豐福兮吉凶紜纏以息口口斯不淑兮直城南偏卽遠
歸全覆夏屋兮茲焉追琢以識冥漠表陵谷兮

唐故大中大夫守太子賓客上柱國襄陽縣開
國男賜紫金魚袋羅公墓誌銘 并序

公諱珣其先會稽人蜀廣漢太守蒙晉西鄂節侯憲給
事中龔皆以茂績焯於前載曾祖彥榮皇同州長史祖
思崇韶睦常三州刺史父懷操桂州興安縣令贈華州
刺史實有清行藏於家牒公早孤貧篤志好學舅氏徐
吏部浩器以遠大以其兄之子妻之實應初上書言事
廷命太祝由吏資轉長水河南二縣尉萬年主簿分董
計司湘中之賦授大理司直嗣曹王以宗室吏師節制
洪荆襄三府公皆贊其師律歷監察御史殿中侍御史

祠部員外郎府除徵為奉天令刺盧壽二州就加御史中丞入為司農卿京兆尹移疾乞告改太子賓客凡蒞十六官考績四十四年宏厚有局度辨論通事敏而有文忠而能力緣飾楨幹所居可紀初結綬滿歲調於有司會舅氏居選部上其名於幸府試言二篇比與菁華及賓曹邱兼管書奏下安陸應山露布於朝矢石雨下合章迅發介漢南也武人因府喪以封軍是壽張無狀公立斬首惡十餘曹且命環棘於廷俾投所取以黃罪問一日而金幣皆復微公之才則一方幾亂其宰陵邑內官劾午吏有因緣橫猾以犯禁者榜笞至死人用知懼凡田里之闕庸亡之徠皆倍于始至而不書於籍盧江劇部號為難理強家占田而寡人無告鄉校廢落而冗吏猥多被病者捨醫事求活祀公皆去其弊而圖其利人人得盡四支之敏而務十全之術修起經師弟子以理庠塾每歲以廉茂計偕者倍於他邦化條簡易和氣浹洽靈芝產白雀至連率令司徒岐公上其理狀詔錫紫金命服壽陽與蔡人接壤有州師萬數天子命中國貴人監理視方任焉訓武備飭文事嚴重廉清理行第一入以材能為九卿典司金穀由朱邑之課第循半融之事任其尹京穀不施鉤距膏請減縣內平糴之半且

以嘗賦輸於公上者充焉精力惠養人蒙其利前史稱吏不廉平則理道衰旋觀夫人之所蒞有以見朝廷理道之所繇也年者疹痲乃喞然曰吾以澤國書生累至二千石居大農內史止足休老其在茲乎拜章歎上雖處以儲寶優秩而不得謝以元和四年冬十一月啟手足於宣平里之私第逾懸車者四歲夫人東海徐氏同州司馬參軍浚之息女婦道柔正不躋偕老嗣子讓卿舉進士博學宏詞能直言極諫三登甲科為校書郎咸陽縣尉毀瘠孺慕如不欲生號奉轎車以某月日歸祔于會稽之兆域以德與與公同服大僚頃歲奉行中執法之詔又嘗讀亡友楊愬公刻金石遺愛之說公之率履固為周知識諸窳窳不敢辭也銘曰

懿彼君子兮有猷有守其心不回兮其進不苟中外賦政兮人之父母金艾被體兮華纓耀首月在子兮歲居丑復東榮兮寢北牖火歎列兮纁元紐歸鮮原兮巾廣柳邱夷谷變兮何不有追琢貞堅兮天地久

唐故朝散大夫守秘書少監致仕周君墓誌銘
并序

君諱渭字兆師其先汝南人六代祖衡仕隋為淮陰郡司馬子孫因家焉曾祖頂口杭州長史祖守則婺州金

華丞父隨州環陽令三葉沉晦纒數未華皆以義行稱於州里君服儒篤學工爲詞賦大歷末常潘繼居小宗

伯號爲得士君與令弟澈聯中正鵠于二有司之下是歲孝文帝嗣大統詳延諸生又以貞師伐謀對有明法

授汝州襄城尉時太傅崔文貞公以匪躬當國兼綜書殿表爲校理歷富平長安尉拜監察御史董選補于南

方南方吏理清而風俗阜抑君是賴復命其勞轉殿中侍御史平理詔獄清公不苛遷膳部員外郎祠部郎中

典曹草議遵道循性居太微積星之位十年不徒官其有據利權大寶燻灼於時者君必畏而遠之居易自是

前歲凶旱詔罷郡國選舉慮殿下艱食之不給也君抗疏以爲無肆眚且久得非濫刑失職者含冤以整和氣

邪臣以爲答于天戒者在此不在彼雖留中不下而士友多之上皇踐阼章敘時儁君已感疾拜章請老有詔

授秘書少監以優遂之先築室于崇德里有嘉樹修竹休沐吟咏以文自娛每得一佳句如獲官祿恬于進取

用此故也赤紱華髮燕居考詳方膏精神以順和理承貞元年冬十一月甲戌奄然大病以啟手足春秋六十

六夫人河東薛氏將作監丞肅公之女雅有儀操有子三人從魯從禮從質克稟風訓以明年二月某甲子號

奉寰帷返葬于緱山縣唐興鄉之北原刻石銘墓以昭景行銘曰

猗歟周君探六義思無邪詞頗類安久次復郎吏謝浮榮佐中秘洛師緱原潛厚地刻勅貞珉書此誌

唐故正議大夫衛尉少卿聞喜縣開國伯賜紫金魚袋裴君墓誌銘并序

君諱會字某河南閩喜人有唐元老左僕射贈司空貞孝公之元子惟司空左右肅宗壽與位伴百順五福宜

鍾厥後雖不能嗣居公相者必用攸好德考終命焉君孝悌睦友慎厚敬讓直而和柔而不犯駟行克家學古

入官乾元初筮仕太常授奉禮郎再轉至主簿廣德初以宰相子行修飾特加正議大夫累登東朝爲中舍人

率更令仍副少府又貳殿中令司徒北平王之節制河東也表爲戎左檢校吏部郎中貞元元年早蝗相乘列

郡災耗君奉府檄莅于定襄勞徠安集有異等之効就加金印紫綬以囑其能五年從北平朝京師拜膳部

郎中八年轉衛尉少卿九年戊申終于位享年四十六噫嘻君有甘白之姿而受采和有惠餘之量而蒙覆露

徊翔省寺周旋官業質於典憲故不踰詳於奏議而有章蓋齊敬於宗廟惇愷悌於族屬以友輔仁以酒全神

忘懷久次未嘗諂黷雖不踐右職立章章之效而厯官

十一列爵故里辟三公府以政事稱被薦紳奉朝請者

逾二十年無過言無違德啟其手足歸全於先公君子

以為難再娶皆博陵崔氏前夫人新繁令平之女繼夫

人大理評事陽元之女咸有婦順不幸早夭其孤曰定

為左千牛備身定弟密弟字年甫成童咨於叔父前

京兆府戶曹向以十月某日返葬于東周萬安山之南

原一夫人耐焉孝子悌弟用誠信義事禮文家法率履

無違言世功冠族者以裴氏為河東盛閥自魏翼州刺

史徽種德滋大纂承紹續十有二葉至贈中書舍人義

宏仕至梓州元武丞君之大王父也舍人生贈司空倦

歷給事中杭鄧二州刺史君之王父也門業風緒天下

稱之今纂書其畧刻于墓石銘曰

濟濟德門温温恭人司空之子司徒之寶位止亞卿年

不中身遽歸其全乃返乎真上有宰樹兮下有野土闕

此幽宅兮萬安之下

權載之文集卷第二十四

唐權德輿字載之

墓誌銘

唐故金紫光祿大夫檢校禮部尚書使持節節都

督廣州諸軍事兼廣州刺史御史大夫充嶺南

節度支度營田觀察處置本管經畧等使東海

郡開國公贈太子少保徐公墓誌銘并序

公諱申字維降東海郟人五代祖周宣州刺史瓌瓌生

隨江州司馬晏晏生吉州太和丞仁澈仁澈生皇吏部

郎中諫議大夫元之元之生公烈考汾州司戶參軍贈

信州刺史大凡自偃王而下用仁義世其家諫議之文

行信州之廉退及公始大永泰初當著作賈常侍至操

柄儀曹舉士林之菁華進士上第調補秘書正字四征

翹車相屬于途望公舉趾以為重九江而西服嶺而南

與朔寒被邊之地聯為命介歷大理評事司直監察御

史太子司議郎殿中侍御史錫以章綬冀國路公之誅

哥舒晃也公以從事主謀居多嗣曹王之守鍾陵而誅

李希烈也公以長史行刺史事調州師以護饒道厥勞

茂焉江漢既清拜韶州刺史先是長史不任職官曹弛

廢刺史寓於理下邑之令丞與編人雜處比屋庸亡公

田爲蕪公乃假之耕牛賦與種食人人自占視其力而爲之制歲乃善熟積爲倉箱於是計徒庸程日力作爲城寺大治垣屋廡置市列道穡器用皆備焉罷去之日夫家名數倍差於始至而不書于籍邑子張捷等五百人獻其理狀得請於觀察府以函奏書請立碑祠公置然止之曰此刺史職耳一旦上聞與沾伐者何異所不忍爲也府不能奪改合州刺史以先濮陽郡太夫人兆域未耐表求改葬總麻既除以御史中丞領景州刺史自兵興四十年山東諸侯率強大驕蹇郡二千石多自命於轅門蓋縣官息人舍垢而因緣漸漬然也至是朝廷以滄州負海勁兵處乃建節將幕庭裂屬城以置支郡會其帥亦請缺守於朝朝論難之二府比推擇未稱因召公入見而面命焉錫命服文馬縉錢五十萬尋加節度副使中朝之條職憲令始被于景人是歲節度使來朝既從父兄爲代表公以本官爲軍司馬陳情去職徵還京師復以御史中丞出莅邕州領經畧之任開南蠻徼道宣明威信種人黃氏納質請命化條風行獫狁以清明年中貴人持兵符詔書至部以御史大夫督南海二十一州軍事而節制焉前此守臣物故軍吏乘變竊發印符易置部校拔用惡少年百輩軍中幾亂相率

亡命公既至捕誅首惡悉原諸誣誤者夷越負險阻白晝攻剽芟夷根株使無遺類然後布以寬大人安作業溟漲之外巨賈萬艦通犀南金充初狎至天子之恩澤賜子聲明物采皆待焉上應急宣以馳疾傳下無強賈用絕奸利和輯招徠外區懷之則四封之內其理可知也朝典疇庸進階至銀青光祿大夫時庸蜀失阻公密疏請發卒徒五千循伏波故道由焚蠻抵岷峨以會師期誅不恪詔可其奏就加禮部尚書秩正三品疏封東海命書未及至奄捐館舍祿以太子少保印綬弔祠稱焉是歲改元元和公之生七十年矣嗚呼以文發身以智經物惠和直溫忠恪廉清佐賢侯長轂皆有理効在詔也典事功在景也修班制朗寧察風俗南海整師律以八命居六官攸好德考終命其蹈履之全乎夫人渤海高氏早歿繼夫人扶風郡夫人竇氏柔明有賢行嗣子右衛倉曹元弼似續文敏號眺毀慕以某月日寧神于東都偃師縣之某原乃刻石以傳永久銘曰

噫徐公有質有文有義有仁名聲章明邁群倫兮噫徐公不伐不求不緇不磷贊佐四征暢嘉聞兮公之攸人于部于景于邕于廣朱幡照路利攸往兮公之愛人以清以靜以惠以養流庸集附如影響兮如何不庸奄忽

鞠酋著龜之同天地之中吁嗟乎徐公

唐故尚書工部員外郎贈禮部尚書王公吹葬

墓誌銘 并序

元和十年秋故兵部尚書贈尚書右僕射王公之孤曰元秦元質元弼等舉其王考贈禮部尚書之殯于玉山王妣贈隴西郡太夫人李氏之窆于潁陽泣問龜策得八月壬寅安附于萬年縣鳳樓原吉克成先志孝孫之心也尚書諱端字某太原人曾祖某某官祖某某官代理儒術至公以文學策名舉進士去詞連得雋於春官天官之下解巾崇文館校書郎改右驍衛兵曹掾隴石節度奏授大理評事為其上介天寶十年拜監察御史十三年轉殿中侍御史俄以本官內供奉贊東京畿採訪之重十四年遷工部員外郎謝病請長告南洋江湖因寓幽陵兵亂啟手足于行次春秋若干是歲乾元二年也娶隴西李氏隋大師申國公穆五代孫吏部郎中問政之孫城門郎韶之女賢明有儀操生子三人長曰緯被服緇褐修無生法次曰紆以文章繼公用備造履清近諫垣載筆在帝左右綱紀都曹典司庫兵歷外郎正郎直誠厚行為士君子儀矩次曰紹繇小司徒三為六官於外則保釐東郊節制徐方當德宗朝齋納尊信

漢廷臣莫二時上馭天下歲久宰政之外大僚往往以辨智材能獻熟得君者或險夫以務伎害或妄誣以取快愜僕射則和平將順不疾不惑人到于今稱之故公以義方昭慶再受二千石五曹之錫積厚流光可勝言哉先遠喪事未得吉卜而歿元泰等茹荼繼志經啟鮮原以德輿與其先人同於汴東江西從事同為郎吏同為尚書藐然無容見託傳信雖文之朴野其可辭乎銘曰

尚書為父僕射為子家聲章章令聞不已萬有千年兮邱封在此

唐故朝散大夫使持節都督容州諸軍事守容

州刺史兼侍御史充本管經畧招討處置等使

譙縣開國男賜紫金魚袋戴公墓誌銘 并序

維貞元五年夏四月容州刺史經畧使侍御史譙縣男戴公至部之三月以疾受代廻車驟駱六月甲申次于清遠峽而薨春秋五十八明年正月庚申返葬于金壇玉京原之舊封宜敘世德以識幽窆云公諱叔倫字幼公本譙國人其先在宋為公族於漢為儒宗東漢則有司徒涉西晉則有司農遠達後南渡始居丹徒八葉至宋臨湘侯明寶曾孫梁左丞曷嵩元孫皇德州司士好

問公之曾王父也王父修譽父眷用皆自縻天爵不顧
翹車傳次君之禮文盡通與旨師安道之晦德尤惡知
名故世風純慶及公而發公早以詞藝振嘉閩中以材
術高功利終以理行敷教化率履素王之訓周旋君子
之儒淑聲休明苾芬四暢初樞衣於蘭陵蕭茂挺以文
學政事見稱蕭門文本菁華而長於比興榮如采章鏘
如玗璜鼓鐘于宮累辟大府分命于計相也則爲湖南
河南留後自秘書正字三遷至監察御史曳裾于賢王
也則爲湖南江西上介由大理司直再轉至尙書祠部
郎中其阜人成化也則東陽一同之人沐旬歲之治撫
人飲三年之惠容人被踰月之教楚人聞詔而歡承計
而哀不及蒙其澤歷官十一而雲安不書所至之邦必
刻金石始在轉運府也董賦于南荆會劉將楊琳擁徒
阻命詔書告諭初無革志宵引銳卒劫脅使臣曰歸我
金幣可以紓死公山立不撓勇生于仁端其詞氣強於
師旅暴叛知感乞盟于公黎明率其徒西嚮拜泣指期
詣闕冢臣列狀天子召對而推功于府不伐其勞時談
翁然勇讓具舉其在臨川也清明仁恕多省費力畧蜀
郡崇儒之化南陽均水之法精力區處民以便安田壤
耕闢獄犴清淨居一年羣書褒異就加金紫未幾而有

容州之拜且都府所治列城十三訓戒撫俗之任招徠
式過之寄非通方明畧無以威懷蓋皇慈所矜先於柔
遠方將愷悌於夷落致風俗于休嘉議者以九伯二南
可政而至天則不弔末如之何君直清篤厚博物通理
有大學之明誠大雅之疏達靜如淵泉動如鎮千不繼
不磷與令問始終起布衣儒服位視方隅歸全之日纔
具祭器去國見麾幢之盛返葬備祔輶之儀列松檟于
舊封展牲牢于新薦哀榮之禮鄉黨稱焉初公娶京兆
韋氏永州長史采之女繼室以博陵崔氏殿中侍御史
殷之女皆淑明柔嘉不幸早世允子曰邳曰加年甫及
亂哀如成人公仲兄新城長伯倫以子夙承公歎且有
遺託旣不獲讓是用直書銘曰

信都九江文禮章章百代彌光司徒佐漢司農匡晉乃
熾而昌世無遺德時有通塞或行或藏克生容州貴爲
諸侯其道直方政成中和播爲頌歌化被二邦列爵疏
土燦爛龜組鑿聲鏘鏘宜享繁祉以媚天子今也則亡
返葬故里偃山之趾德音不忘

唐故朝散大夫使持節饒州諸軍事守饒州刺
史 上柱國崔君墓誌銘 并序

博陵崔氏爲山東右族以政事方直稱者曰饒州刺史

諱適字某貞元十四年某月甲子痲疾終于所部之廨舍春秋若干君仁厚信實方嚴清厲事無枝葉而願言必踐交不諂黷而與人必誠深于士行精於吏職蓋其天性然也一命爲懷州參軍累遷至大理評事司直監察御史好時武功二縣令常絳二州司馬乃理富平遂佐興元貞元十一年春以西諸侯之師轉粟調食特拜倉部郎中兼御史中丞以董其事其年冬徵拜衛尉少卿明年改鄧州刺史庾蓋將行又換鄱陽縣官十五竟未充量其爲御史也賈常侍至以才名尹毅下實所慰薦爲之賓介蔣常侍沈以公廉幹河運交辟將事宏助居多其宰封畿也縣鄙之地直于西郊禁衛之師勤于左次事爲之節官修其方軍與人安圍境誦誦其佐晉陵也晉國韓公當撫封之重署爲推官輅傳所至平反審克假守新定新定之人宜之薄于進取未數月引去其領陵邑也充奉肅敬里閭均定黠吏強家望風累息相率屏匿者十八九其分憂爲邦約已惠人樂易而知禁清明而不擾此皆懸職必聞之效也至若章章尤著爲士君子之所景行者則奉使西土鄙能言之縣官以乘塞宿兵旌旄相望饋饗之重非君莫可旣而經費出納制於中臺尅伐之人順非言利大率以布帛之不中

于度不鬻于市者積以歛濫備其名物移用於軍增三倍之價平糶于人無一時之蓄掠是根本命爲奇贏旣衰邊備實蔽理道時有覆視誨其相蒙徒列簿書之文不登釜鍾之量因緣謬巧觸類而起君受命不苟臨事風生條其積弊盡遠聰聽雖狃狃之吠營營之飛置於度外不直不已連章上懇詞旨深切羣情惴駭處之恬然謝病乞告終無所屈皇明嘉納入亞九卿時縉紳之士多以憑暴爲戒林旭附離而不能自固者多矣如君之特立剛毅不更其守古之儒行何以加焉此德與所以受其孤之哀請而不敢辭也君之曾祖元基皇朝散大夫會州長史祖紹先皇揚州揚子縣尉父貝皇大理司直兼河南河陰縣令代名士行裕是遺烈初君娶于某氏某官之女生子曰包而歿繼室以某氏某官某之女皆有淑行如君之志以十四年某月日叶用吉卜附窆于河中某縣鄉原之舊封禮也初包以德輿朴而好直且嘗奉行君之命書者四乃列其官簿次第俾識于墓石旣而包毀瘠滅性天子倚廬之中諾其請矣故銘之曰

崔君之直兮不枉尺兮崔君之正兮不由徑兮展如之人宜錫蕃祉兮天實奈何一麾適已兮禮禮惟裳來自

都之陽兮巖巖邱封葬于河之東兮刻此貞珉識清風兮

唐故使持節蘇州諸軍事守歙州刺史賜緋魚

袋陸君墓誌銘 并序

君諱參字公佐吳郡人曾祖某某官考某某官君蚤孤與兄隱居于越越有佳山水率子弟耕汲於其中日修桑門之法墮落人事貞元初兄既歿始為宗姻二友所強慨然有應知己之心繇試佐環衛歷大理評事攝監察御史裏行佐黔中又以殿中侍御史內供奉佐浙東凡四居憲賦介二方伯皆有直聲休利邦人宜之十二年所從既罷繼之者再至率以重禮禮君終不能屈非所樂而不苟合故也朝廷宗公賢大夫多悅其風十六年徵拜祠部員外郎居二年執事者上言其才請為劇曹會東方守臣表二千石之缺天子方加恩元元循青吏理面命執事曰誠如是姑使為郡須其報政縻加好爵遂拜歙州刺史在途發瘡夏四月景子卒於洛師享年五十五夫人河東柳氏殿中侍御史并之息女才淑有賢行長子某年在羈貫嗣子某未離襁抱夫人既得吉卜且以孤藐之詞請表墓于父友故鄣夫泣書于瘞門之外而不讓云君峻而通直而不黨至若流俗之齷

齷細人之姑息屑屑汲汲之態不萌于胷中器度夷遠英華發外居常無怵迫臨事有風節同心定交造次以之評議鑒裁清明不惑讒善親仁發于肺肝文章宏朗有作者風格學不為人與古為徒嚮使登其年充其量束帶公朝其骨鯁魁壘之士歟常與故虔州刺史隴西李公受故右補闕安定梁寬中今禮部郎中京兆韋德符右補闕廣平劉茂宏秘書郎趙郡李叔翰方外士右論德博陵崔公頴暨予友善噫夫相視莫逆行二十年洪範之攸好德儒行之遠莫致今則已矣可勝慟耶時貞元十八年歲直鶉首秋七月甲子鏤堅石而銘曰噫噫陸生中和粹清直如朱紵潔如白珩或默或語不將不迎如何斯人奄忽真真虫蛆下輩敲穀或丁蹉蹉芳蘭嚴霜夙零命不可問死不可作嗚呼陸生

唐故尚書司門員外郎仲君墓誌銘 并敘

君諱子陵字某其先魯獻公仲子曰山甫入輔于周食采于樊其後魯有季路衛有叔圉用儒行政事代為家法曾祖督始自彭城徙于蜀郡祖夔博究六藝州閭推重考遠清靜寡欲理老嚴之言三代曠僚純白不耀君卯歲好古學與同門生肄業于峨嶓山下採摭前載以為文章樞要者紬繹區別凡數十萬言大曆十三年

舉進士甲科調補秘書省校書郎歷同官醴泉二縣尉
貞元十年舉賢良方正拜太常博士轉主客司門二員
外郎十八年乙巳寢疾歿于靖恭里第享年五十九修
身慤固爲學精力其初典校有詔百執事詳定冕服炳
然上奏得禮之中再仕旬內皆參奉常論誤之務后蒼
二戴曲臺石渠之論乖疑難正者咸折中焉有司請正
太祖東嚮之位而祝獻懿二主讓者云云君議畧曰九
聖在天二祖在祧國家卜代及年未始有極宜立定制
爲萬代程請遷二主于德明與聖廟詞甚切正後以異
論紛紛又著通難一篇引今據古諸儒不能屈難留中
未下而知禮者直之爲郎三歲受詔典黔中選補賦祿
清平南人悅焉皇皇者華道於故里里中人以爲榮觀
復命踰年稍進郎位循性詣理恬於聲榮曠然放懷以
馮唐顏駟自况修詞甚博推本六經賦詩類事往往有
卓異不羈之韻達於禮服上下古今儀制著五服圖十
卷自爲一家之言起庸蜀諸生以文義自達至禮官元
士三登於朝講義洽聞不疚不貽與夫憑覆露乘地資
而至大僚豐祿者難易殊矣子雲耆老相如多病內外
掃之日圖書樽酒而已升東榮而復者假他人之室可
悲也夫其族嗣郢王之藻女宗室公宮稱其賢淑生一

子無頗幼學而孤卜七月甲申竊于萬年縣之某原其
理命也德輿常忝知君用深恒化遺孤哀請因直其詞
銘曰
噫仲君直而文心秉爨學軼羣富宏議暢嘉聞中止水
外浮雲理真化法刻圖石識幽墳

權載之文集卷第二十五

唐權德輿字載之

墓誌銘

唐故朝議郎行尚書倉部員外郎集賢院待制

權府君墓誌銘 并序

公諱自挹字某天水人其先殷王武丁之友因封命氏楚遷於郟處秦徙于汧隴縣代多才繼有勲力四代祖襲慶周開府儀同三司相定興壽殷五州諸軍事冀州刺史齊郡公會祖武隋開府儀同三司浙豫桂三州刺史潭府總管始平郡太守右武衛屯衛二大將軍天水縣開國伯考無悔皇朝請大夫晉州趙城縣令公年十四太學明經上第因喟然曰學不足以究古今之變而干祿者非吾志也遂養蒙于終南紫閣之下窮覽載籍號為醇儒非其道不合非其人不歷南和寶鼎二縣尉天寶中河湟之間踐更以禦寇平糴以饋軍皆以御史董之聯辟從事既而幽陵兵興二京震蕩搢紳之士多在劫中公艱貞終吉盜不能汚尅復之歲制授醴泉尉尋攝監察御史充河西隴右宣慰使崔中丞伯陽判官輅車所履人誦其惠歲中崔復命遷左馮翊表為祠曹且佐州師朝廷以公文而無害特拜監察御史諫以

自牧受大理寺丞學該今古加集賢院待制職通理典遷尚書倉部員外郎大曆五年春感風疾請告十有二月終于布政里私第享年七十惟公得大易之含章中庸之居易知前古之善敗稽六學之義類靈龜恬然天爵自貴夫如是則通籍書殿起草中臺於諸生不為不達而充公之量則未也與故王右丞維今歸尚書崇敬為文雅道素之友其餘或不踐其域故知我者希夫人大原王氏監察御史造之孫也郭縣令侑之女淑行明德輔于公志叢是福履近于期頤公之喪既除二十三年而夫人歿壽九十三時貞元十年十有二月也嗣子某官皆以舊德蕃社叅居吏員盡厥誠信貞于龜筮以十二年二月耐葬于咸陽縣洪瀆原禮也以德輿諸孫之列習于舊史郊子之學誠慙古人勝公之室敢識幽壤銘曰

周隋之間受封于齊代有武功抑抑倉部德音不同藹然儒風考正圖書彌綸憲章其道昭融黃裳之吉大雅方直位則未充惟此令德與彼內則委鮒而終咸陽古原耐空雙魂淑聲無窮

唐故金紫光祿大夫司農卿邵州長史李公墓

誌銘 并序

公諱銘字某不書州里尊宗室也初景王之友啟封于蔡繼別爲宗厥後多材皇龔濟北郡公孚公之曾祖也隴西郡公津容公之父也濟北仕至國子司業贈太僕卿隴西仕至慈衛汝邢青五州刺史終永王傳以至列考愴歷監察御史殿中侍御史尚書倉部員外郎累贈職方郎中虢州刺史公卽虢州府君之第若干子也憑是積厚蔡生福祉少以門子入官聯調兩宮環列之佐次補伊闕丞是歲天寶十四載也虢州捐館陞陵兵起茹毒遠難南浮江淮旣除喪宣州觀察使鄭良之表爲廣德令時劉展阻命東方愁擾閭里制于萑蒲守臣化爲寓公而公之縣鄙連亘山洞盜有陳莊陳五奢者是焉囊橐攻剽相因良之疏在尋陽牒書密至署爲上介俾輯輿師靖綏擾遏人用寧紆後歷揚州太原二紀綱掾府之損益皆所關決執法殿中侍戎北門會罷使至京師獻狀居最拜奉天令有命成城續用居多未踰年遷侍御史充宣武軍節度行軍司馬時師帥以睚眦及譙進律開府韓厥之任朝遷爲難蓋以彌縫左右非公莫可最凡三爲尚書郎四兼御史中丞以銀印青綬歷官相常伯之重府遷大梁職尊統師公皆以司武從之蓄資力以崇威望宣忠勞以宏班制居則持重戰則

有功無細無大緊公謀是賴雖羊舌職之聰明肅給鐸遏寇之恭敬信強無以過也貞元二年真拜左庶子三年復以本官兼御史中丞充入蕃使尋兼御史大夫行次回中察其陰詐密疏累陳不可在盟之狀時朝議已行謀塞不用旣而戎人表甲急變上聞乘車東轅獨以智免以久次遷衛尉卿秩以金紫乃命大農爲國之泉首公修職惟直是視無所阿附終用蔽傷左遷邠州長史以十三年十一月日寢疾終于所莅之官舍春秋若干惟公開敏毅直信廉仁勇有政事方畧長于理煩遠而不泥文而無善始以通邑行師振其名聲交辟元儻翻飛清朝腰金鳴玉法象河海議者謂蕃垣京穀公宜居之終以當官有守寧諛不苟不爲利疚於回鬱墮下國以至大病始可嘆已夫人范陽郡夫人盧氏某官某之孫新安丞某之女華宗淑問光輔閨門無詭離無佞遂內姻外姻仰其徽風先於公二年而歿長子元亮以武略至御史中丞不幸早亡次于元道以吏才爲大理司直兼監察御史參陳許軍事次日元規進士第蓋屋縣尉次日元會前右金吾衛兵曹參軍元簡江陵府參軍元舉太元府參軍元弼元衡元輔等皆裕蠶知方儼然在疚考于象數先遠得吉以十四年某月日奉公夫

人之喪祔空於伊闕縣萬安山南原先公之兆域禮也
德與王父王族之出也先人于公爲中表昆弟羈貫獲
見殆四十年元道等泣以墓石見託雖文之鄙朴而不
敢辭也銘曰

抑抑司農系于蔡兮三珪再踐直方大兮心廣體胖道
將泰兮中立不同官左退兮發書問鵬禍所會兮換日
焯龜紛祖載兮萬安鮮原風雨晦兮鏤此貞珉璫之內
兮

唐故朝散大夫守司農少卿賜紫金魚袋隴西

縣開國男李公墓誌銘 并序

公諱條字堅後以字爲諱淮安靖王贈司空神通之元
孫也鹽州刺史孝銳司空之昭也宏農太守瓌鹽州之
穆也太子太傅贈司徒齊物公之禰也尚書左僕射贈
司空復公之兄也代以忠厚而膺符命勲籍吏部皆冠
宗室公稟是慶祉生而朗邁宏毅疏達方廉孝悌學以
遜志文而無害始以門廡參調二命官至廷尉評明清
閱實適其輕重改宣城令滿歲受代縣人以理狀乞留
廉車上聞詔可其奏且加大理司直從人欲也縣鄙之
南水泉委滙每暑雨流淹輒傷大田公乃峻爲之防悅
使其衆人就安利稼皆登成大厯中郵坊節度使表爲

上介遷監察御史殿中侍御史中權策畫一以吞之成
師足食邊備益固使罷除昭陵臺令貴強沓貪奸冒法
禁公職在充奉露章以聞以爲巧言所中坐貶建安尉
在途累疏詞理劇切上覽而直之罪人就誅方議卒復
屬太夫人棄敬養貞元初移蘄州長史尋徵還京師執
事者銳於引重公亦放心獻熟會一人有漢宣共理之
嘆拜泉州刺史泉人宜之入爲宗正丞時卿長與其貳
不相能告訐之書紛然交訴詔公平之皆得其中自後
屬籍疑讞顯其聽斷兩造以明九族以和九年授果州
刺史先是里下無屏署官司無令書節用量功經構講
聚百堵乃興九章粲然政用樂易人皆輯附居部明年
有女道士謝氏白晝上昇優詔嘉異州閭咏嘆十一年
以課最陟爲司農少卿國泉邦用精力區處利病陳聞
靡不纖悉十四年宸心憫雨比屋艱食出其陳陳以活
元元又百吏之祿廩以粟易幣則輕重相準而便於人
皆自公發之也公稽覽故志通練程品嘗獻軍國便宜
五章推理道以及人事其他奏議皆附經術有塞蹇匪
躬之操焉渥澤日加方厚其屬任而才命相整末如之
何十五年三月乙巳以疾終于勝業里私第享年五十
九夫人榮陽鄭氏某官某之女姿操柔明先于公若干

年而歿乃者以公之勤追封榮陽縣君其孤曰昌舉進士甲科淑行至性公族稱其有後以其年五月甲寅邇塗襲吉血涕奉喪祔葬于萬年縣某原先公之兆域以德與獲詳踐履俾篆斯文其銘曰

昔在靖王愨策司空至公父兄亦命三公公族家代車服以庸允矣司農直方懿恭行惟遜悌仕乃廉忠利及剗鐘輕翰邇風時方大來命則不融柳車遲遲棘人充充如履夏屋歸全舊封圓石琢銘永識于中

唐故鄜坊節度推官大理評事唐君墓誌銘 并序

君諱欽字嘉言北海人曾祖貞休皇比部郎中河南少尹祖詡太子洗馬考試河南府士曹參軍代有懿行遠承華構君清方敏厚幼有立志與伯氏文編講義修詞知名於士友間其文筆浹洽而長於比興其義行潔修而篤於友悌貞元初舉進士甲科解巾補宮衛紀綱掾右輔守臣撫封碑士表為支使轉左領軍倉曹明年復調為左金吾領曹因喟然曰吾三命不越於環列其道蹇蹇滿歲晏居吟咏情性而已會故人彭城劉景通受天子推轂之重鎮于洛郡碑書既至命書繼下以廷尉評理軍訟未幾請急省兄于盛山又東南至于雲安間

關巴峽嬰冒霧露俄而景通入覲為冬官司空方欲盛薦君於獻納侍從之列景通既列左右曹中執法多所引重而枕疾不起悲夫時二十年秋八月壬子其年四十有九昔崔駟管轄官不過長岑令少府丞而當時之翕然扇巧言進取滿志者可勝道哉天閼紛綸從古所歎初娶馮翊嚴氏與元長帥相國太保公之女不幸早亡繼娶天水權氏華州司士參軍集之女子之從祖妹也有明識淑行為六姻儀法結縭周月遭罹柘舟之痛遺膺方娠可哀也哉子與文編周旋於文章道義二十年矣故辱君之歎亦舊淮湖睽阻京畿會合合姓恒化在旬歲之中寢門屑涕情何有極冬十月庚寅其孤揮既得卜吉空于萬年縣義善原且虞正夷谷變不可以不識遂為銘曰

唐故太原府史事軍李府君墓誌銘 并序

君諱雍字某趙郡鄆人曾祖萬安皇鄆平郡丞祖頊贈鄭州刺史父日知皇銀青光祿大夫黃門侍郎侍中戶工刑三尚書君承履休覆露而資性和厚有詞藻工篆隸起家太子通事舍人轉太常寺主簿年甫成童卓然

有立志歷都水監丞長安丞穀下難理號爲稱職下太夫人韋氏憂免喪猶毀不交人事尋詔除太原府錄事

參軍已抱沉瘵以開元十九年夏五月没于長安昇道

里享年四十五噫嘻以侍中公之寬明正直忠孝于君

親書在國籍爲景雲賢相宜其子姓昌阜有韋平之慶

而義方積善所及不過于丞吏都吏未強仕而天斯命

矣夫人范陽盧氏殿中侍御史敷之女司勳郎游之妹

華宗淑行先没者二歲有子元之仕至晉州洪洞縣令

愷悌之化行於鄉黨命屈其才亦不至大官洪洞之子

曰鄧州新野令彬萬年尉彤陳州太康主簿彩太公廟

丞彬前明經彊等以吏以文循守家法君初嘗謂洪洞

曰吾家代壤樹在周鄭之郊延陵瀟博豈限故土苟吾

啟手足必促擇不食之地而歸全焉故君没之歲秋八

月權窆于萬年縣龍首原厥後七十有七歲彤形等居

內憂忍哀襄事因竭誠信循祖禩之志啟君之寢遷耐

于京兆府奉先縣漫衆鄉章保里從吉卜也與洪洞君

庚甲分穴昭穆列次聿修之義情理無違而形又狀其

祖德請刻墓石抑子之重表甥也嘉其忠孝而銘之其

詞曰

伊昔侍中實相睿宗以孝以忠穆然清風乃生良士博

約仁義坦坦居易鬱埋下位家有孝孫卜茲鮮原刻勒

清芬藏于墓門

唐故監察御史清河張府君墓誌銘 并序

君諱衆甫字子初清河人曾祖尚皇海州司馬祖宏藝

皇兗州曲阜縣令考隱皇淄州司戶參軍君早爲諸生

能以學行自力寬廉而溫朴厚而文居易向晦固窮不

變故年過耳順而方脫童甫冠惠文示不苟也初爲轉

運使所辟解巾太常寺太祝轉河南府壽安縣尉罷秩

歷年僑居雲陽時以緣情比與疏導心術志之所之輒

詣絕境間以羈旅遊京師卿大夫聆其風者方以聲韻

屬和不暇會淮寧軍帥之始至也存東僚佐求士於朝

朝賢多以君爲才辟書薦至俄拜監察御史且爲從事

讜言幕畫舉無違者徵軍實於廣陵因涉江省家道病

沉痾不克復命以建中三年三月日至家而終享年六

十八夫人汝南周氏先於君歿其孤曰實曰字年並孩

亂未勝縲絰遂以其月日權稱焉嗚嗚貴仕肩壽或與

令德不并此昔賢所以爲歎姑以景行茂實貴于重泉

銘曰

洪範之義享用五福展如之人宜荷百祿嘉言婉婉則

荒墳子嗟乎張君

唐故揚州兵曹參軍蕭府君墓誌銘 并序

君諱惟明字某南蘭陵人曾祖凌皇丹州刺史祖文遠
 皇陞州別駕考重暉皇金州別駕自丹州以降雖位不
 過守佐而皆以行義似續君即別駕府君之子也天
 寶中舉秀才數上行過乎謙竟不得居甲乙科時苟未
 至雖巧力無所措其用否不可久後累為知已薦自明
 州參軍事至揚州兵曹掾凡四官皆有理效多以名
 聞薦拜或參從事之列向非及有餘而用無滯疇能及
 此晚歲病風家于丹陽葆真樂和樽酒自適輕財重義
 推誠于朋友之間不飾邊幅以曠達自任初君與令弟
 故司封郎中惟則同以儒服游京師賢士大夫締交慕
 義者如響郎中以通才歷職而君亦累為名公所薦年
 位未至相次凋落嗚呼以建中二年四月日所疾沉痼
 終于丹陽私第享年若干以某月日權窆于某所從宜
 也夫人扶風竇氏婦道柔明三子風潮汶等年未志學
 親然無怙錫挽將行哀以求銘誌曰
 南齊之後福祉蘊臻厥生兵曹洵美且仁如何中路翳
 魄荆榛刻石窮泉永志聲塵

唐故潤州丹陽縣丞盧君墓誌銘 并序

君諱峴字某范陽人自魏已降官婚人物為天下清甲
 大畧書于國史詳言在平家牒今所書三葉自曾王父
 衛州司馬府君諱宏壽初貞晦不仕公車徵拜至冀州
 信都主簿府君諱友裕友裕生揚州高郵縣令府君諱
 相君即高郵之第若干子奉前人之業講先師之訓以
 之克家以之從政直方謙厚卑不可踰筮仕三次不離
 州縣之職曰亳州蒙城主簿楚州寶應縣尉潤州丹陽
 縣丞寬敬莅事不希名譽故每當廉問薦延之日使臣
 陟明之舉皆遷延晦避時讓多之清行懿名竟用不損
 以大歷九年七月日寢疾終于官舍享年五十五其娶
 隴西李氏柔順有婦行嗣子某等訣于著蔡銜恤襄事
 以關河不靖未克歸祔遂以某月日權厝于縣之北面
 焉從宜也子僑居丹陽常與君游故粗書事實以備刻
 石銘曰

生死法云如環斯循于嗟盧君於此歸根

權載之文集卷第二十六

唐權德輿字載之

墓誌銘

王妣夫人宏農楊氏附葬墓誌銘

王妣夫人姓楊氏宏農人祖敬皇太僕少卿交州都督金鄉縣公父晏湖州武康縣令夫人始笄歸于王考府君名重而祿薄家肥而身約仕至左輔尉中兵紀綱接所與游者皆天下備人賢士夫人無攸遂勸以義之道備焉天寶四年先太保貞孝公既孤夫人慈仁訓育以文行紹續繇進士第授臨清尉勸縣尉安祿山之亂也以大節聞履險違難崎嶇色養滅迹人事以扁舟爲家至德二年夫人棄孝養于杭州富陽縣之行次時四方兵交歲大疫江東尤劇未克歸附此焉寧神先公號咷崩毀因中風濕痺痲外除拜御史右史著作郎皆以疾不祇命大歷丁未德輿丁茶蓼貞元戊辰再集艱棘餘生未泯積慶所鍾因緣踐履叨冒崇大以歲時之不易事物之多故久未遷神心焉若推言陰陽者利在卯酉元和五年歲直庚寅德輿忝太常卿以明年之吉襄事既具其年猥叅宰政禮不克就乃建宗廟以嚴蒸嘗逮今十二歲在丁酉德輿以檢校吏部尚書理戎漢中拜

章上請協用龜策啟先太君壽堂于丹徒啟夫人壽官於富陽七月壬寅附王考府君兆域于東都伊闕縣慈水之陽吉自杭抵洛凡二千五百里水陸安靜誠信無違天之佑也惟尊靈幽闕周一甲子罪在屏菲宜當誅極而懿範遺訓流光孕休閨門受祉施于子孫霜露怵惕如惓如醒又德輿之生也後不獲逮事遯聽令聞靡詳萬一故合姓之紀歲棄代之享年皆闕焉刻茲介石以永終古銘曰

惟王母之令德淑明柔克閨門延耀以引以翼王父安卑今其道未光先公大節今易名章章伊孤孫之蒙駭不獲逮事慶靈流澤今積累名器湖河湯湯轉車帷裳伊水之陽附于幽堂萬有千歲兮徽音不忘

先公先太君靈表

先公以大歷二年歲在丁未夏四月十四日棄代于潤州先友趙郡李公遐叔已爲之墓表先太君以貞元四年歲在戊辰夏六月二十三日棄代于洪州亡友安定梁肅寬中又爲之墓表乃今元和十二年歲在丁酉秋七月十五日壬寅孤子山南西道節度觀察使銀青光祿大夫檢校吏部尚書兼興元尹御史大夫扶風郡開國公德輿始獲備誠信以追命徽數昭告啟二封于丹

徒耐神于東都萬安山之北原其終始大要官伐大本
並已具李氏之說孤窮嗷號以補其缺文先公以承貞
元年再追命爲工部尚書元和二年三追命爲太子少
傅七年四追命爲太子太保太常考行易名曰貞孝公
先夫人元和元年追命爲燉煌縣太君二年再追命爲
絳郡太君先公有事君事親之大節道積于身而不得
大行於時時不得蒙公之化士大夫之論炳如日星聒
若鳳麟夫人輔佐中饋爲人倫師式上事姑下訓子爲
順婦爲慈母孝愛寬順得內姻外姻之和如惠風甘雨
長育生物永惟二尊并包徧順用晦其明不丁於時受
名器褒錫于冥冥之下覆露蒙昏叨冒顯榮踰量膺毒
日俟顛隕嗚呼曾王父以上塋於本州今限異域王父
葬于伊水之陽屬者下耐于伊水之陽不吉得萬安山
之原吉以歲之不易與時之多故久未遷神懼至沒身
常泣謂稚子璩曰苟吾未襄事死而不可以歸骨於九
原不可以請諡於有司今則天幸克申私志異時從先
公於斯丘也是得養于下也尊行淑聲備于前銘繼此
讓刻哀荒罔極

獨孤氏亡女墓誌銘

并序

元和十年歲在乙未冬十月二十一日戊午故秘書少

監贈絳州刺史獨孤郁妻天水權氏寢疾終于京師光
福里嗚呼吾之女也故哭而識之惟吾門代有懿德至
先君太保貞孝公之大節大行爲人倫師表故鍾慶于
尔而又天閔其成此吾所以不知夫天之所賦也初笄
有行未嘗遠父母兄弟考室同里常如歸寧始絳州以
褐衣納采其後爲侍臣史官更掌中外詔詰皆再命或
三命十數年間便蕃清近叵赫光大天下公議以宰政
待之其於閨門之內佐君子供先祀嚶嚶申申有孝有
仁乃者吾忝大任絳州居近侍而能婉約勞謙得六姻
之和長信官受冊命之歲與母於內朝序位環珮之聲
相聞黨族榮之人情禮意纖微矩度言內則者以爲折
中戲夫絳州方強仕不淑尔又未練而歿年止三十一
天之報施其何哉始稱未亡人也懼貽吾憂每歛威容
而爲柔色然以沉哀攻中竟不能支悲夫初先舅憲公
有重名于時絳州生而孤不得遠事儻冥冥有知將同
穴而養于下耶抑智氣在上歸于冥冥耶吾不知也生
子二人女子一人長男前一歲未成童而天次日晦生
十年矣至性過絕人未暮月再丁荼蓼嗷號罔極晦世
父右拾遺朗茹終鮮之痛撫之如不孤貞于龜冊得明
年二月六日壬寅耐葬于東都壽安縣之某原宜琢墓

石以承子後吾老矣豈以文爲懼他人不知吾女之茂實故隱痛而銘曰

賜光未晝而湛晚兮植物方華以槁落兮懿吾女之淑令兮祈君子於冥冥已乎已乎吾不知夫神理之有無

錫孫進馬墓誌

權氏殤子名順孫小字文昌以被病用桑門法更其字曰君吒贈太子太保貞孝公之曾孫今刑部尚書扶風郡公德與之孫渭南縣尉璩之子始仕爲僕寺進馬三十三年以元和十年十一月二十二日天子光福里二十七日斂手足形于萬年縣神和原既闔棺其大父泣而誌之曰尔切有敏志孝順敬遜承大父母父母之教無違言雖孝子順孫成人者之養不若也故吾以各之讀孝經論語尚書尤好筆札不離硯席凡舉措語言循理論義出常童遠甚方肆小戴禮業未竟而感疾自春涉冬綿四時漸劇大病之際上辭尊長下訣幼弟妹恬然不亂且謂其傅婢曰空中佛事儼然在目促焚香移吾枕西嚮合掌而絕始吾常疑神滅不滅之論逮今信矣噫嘻以尔已仕且有成人之志吾欲勿殤知禮者曰不可而不敢逾也惟大墓在洛師得陪祔之吉於後歲故於是權窆而就曰

惟魂氣兮無所之尔之神得所往兮吾又惡用夫涕洟叔父故朝散郎華州司士參軍府君墓誌銘并序

序曰洪範叙三德五福之道而德在乎人福繫乎運時未光大則卷而懷之姑以清行厚德遺諸子姓而已公諱隼字子鷺天水略陽人十二代祖安丘敬公諱翼爲前秦司徒代有勳德以至四代祖平凉公諱文誕歷開府儀同三司洪常二州刺史會祖滑州匡城縣令諱崇本王父益州成都縣尉諱無待烈考許州臨穎縣令諱汲初平凉之先三葉開國匡城以降世名文行公繼成茂緒祇服家法有大易之鳴謙中庸之慎獨慥慥其守孳孳其勤中立而不易方夷道而不由徑故克家無玷干祿有聲天寶末州里舉經明屬幽陵叛換計偕中止解巾試守河西尉其拜耶陵丞時東郊不開違難逃祿艱貞潔白終出盜泉朝廷嘉之除楚州寶應丞是歲太夫人弃孝養刺血寫大乘微言毀瘠過禮旣除喪爲親戚所勉調補宋州宋城縣丞孟尚書某方持郡節深相推重每歲考課居郡中最大厯中授福昌丞貞元初改華州司士嘗辟彭城劉公蕭國班公之府皆分事任實助經費所至之邦必聞其政所奉之主必以加禮而又

學古不怠歌詩必類緣情而不流體要而無害故秘書包公謂公內外循理心正氣和君子以為知言其道未

伸天奪之弄嗚呼貞元九年四月辛亥終于富平從事

之館享年六十一夫人陳郡殷氏皇曹州司法麗正殿

學士踐獸之孫河清尉寅之女故給事中杭州刺史亮

其兄也今侍御史郴州刺史丞其弟也生德義之門襲

衛邠之慶自執筭主饋遠四十年孝慈柔明六姻是仰

學備箴誦言成禮法公之祿甚薄而家甚肥中外無間

言諸孤猶已子閩門之內和樂薰如也既茹未亡之痛

護奉輜車東旋洛都八月癸丑選疾瘳終于新安之別

墅享年若干有男五人長曰少成仕至桐廬尉次曰少

清以經術甲科次曰某曰某皆以文學裕鹽稟公之義

方女子五人長適安福尉劉公範次適常州司倉齊暢

其次未及笄皆稟夫人之明訓少成等曾未半歲再集

荼蓼思養于下如不欲生銜恤忍哀竭其誠信以十月

某日得吉卜於新安縣山南龍澗原禮也小子亂歲而

孤夙承善誘且懼徽音行實之不傳于後與陔谷之有

遷也謹用論譔哀而不文銘曰

惟叔父秉直清溫而文誠而明六試吏揚令名再從事

有淑聲猗夫人懿純德俾婦行為內則樂申恭恭翼翼

女有家男述職天不備降鞠凶道未行禍已鍾刻金石
識邱封德不泯哀無窮

再從叔故試大理評事兼徐州新縣令府君墓

誌銘并序

府君諱有方字某天水略陽人也曾祖崇本皇朝散大

夫滑州匡城縣令祖若納皇右補闕起居郎桂欽梓三

州刺史考做杭州紫溪縣令代以儒門四科為家法故

發于文則菁華施于政則惠餘公承是休德飾躬踐行

得詩之無邪易之通理凡五授命皆以推擇曰左清道

率府兵曹參軍太子通事舍人陳州司法參軍亳州司

士參軍以至大理評事兼徐州新縣令滿歲南游避疾

于途以貞元十六年夏五月歿于楚州之旅館春秋若

于夫人河間劉氏樂城公仁軌之元孫也明智才淑有

子曰長儒弱冠舉進士甲科文行清直泉其容水漿不

入以某年某月日得吉卜于某地其引也蓋殯也以輿

師繁輿未遑歸窆于東周之大堽姑刻圓石書其畧云

公夷通直信睦姻任恤位卑而志宏居約而家肥有為

有守不疚不貽其初命再命官衛贊謁雖未居異秩而

四方之嘉招狎至其後掾二邦奉六條受祿不誣實聞

其政或攝領通邑分乘輅車皆有裕人之仁急病之義

及理於斯也能遂物之宜不奪人之時嘉惠善利洽於
千室猶卽墨桐鄉之理無不及也又嘗饋師于回中從
事於夷門皆有功利稱于其府其去蘄也西方節將議
委以謀猷介僕之重且謂弓旌之未稱也將以柱後惠
文之冠招公章旣上而公大病斯可歎已猶子族子自
替及總侍疾承訃崩波塗潦又以見公風訓慈仁之所
逮也噫嘻自匡城至公四代而三爲縣大夫皆用循政
聞且以兩漢碑曼容陳仲弓爲準故不至豐祿加以梓
州之懿文盛德排抑於時道光夫終于節節或者蕃
祉必復其在裔乎此宗門所以有望於公之孤之昌大
也旣而緘公理命以論諛小子愀然涕洟而爲之銘
曰

恭惟叔父信厚清厲有車翹翹將事匪懈掾吏二部文
而無害施化一同蘄人以父易象視履謂耆而艾奄然
不淑力命相戾楚挽虞殞風煙晦昧屬詞貞珉寧此厚
載

再從叔故京兆府咸陽縣丞府君墓誌銘 并序

府君諱達字某天水畧陽人曾祖崇本皇朝散大夫滑
州匡城縣令祖若納皇通議大夫桂欽梓三州刺史考
僕皇深州安平縣令自十二代祖前秦安邱敬公至四

代祖平涼公皆有勲力爲通侯大吏自匡城至安平以
文采政事爲列城二千石家法休聲貽于後昆府君以
士行吏理平端簡實大厯初調爲家令寺主簿歷同州
馮翊縣尉河南府登封主簿京兆府咸陽縣丞居之必
聞者績得之必由綜覈中外之姻或據咸里都後鄉未
嘗巧從以去窮約且以枉道由徑食浮於人爲戒大率
每十歲徙一官故歷三紀而四受祿勤官肅事不誘于
長上循理蹈和不攝於健羨其有常歎其難進歎貞元
十九年歲在癸未秋七月壬戌感風疾終於新昌里享
年六十九先是夫人南陽張氏明茂有禮法亦天奪其
壽府君周續旣除三月而鞠凶及悲夫支子塤等謀於
族屬家老以明年春三月己酉耐冥宅於萬年縣龍首
原謹書官次以納幽交銘曰

幽丘而下睥睨圭組宜昌郟城乃代啟土平涼策勳梓
州懿文家謀德風儀刑薦紳時惟叔父祗服丕矩始仕
官卿乃從左輔周旋二畿坦坦安卑遵道而行不競于
時脩短奄忽兮嗚呼涕洟崇崗美楨分承識于茲

唐故河南府登封縣令權君墓誌銘

噫嘻吾之從祖弟曰少成字某仕至河南府登封令而
殺其年五十七曾祖王父益州成都縣尉府君諱無待

王父許州臨潁縣令府君諱伋父華州司士叅軍府君
 準三葉有文行而賦祿不稱當時才士各人皆與之游
 君甫成童通左史古文小戴禮以經明調選為睦州桐
 廬尉凡七徙官皆以功次得調其為右威衛紀綱掾尚
 書郎有官人於黠巫者請為之介裔夷得職其為河西
 尉奉職于左曹吏無奇羨其為梁縣令也二千石領行
 詔條繆行徵令而多賦于人屬城皆不能辨君毅然有
 守折其疑文詞堅氣正不直不已梁人得以蒙其澤遂
 其生郡表尤異拜河南府兵曹曹事修理元和十一年
 調補登封春二月病風痺速秋寢劇九月十七日啟手
 足於官次悲夫君仁厚質實廉隅介獨潔清在公顛沛
 以之探經術法義往往以文自道不務游談不馳名聲
 深知者以為古之循吏不若也階近赤紱官近朱轡謂
 跋而及竟歿於周圻一同之地斯可憫也妻博陵崔氏
 某官某之女雅有婦行長男頊以經明為鳳州兩當令
 專敏好學次日瑄華州叅軍篤志於文章幼嗣曰某曰
 某皆在雅儒呱呱以泣頊等以明年二月安附于伊闕
 之舊封禮也嗚呼吾無莽叔父無莽大功兄弟以至於
 君且有一歲之長班白相視疾恚相悲奄然委化痛入
 肝膈故出涕而銘之銘曰

東周蒼茫兮旬邑鮮原以之賦政兮以之歸根嗚呼不
 可作兮死生法云

唐故使持節郴州諸軍事權知郴州刺史賜緋

魚袋李君墓誌銘 并序

君諱伯康字士豐隴西成紀人自梁武昭王元孫文穆
 公冲為元魏僕射司空與兄穆侯恭侯惠侯莊公中乘
 樞揆外顯方國文穆公二子長曰延宴次曰休纂論道
 追命皆至司徒蟬聯茂盛冠於百族君即叔氏司徒之
 後也曾祖仲進皇宣州司馬祖儒皇河南府澠河池縣
 令父愔皇朝議大夫宗正丞贈濮州刺史三葉用晦士
 不過郡佐縣大夫典司宗籍而天爵崇茂士林嚮仰君
 以才實克家清方入官始為知己者所薦授閩州司倉
 掾轉下邳福昌奉先三縣尉皆有能名建中三年調補
 御史臺主簿成奏未下以太夫人寢疾歸侍藥磨明年
 丁內艱衣裳外除迫嚴君之命復調為長安尉時王師
 清宮鑿輅初復武人千吏理轂下為多事邑之細大必
 決於君每歲考績為府中最貞元五年再集茶麥終喪
 猶毀不交人事屏居池陽以耕植自業九年春西鄙不
 靖詔城五原以備邊鄜延節將選重實佐以厚禮辟君
 實董塞門之役不愆于素抑有勞焉拜監察御史轉殿

中錫以章綬尋遷侍御史加檢校工部員外郎凡十年四徙官爲郟上介伐謀而郟之師以律折獄而郟之人不寬十八年從守臣來朝行次中部所從復子左轂護其輜祿以至京師庀具會事稱情中禮十九年秋七月拜郴州刺史精力惠養蠲除煩苦導利省嗇而人不擾廉平信厚而吏知方今相國左丞鄭君頊後佐茲郡知君也熱洎入總綱輶盛推理行再筦宰政方圖陟明斯言未復奄忽凋落時永貞元年十月某甲子春秋六十三悲夫君天資器幹機用強敏夷易疏通不越名聲學尚周洽而情情甚麗業履端脩而睦姻尤篤時人多知君吏理過於文行唯故相太傅盧恭公今相國左丞鄭君臬鄙人實知之而棲遲下國迫阨委化斯可嘆已夫人范陽盧氏宣城縣令吳之女華緒合儀執笄佐饒先於君歿二十年矣嗣子盧氏縣尉操次子前明經掖支子某等皆以孝經而承訓儀君令弟爲長安主簿少安請急襄事崩波動遠自荆抵洛泣奉輻車以元和元年某月甲子塋于某縣某原之舊封君子曰於長安之兄之喪有以見同氣之痛德輿以中外伯仲周知所履刻石紀事朴而不誣銘曰

郟之政兮理平君之行兮廉清矧有深知兮秉國之成

丞言于朝兮將陟其明豁然符守兮奄忽冥冥俯臆約結兮未據生平道途自遠兮廣柳芻蕘風雨所交兮卜洛佳城元龜是貞厚載是寧子嗟乎內兄

唐故長安主簿李君墓誌銘 并序

君諱少安字公和隴西成紀人自元魏僕射文穆公冲而下爲西州冠族或位不充者必以令德聞會祖仲進皇宣州司馬祖橋河南府滎池縣令父愔朝議大夫宗正丞贈濮州刺史君卽濮州第三子敏信寬綽篤子行義方舉孝廉偶爲所親者薦延授與州阜城縣尉旣非所好終不屑就王黔中礎之持節廉問也表爲推官轉支使歷左武衛曹參軍大理評事用誠直贊佐夷落之人宜之府除至京師轉三原縣尉筦中書甲庫考績四居上第遷長安主簿二陵復土之重比歲會同執轂下所莅儲峙無違典司旣置肅給安靜尹守以爲能方授代而復表留一歲御史府司察視者數薦君自代君方勇於退故朝命未及焉元和三年三月己酉感疾不起於長安興化里第享年五十君溫仁孝友喻義循理恢恢然有君子之度齒位皆屈而智者歎焉夫人榮陽鄭氏太僕少卿叔規之女仁而不壽先是君元兄郴州刺史捐館舍請急襄事問關勤遠間一歲有嗒然之痛

喪服甫除俄啟手足噫以積善之家而叢不淑如是糾纏之數其可問耶嗣子斌授等號奉轎車以夏五月景申祔于東都頽陽縣之某原禮也音徽未沒志義相倫情殷中外年同甲子濡涕操管銘于墓門銘曰族之盛兮才之令兮纔知命兮俄大病兮壅者藏兮頽之陽兮誌丘荒兮杳茫茫兮

唐故洪州建昌縣崔君墓誌銘 并序

君諱遵字某博陵安平人也六代祖北齊右僕射昂以文學正直周歷諸曹禮樂刑政所損益者十七八生隋水部司門二郎中洽有風儀器尚以世其家司門生皇掖縣令曇首掖縣生武邑令紹武邑生白水尉項頊生汾西令贈定州刺史昇之自掖縣四世舍德不耀君即定州府君之長子故相國右庶子安平公其介弟也恬淡愿慤不遷於時仁于鄉黨友于兄弟大歷中御史大夫贊皇李公之宣風于吳也聞其賢起家表為常州武進縣尉跡徇知己心不近命俛視官曹非其好也建中初嗣曹王分闕按部于九江之西又以名聞轉洪州建昌縣丞君喟然曰莊生於陵子吾之師也惡用是哉終不屑就先是築室於毗陵疏清流蔭碧鮮樹藝偃仰有終焉之志貞元十年正月日寢疾終於其家享年六十

三夫人范陽盧氏華宗淑行動循禮法其孤景伯等年未及冠皆專經趣善藐然街恤獲奉轎車以明年十月某日歸祔于河南東原之舊封先遠故緩也季弟著作郎述貞諒遜悌稱於士林抱終鮮之痛主歸全之禮以德輿詳其所履俾為墓誌銘曰公綽之道潛無欲兮潔身用晦言可復兮視履考詳宜哉毅兮乃如之人胡不淑兮周原舊封森拱木兮子以寧神識陵谷兮

唐故給事郎使持節房州諸軍事守房州刺史賜緋魚袋崔公墓誌銘 并序

公諱述字元明博陵安平人自東漢長亭長濟北相代擅雕龍之美濟北五代至晉大司農洪司農八代至北齊右僕射昂僕射三代至公會祖皇朝散大夫冀州武邑縣令諱紹大父同州白水縣尉諱頊烈考晉州汾西縣令贈定州刺史諱昇之代有文行懿德為北州冠族公夷雅溫粹安舒廉靜於座右銘得含光之妙於政論得理道之奧以之脩身以之理官蓋家法積厚而公能踐之之故也始自官衛試守未弱冠而為藍田尉已有嘉聞尋轉葵州浦陽令揚州兵曹參軍皆以吏理著稱故辟書交委命書隨之歷監察御史殿中侍御史再為

侍御史實佐壽潭洪三邦車賦之重拊循輯睦繫上介是賴府遷子荆薦言子朝拜著作郎虞部員外郎論著奏議率循憲矩不毀方以求合不出徑以趣捷貞元十二年出爲房州刺史承長帥剛嚴之理當與師饋饗之殿暴征繼起煩言狎至而能推情厲身以裕勞人惻隱所被四封嘉靖十七年秋七月辛酉感疾捐館舍春秋五十七夫人京兆韋氏承公官之訓爲女士之表凡合姓二紀柔而正勸以義之道備焉其孤文伯武伯等學通禮籍姿性純至斬焉相視泣奉裳帷以冬十一月甲子附塋于東都某原禮也初公仲兄左庶子安平公有重名于時安平所與游者公皆從而游焉故常與賢士大夫推古今世道博約論辨摠之於詞凡數千言因曰勝質之文吾所甚懼彼奔馳塞路者旣不可過又惡用斐然之爲邪遂輒削去其用晦如此行義醇備慈仁任恤安平旣卽世伯兄繼沒猶子之解巾結禩先於己子故不舉火之日男未仕女未行其於疾則十起衣無常主雖伯魚稚春不能加焉群從族姻均祿直以賜其乏不結黨友不趨聲利常欲脩性息跡考一邱之樂而未齒與位皆負其實奄然不淑爲知者所歎建中初德輿遇公于九江之西其後辱安平戴侯之知於公護南容

之眷刻石誌美不敢曷辭而實錄焉銘曰
齊稱大風漢有文宗傳賢戴裝似續昭融坦坦房陵勞謙孝恭優游祿仕惟道之從素履不華黃裳在中乃儀列星乃飾伏熊居易處厚有初有終魂氣杳冥諸孤哀慟圓著大蔡先遠攸同刻茲貞珉永黃邱封

